

تحقیقی مجلہ

# کھوج

لاہور

چھپماہی

مسلل شماره نمبر 70

مدیر

پروفیسر ڈاکٹر عصمت اللہ زاہد



شعبہ پنجابی یونیورسٹی ادبی اینٹل کالج لاہور

# مجلہ ”کھوج“

ISSN: 1992-6545

ایڈیٹر	:	پروفیسر ڈاکٹر عصمت اللہ زاہد
ڈپٹی ایڈیٹر	:	ڈاکٹر نوید شہزاد
ادارتی کمیٹی	:	ڈاکٹر سعید خاور بھٹا، ڈاکٹر ناہید شاہد، ڈاکٹر نبیلہ رحمان، ڈاکٹر انجم رحمانی، ڈاکٹر یونس احقر (پاکستان) ڈاکٹر کرنیل سنگھ تھند (بھارت)
مشاورتی کمیٹی	:	ڈاکٹر سید اختر جعفری، ڈاکٹر عبدالرزاق شاہد، ڈاکٹر ثریا احمد ڈاکٹر شاہد کاشمیری، عمران خالد (پاکستان) ڈاکٹر ستیش کمار ورمہ (بھارت)
کمپوزنگ	:	محمد سدھیر
چھاپہ خانہ	:	پنجاب یونیورسٹی پریس، لاہور
پتہ	:	شعبہ پنجابی، پنجاب یونیورسٹی اور ی اینٹل کالج علامہ اقبال کیمپس، لاہور (پاکستان)
ای میل	:	info.punjabi@pu.edu.pk
فون/فیکس	:	042-99210834
شمارے داخل	:	300/- روپے پاکستانی، بیرون ملک 10 امریکی ڈالر

مجلہ چھیماہی ”کھوج“ وچ چھپن والے مقالے، مقالہ نگاراں دی راء تے مبنی ہوندے نیں۔  
ایہنوں ادارہ یا ادارتی کمیٹی دی راء تصور نہ کیتا جائے..... (ایڈیٹر)

چھیماہی کھوج HEC ولوں منظور ہون توں وکھ حکومت دے مراسلہ نمبر ایس۔ او (سی ڈی)  
75/1-3 مورخہ 2 جنوری 1980ء دے مطابق پنجاب دے سکولاں تے کالجاں لئی وی منظور

شدہ اے۔

ISSN: 1992-6545

- Editor : Prof. Dr. Ismat Ullah Zahid
- Deputy Editor : Dr. Naveed Shahzad
- Editorial Board: Dr. Saeed Khawar Bhutta, Dr. Naheed Shahid,  
Dr. Nabila Rehman, Dr. Anjum Rehmani,  
Dr. Younas Ahqer (Pakistan)  
Dr. Karnail Singh Thind (India)
- Advisory Board: Dr. Syed Akhtar Jafri,  
Dr. Abdul Razzaq Shahid, Dr. Suryya Ahmad  
Dr. Shahid Kashmiri, Imran Khalid (Pakistan)  
Dr. Staish Kumar Varma (India)
- Composer : Muhammad Sudheer
- Printing : Punjab University Press, Lahore
- Address : Deptt. of Punjabi Language & Literature,  
Punjab University Oriental College,  
Allama Iqbal Campus, Lahore. (Pakistan)
- E-mail : info.punjabi@pu.edu.pk
- Tel./Fax No. : 042-99210834
- Price : Rs. 300/- (in Pakistan)  
: US \$. 10/- (Abroad)

Biannual “Khoj” is approved by HEC & recommended  
for educational institutions of the Punjab by Letter No.  
S.O(CD)75/1-3 dated 02-01-1980, Govt. of the Punjab.

تحقیق مجلہ  
چھیماہی  
کھوج

شماره نمبر 2

جنوری۔ جون 2013ء

جلد 35

مسلسل شماره نمبر 70

مدیر  
پروفیسر ڈاکٹر عصمت اللہ زاہد

نائب مدیر  
ڈاکٹر نوید شہزاد



شعبہ پنجابی، پنجاب یونیورسٹی اوری اینٹل کالج، لاہور

## مقالہ نگار حضرات لئی

”کھوج“ شعبہ پنجابی، پنجاب یونیورسٹی اور اینٹیل کالج لاہور (پاکستان) توں شائع ہون والا چھہماہی تحقیقی مجلہ اے۔ ایہہ مجلہ 1972ء توں بغیر کسی تعطل دے شائع ہو رہیا اے۔ ایہہ دے وچ پنجابی زبان، ادب، تہذیب، ثقافت تے تاریخ دے مختلف پہلوآں بارے تحقیقی مقالے شائع ہوندے نیں۔ ایہہ مجلہ ہائر ایجوکیشن کمیشن آف پاکستان توں منظور شدہ اے۔ مجلے وچ شامل مقالے نوں منظوری لئی دو ماہرین کول رائے واسطے گھلیا جاند اے تے مقالہ نگار داناں صیغہ راز وچ رکھیا جاند اے۔ ایس توں پہلے مقالے نوں ادارتی کمیٹی پرکھدی اے۔ مقالہ نگار نوں ماہرین دی رائے توں آگاہ کیتا جاند اے۔ جے ماہرین نے مقالے وچ کوئی تبدیلی یا اضافہ کرن دا آکھیا ہووے تے مقالہ نگار اک مقررہ مدت وچ تبدیلی تے اضافے نال مقالہ دوبارہ جمع کرواند اے۔

مقالہ گھلدیاں ایہناں گلاں دا خاص خیال رہوے: مقالہ اصلی مواد تے مشتمل ہووے (نقل نہ ہووے)۔ جیہڑے محققاں دے کم توں استفادہ کیتا گیا ہووے اوہدا حوالہ دتا جائے۔ مجلے وچ شائع کروان لئی گھلیا جان والا مقالہ کتے ہور اشاعت لئی نہ گھلیا گیا ہووے۔ ہائر ایجوکیشن کمیشن دی ہدایت دی روشنی وچ مقالہ چرہ سازی/نقل توں پاک ہون پاروں ای شائع کیتا جائے گا۔

مسودے دی تیاری: مجلے لئی مقالے پنجابی، اردو یا انگریزی وچ قبول کیتے جاندے نیں۔ مقالہ فونٹ سائز 15 سنگل سپیس مارجن وچ ہووے۔ ٹائٹل والے صفحے اُتے مقالہ نگار دا مکمل نام تے ادارے دا پتا، ڈاک دا مکمل پتا مع ای میل تے ٹیلی فون نمبر درج کیتا ہونا چاہی دا اے۔

تلخیص تے حوالے دا طریقہ: تلخیص (Abstract) انگریزی زبان وچ 120 توں 150 لفظاں تک ہونی چاہیدی اے۔ تلخیص مقالے دا اک جامع خلاصہ ہوندی اے نہ کہ مقالے دے نتائج۔ مقالے دے متن تے آخر وچ حوالے جدید اصولاں مطابق دتے جان۔

مثال لئی: لکھاری داناں: کتاب داناں؛ مقام اشاعت، سن اشاعت صفحہ نمبر

خط کتابت ایس پتے تے کیتی جاوے

مدیر مجلہ کھوج۔ شعبہ پنجابی، پنجاب یونیورسٹی اور اینٹیل کالج علامہ اقبال کیمپس، لاہور (پاکستان)

بِسْمِ اللَّهِ الرَّحْمَنِ الرَّحِيمِ

رب دیا پیاریا! مدح تری نحس نحس مُو مُو پیا کردا  
تیرے سوہنے قد دیاں گلاں سرُو سرُو پیا کردا  
کملیٰ والیا! نظر کرم دی اج ہر نگھا بندہ  
بے قدری دیاں پالیاں وچ ٹھرو ٹھرو پیا کردا

حفیظ تائب

## فہرست

	☆		
	مدیر		
9		علی حیدر دے پڑچولیاں دیاں بھلاں (اک تحقیقی مطالعہ) حنیف چودھری	1
21		اجو کے سسے وچ تصوف دی لوڑ	2
		ڈاکٹر ناہید شاہد	
31		پراتن شعر روپ دوہڑا: بہتر تے سبھا	3
		ڈاکٹر عاصمہ قادری	
43		پنجابی آپ بیتی دا ثقافتی مطالعہ	4
		ڈاکٹر عباد حسین	
55		اٹھارویں صدی دی صوفیانہ شاعری دا عصری تے تمدنی مطالعہ	5
		ڈاکٹر سعیدہ ممتاز	
69		حضرت سلطان باہوتے شیخ سعدی شیرازی دے فلسفہ عشق وچ فکری مماثلت	6
		ڈاکٹر محمد اقبال ثاقب	
77		باراں ماہ سیرت اک نویکلا انداز	7
		ڈاکٹر سرفراز خالد	
93		منٹوی حاجی محمد صفوری کی صوفیانہ اہمیت اور اس کا فکری و فنی جائزہ	8
		ڈاکٹر رشید احمد	
101		پنجابی کہانی دا اک صدی دا سفر	9
		ڈاکٹر الطاف حسین لنگڑیال	
111			10
		ڈاکٹر جمیل احمد پال	





## اداریہ

قارئین!

المس شمارے وچ دس تحقیقی مقالے شامل نیں۔ پنجابی کلاسیکی شاعری، تصوف: ماضی و حال، اج دی رہتل، لوک تے نثری شعری صنفوں، صوفی شاعری، جدید شعری صنفوں، مذہبی شاعری وغیرہ سب سرناویاں پٹھ بھرویاں تے نرویاں لکھتاں الماس شمارے دا حصہ نیں۔ حنیف چودھری نے اپنے مقالے وچ علی حیدر ملتانی دی حیاتی تے فن بارے مختلف لکھاریاں دی کھوج نوں تحقیق دا موضوع بنا کے کجھ بھلاں نوں دور کرن دا چارا کیتا اے۔ ڈاکٹر عاصمہ قادری ہوراں معروف شعری صنف ’دوہڑا‘ دی ریت روایت سمیت دوہڑے دی بہتر تے سبھا بارے تفصیلی گل کیتی اے۔ ڈاکٹر عباد حسین نے پنجابی آپ بیتی نوں مکھ رکھ کے ایہدے ثقافتی پس منظر دے حوالے نال تجزیاتی مطالعہ پیش کیتا اے۔ ایسے طرح ڈاکٹر سعیدہ ممتاز نے 18 ویں صدی وچ رچی گئی پنجابی صوفیانہ شاعری دا مطالعہ اوس عہد دے سیاسی تے سماجی پچھوڑ وچ کرن دا جتن کیتا اے۔ ساڈے بوہتے صوفی شاعراں دی فکر اُتے فارسی شعرا دے اثرات وکھالی دیندے نیں۔ حضرت سلطان باہوتے شیخ سعدی شیرازی دے فلسفہ عشق وچ مماثلت دے حوالے نال ڈاکٹر اقبال ثاقب ہوراں دا مقالہ اک دلچسپ مطالعہ اے۔ پنجابی شاعری دا سبھا شروع توں ای اسلامی رہیا اے۔ خاص طور تے فقہ تے سیرت رسول اُتے بہت کجھ لکھیا گیا اے۔ معروف شعری صنف باراں ماہ دا سیرتی کچھوں مطالعہ ”باراں ماہ سیرت“ دے ناں نال ڈاکٹر سرفراز خالد ہوراں دی سلاہن یوگ کوشش اے۔ غزل پنجابی شاعری دے میدان وچ

اجو کے سہ دی بڑی پردھان صنف اے۔ ایہہ نہ صرف مرکزی بلکہ پنجابی دے وکھو وکھ لہجیاں وچ وی ایہدی اک توانا روایت بن دی جا رہی اے۔ ڈاکٹر رشید احمد خاں نے ہندکو غزل دے تعارف تے تجزیہ نوں اپنے مقالے دا موضوع بنا کے ہندکو غزل دی روایت نوں اگے ٹورن دا سر بندھ کیتا اے۔ ایسے طرح ڈاکٹر الطاف حسین لنگڑیال ہوراں معروف صوفی حاجی محمد صفوری دی پنجابی مثنوی دے فنی جائزے نوں اپنی لکھت دا موضوع بنایا اے۔ ڈاکٹر جمیل احمد پال ہوراں دا مضمون پنجابی کہانی دے سو سالوں دا گھیرا کر دا بھروسے ڈھنگ نال مکدا اے۔

مجموعی طور تے ایہہ سارے مقالے اپنے اپنے انداز وچ انفرادی نوعیت دے مالک نیں پر ایہناں دے مطالعے توں پنجابی ادب دی اک معتبر تے جاندار روایت دا ارتقائی سفر وی نظر آؤندا اے۔ جیہڑا پنجابی زبان و ادب دے روشن مستقبل دی نوید اے۔ امید اے ایہہ سارا کچھ تہانوں ضرور پسند آوے گا۔

— مدیر

Khoj  
Research Journal Deptt. of Punjabi  
Language & Literature  
Punjab University Lahore (Pakistan)  
Vol:70, Jan.-June. 2013, pp 09-20

کھوج  
تحقیقی مجلہ شعبہ پنجابی زبان و ادب  
پنجاب یونیورسٹی لاہور (پاکستان)  
جنوری - جون 2013ء، مسلسل شماره 70

## علی حیدر دے پڑچولیاں دیاں بھلاں

(اک تحقیقی مطالعہ)

حنیف چودھری

Ali Haider dey Percholeyān Diyan Bhulaan

(Ek Tehqiqi Mutaleya)

### Abstract

Mystical poet Ali Haider Multani, though lived far from Multan city, enlightened the Punjabi people through the glimpse of his mystical Punjabi poetry “Seeh Herfees”. To dig out the depth of his poetical vision and thought the researchers have paid no proper attention that is why his mystical verses are along sung “Qawwli” in various parts of Pakistan. It is sorry to say that have many aspects of Ali Haedor's life and works are yet to be traced. the ariticle sheds light on the mistakes committed by differentresoures.

.....

علی حیدر دے پارکھاں، پڑچولیاں تے کھوجیاں نے ٹیویاں نال پرکھ پڑچول کیتی اے  
ہٹھاں اسیں علی حیدر دے جنم دن توں گل شروع کردے ہاں۔ علی حیدر دے مزار اُپر جیہڑی لوح  
گڈی ہوئی اے اوہدے اُپر نہ تے مرن داسال درج اے نہ جنم دادن۔ اوس لوح دا عکس اسیں

ایس لیکھ دے اخیر وچ دتا اے۔ ایہہ گل ذکر جوگ اے کہ ایہہ لوح اودوں دی نہیں جدوں علی حیدر دی وفات ہوئی سی، ایہہ تے موجودہ پشت دے خاندان نے ہن لکھوا کے لائی اے۔ ایس کر کے سانوں باو بدھ سنگھ دے دسن اُپر اعتبار کرنا پے رہیا اے۔ باو بدھ سنگھ پہلا پڑچولی اے، جس نے علی حیدر دے وڈکیاں کولوں تصدیق کر کے جنم دن لکھیا اے، اوہناں دے انوسار علی حیدر دی عمر 95 ورھے سی۔ ساڈے کول ایس سندتوں وکھ ہور کوئی ٹھوس ثبوت نہیں اے۔ اوہ لکھدے نیں:

”میں علی حیدر دے مزار دے سجادہ نشین کولوں جدوں جنم استھان تے تاریخ

وفات دریافت کیتی تے اوہناں نے 1785ء دسی“ (1)

ساڈے اک پڑچولی ڈاکٹر نصر اللہ خاں ناصر (بہاولپور والے) نے بغیر کسے سند تے ماخذ دے دس پائی اے۔ اوہ اپنے پی ایچ ڈی دے مقالے وچ جنم سال 1490ء تے وفات 1911ء لکھدے نیں۔ (2) جد کہ کتابی صورت وچ چھپے ہوئے تھیسس وچ جنم سال 1689ء تے وفات 1777ء لکھیا ہويا اے۔ ایہہ دونوں سن غلط نیں۔ انج جاپدا اے کہ اوہناں نے ایس بارے اُکا ای تحقیق نہیں کیتی۔

بھارتی پنجاب دے مورخ پیارا سنگھ بھوگل نے وی بغیر کسے شہادت دے سن پیدائش 1662ء تے وفات 1778ء لکھیا اے۔ (3)

ڈاکٹر اسلم رانا ہوراں دی مرتب کردہ کتاب وچ علی حیدر دی تاریخ وفات 1765ء درج کیتی اے۔ (4)

جیہناں پارکھاں نے علی حیدر دا جنم سال 1690ء لکھیا اے درست اے تے وفات 1785ء دی تھاں کجھ ہور لکھی اے۔ انہاں دا ویروا پٹھاں دتا جا رہیا اے۔

- (5) 1- ڈاکٹر ظہیر احمد شفیق علی حیدر دا فکر تے فن 1777ء
- (6) 2- ڈاکٹر فقیر محمد فقیر کلیات علی حیدر 1776ء
- (7) 3- احمد حسن احمد قریشی پنجابی ادب کی مختصر تاریخ 1777ء
- (8) 4- ڈاکٹر بنارس داس جین پنجابی زبان تے اوہدالٹریچر 1777ء
- (9) 5- مولانا بخش کشتہ پنجابی شاعراں دا تذکرہ 1777ء

جنم سال دے ویروے مگروں جنم استھان بارے پڑچولیاں دی رائے وی وکھو وکھ اے۔

کوئی کہند اے کہ علی حیدر قصبہ الجناں وچ پیدا ہويا۔ کوئی پنڈ بھجانہ وچ دسدا اے۔ کوئی گورو چبوترے نوں جنم استھان کہند اے ہر کھوجی نوں گل دسدا اے، پر کسے نے وی ایس بارے کوئی سندیاں حوالہ پیش نہیں کیتا۔

پروفیسر محمد اجمل مہار نے اپنے مقالے وچ ایہہ انکشاف کیتا اے کہ ”علی حیدر چک چووترے وچ جمیاں تے او سے قصبے وچ دفن کر دتا۔ راوی دریا نے جدوں ایس پنڈ نوں ڈھانا شروع کیتا تے پنڈ والیاں نے اوہناں دی میت نوں اوتھوں کڈھ کے پرگنہ بھجانہ جیہڑا ہُن فیصل آباد ڈویژن وچ اے دفن کر دتا۔ (10) ایس گل دا اوہناں کوئی حوالہ نہیں دتا کہ ایہہ ساری گل اوہناں نوں کتھوں لکھی۔ اسان محکمہ مال دا سارا ریکارڈ دیکھیا، مردم شماری دے سارے کاغذات پھرو لے، کسے تھاں وی ایس ناں دا کوئی قصبہ نہیں لبھا۔ ہاں ایہہ ضرور ہويا کہ موجودہ قصبہ قاضیاں جتھے علی حیدر دامزاراے دریا بُد ضرور اے۔ علی حیدر دے موجودہ جانشین دا کہنا اے کہ ایس تھاردا ناں پہلاں گورو چبوترہ سی۔ جدوں ایہہ دریا بُد ہويا تے اس دا ناں موضع غالب رکھیا گیا۔ (12) تے آج پرگنہ قاضیاں مشہور اے۔ ایس گل دی تصدیق صاحب زادہ یوسف طاہر نے وی اپنی کتاب وچ کیتی اے۔ (12)

علی حیدر دے والد شیخ محمد امین قاضی نوں جدوں بادشاہ ہند اورنگ زیب عالمگیر نے مدد معاش لئی زرعی اراضی دتی اوہ پرگنہ کلنبہ (کذا) تلمنبہ وچ سی۔ آج کل دریائے اردتی (راوی) تلمنبہ تے قصبہ قاضیاں وچکار وگدا اے۔ ڈاکٹر شوکت علی قمر نے اپنے پی ایچ ڈی دے مقالے وچ بغیر تحقیق دے ایہہ لکھ دتا:

”علی حیدر گورو چبوترہ دا واسی اے تے گورو چبوترہ دا اصل سکھاں دے گورو نے بنایا سی“ (13)

حالانکہ گورو راجپوت قبیلے دی اک گوت دا ناں اے۔ (14) ایس گوت نال سمبندھی وڈکے نے ایہہ چبوترہ بنوایا سی۔ مگروں ایس پنڈ دا ناں وی گورو چبوترہ پے گیا۔ بھارتی پنجاب دے اک پروفیسر نریش کمار نے بغیر شاہدی دے ایہہ لکھ دتا کہ علی حیدر دے مرشد دا ناں علی شیر اے۔ جس دا تعلق پٹھاناں دے قبیلے روہیلے نال سی۔ ایہہ قبیلہ پشاور دے نیڑے وسدا اے۔ ایس گل نوں ثابت کرن لئی سی حرنی دا اک بندوی پیش کیتا اے۔ جیہڑا ایہہ اے:

و: واؤ ونج آکھیں مینڈے ڈھولن نوں حیدر نام علی شیر حق دا ای  
 حیدر رو مبارک چودھویں دا چن، چودھویں طبق دا ای  
 علی حیدر گوٹرا تینڈا ای تیرے ناؤں دا آسرا رکھدا ای (16)  
 نریش کمار نوں شاندیس گل دا علم نہیں کہ روہیلا روہی یاں روہیل کھنڈ دے واسیاں نوں  
 وی آکھیا جاندا اے۔ ایس دے ہور معانی غصیل یاں ان موڑ وی نیں۔ بلھے شاہ نے روہیلے نوں  
 کئی خوبصورتی نال بدھا اے:

عشق روہیلا ناہیں چھپ دا  
 اندر دھریا باہر باہر نچ دا  
 مینوں دیو سنہرا سچ دا  
 میری کرو غم خواری  
 تسیں کرو اساڈی کاری

کہی ہو گئی دیدن بھاری (16)

نریش کمار دی ایس گل دی تردید اوس قلمی بیاض توں وی ہندی اے جس وچ علی حیدر  
 دیاں پنجابی سی حرفیاں تے اردو و فارسی دا کلام وی درج اے۔ اک سی حرفی دی ”م“ دی پٹی دے  
 حاشیے اُتے ایہہ الفاظ درج نیں:

”م“ محمد مولا تخلص از حضرت فخر الدین فخر جہاں مرشد علی حیدر“ (17)

ایس توں ہور کیہ وڈی گواہی ہو سکدی اے۔ نریش کمار تے دور بہہ کے کھوج کر رہیا  
 اے۔ اوس نے علی حیدر دے کلام وچوں اوہناں دے مرشد بارے اشارہ کڈھیا سی۔ جیہڑا  
 درست ثابت نہیں ہويا۔ پاکستان دے اک مہان ادبی ادارے ”اکادمی ادبیات پاکستان“ نے  
 ”انسائیکلو پیڈیا آف ورلڈ لٹریچر“ چھاپیا اے۔ اوس دی دوجی جلد وچ علی حیدر داناں اے۔ اوتھے  
 لکھیا اے:

(ترجمہ) ”علی حیدر دے مرشد داناں شاہ محی الدین گیلانی اے“ (18)

ایہہ کاڈھ وی بغیر تحقیق دے اے۔ ایہہ بھل سانوں کتھے لے کے جاوے گی۔  
 صاحبزادہ یوسف طاہر نے وی اک نویں کھوج بناں تحقیق دے کڈھی اے۔ لکھیا اے:

”دراصل قاضی علی حیدر جھنگ شہر وچ سلسلہ قادریہ دے رہنماتے ولی کامل  
 سید امان اللہ عرف ہاتھی واں دے مرید سن“ (19)  
 ایہہ گل اصلوں ہی غلط اے۔ قلمی بیاض وچ دتے ہوئے حاشیے تے علی حیدر دے مرشد  
 والی گل دی تصدیق تذکرہ اولیائے دہلی توں وی ہندی اے:  
 ”خواجہ فخر الدین دہلوی (1687ء) دا پورا ناں خواجہ فخر الدین جہاں دہلوی  
 اے جیہناں دا مزار لال قلعہ دے باہر اے اوہناں دے خلیفہ اول قاضی علی  
 حیدر دما مزار دریائے اروتی (راوی) دے نیڑے اے“ (20)  
 علی حیدر دے مرشد والی بحث دا سٹہ تے کھوج نال نکل آیا۔ ہُن صاحب زادہ یوسف  
 طاہری سید امان اللہ نوں ہاتھی وان دا لقب دین والی گل ول آؤ۔ اوہ ایہدے بارے لکھدے  
 نیں:

”اوس زمانے وچ بادشاہ تے مخادمیم ہاتھی اپر سواری کردیاں ویلے اپنے تے  
 مہاوت وچکار اک نیک سید نوں بٹھایا کر دے سن تاں جے اوہناں دی  
 برکت والی نظر اوہناں دے چہرے اُپر پیندی رہوے“ (21)  
 لکھاری نے ایہہ گل کتھوں لئی ایہہ نہیں دسی۔ جد کہ تذکرہ اولیائے جھنگ وچ سید  
 امان اللہ نوں ہاتھی وان دا لقب دین دی وجہ تسمیہ کجھ ہو رکھی اے:

”سید امان اللہ اپنے مرشد دی اجازت لے کے اُچ شریف توں بہاولپور  
 چلے گئے اتھے سید جلال شاہ بخاری دا فیض جاری سی۔ سید امان اللہ اوہناں  
 دے خادماں وچ شریک ہو گئے۔ نواب بہاولپور نے حضرت نوں سیر کیتے  
 ہاتھی دے رکھیا سی۔ اوہ ہاتھی اُپر بیٹھ کے سیر کرن جایا کر دے سن۔ ہاتھی  
 اوہناں نال رچ مس گیا۔ حضرت ہاتھی نال گلاں باتاں کر دے رہندے  
 سن۔ حضرت دے سجادہ نشین شیخ اکبر آپ نوں ”ہاتھی دان“ کہنا شروع کر  
 دتا۔ ایہہ ناں وگڑ دیاں وگڑ دیاں ”ہاتھی وان“ بن گیا“ (22)  
 ایہتھوں ایہہ گل نکھیرنی مشکل نہیں کہ کیہڑی گل حقی اے تے کیہڑی ٹیوا۔

علی حیدر دے دور وچ فارسی سرکاری درباری زبان سی تے فارسی دی کار کئی حرف لکھت



وچ نہیں آوندے سن۔ جیویں آ، گ، ژ، ڈ، ج، ہ، ے، پ، پھ الیس کر کے پڑچولیاں تے پارکھاں  
 نوں لفظ اگیڑن وچ ڈھیر ساریاں مشکلاں پیش آئیاں۔ بعض لفظ سگے کجھ تے بن گئے ہوو جیویں  
 ”کھری“ نوں کوئی ”گھڑے“ لکھدا اے تے کوئی ”گہرے“ پڑھدا اے۔ انج ای اک ہوو لفظ ”جر“  
 اے۔ اصل وچ ایہہ لفظ اے ”چر“۔ رہندی کسراوس دور دے کابتاں نے پوری کردتی۔ اوہناں  
 نے دو دو تن تن لفظ جوڑ کے لکھے جس دا نتیجہ ایہہ نکلیا کہ لفظاں دے معانی بدل گئے:

مندا	بمعنی	گالی	اصل لفظ اے	من دا
وسدیاں	بمعنی	آباد شدہ	اصل لفظ اے	وس دی آں
دائی	بمعنی	زچہ بچہ دی دیکھ بھال کرن والی	اصل لفظ اے	دا ای
ولنا	بمعنی	گھیر لینا	اصل لفظ اے	ول نہ
دانا	بمعنی	عقل مند	اصل لفظ اے	داناں
ملائیاں	بمعنی	دھ دی ملائی	اصل لفظ اے	مل آئی آں
سدنایں	بمعنی	بلانا	اصل لفظ اے	سدنایں
جلیبی	بمعنی	مٹھائی	اصل لفظ اے	چلے بھی

فیر مرتبہ تے ناشرین نے بناں تحقیق دے اپنی سچھ سچھ نال لفظاں وچ وادھ گھاٹ کر  
 لئی۔ پٹھاں اسیں ایس وادھ گھاٹ دے نمونے دے رہے ہاں تاں جے پتہ چلے علی حیدر دے  
 کلام نال کیہ بنی۔ قلمی بیاض (1879ء) دا اک بند:

س سرائے جہان سبہ ہک رات گزار تے اٹھ چلے  
 ساہ داما کوچ دا ای سن رنگ پئی لد اٹھ چلے  
 ایہہ ٹلڑیاں دی ٹیکار سگے بہریاں بہہ کت چلے  
 ہک تکہرے تے ہک مٹھڑے حیدر سبہ ساتھی بہت چلے (23)

ایہو ای بند مطبوعہ کوہ طور (1970ء) وچ انج اے:

س سرائے جہان سبھو اک رات گزاری تے اٹھ چلے  
 ایہہ ساہ داما کوچ دائی سب گنڈریاں بنھ اٹھ چلے  
 ہر دینہ تے رات رنگھاڑ پیا سن پئی لد اٹھ چلے  
 کجھ تکھڑے تے ڈھڑی حیدر ساتھی اسا ڈڑے پھٹ چلے (24)

فیروز دین کے زئی نے 1907ء وچ ایہوسی حرفی چھاپی تے اوہدے وچ ایہو بند انج اے:

س سرائے جہان سب اک رات گذاری تے اٹھ چلے  
 ایہہ ساہ دماڑا کوچ دا ای اک رنگ پئی لد اٹھ چلے  
 ایہہ ٹلڑیاں زنگار پیاں سن، گنڈھریاں بنھ رٹھ چلے  
 اک کھڑے تے اک مٹھڑے ساتھی حیدر ساتھی پھٹ چلے  
 اک ہور ونگی ویکھو جس وچ مصرعے ای بدلے ہوئے نیں:

ک کدائیں تاں کول مینڈے آہو جو میں بن مول نہ دسدا ایں  
 جے کر ہوس یار مینڈا بہلیں کیوں بانہہ مینڈے وس کسدا ایں  
 روز نت کلیاں نوں مل کھلواندا تے نت میرے ویہرے وسدا ایں  
 حیدر آکھ وفا کر ڈھولن نہیں مہیتوں دور کیوں نسدا ایں (25)

مطبوعہ کوہ طور:

ک کدی تاں نیڑے آہوں ہُن کیوں پیاریا نسدا ایں  
 جے وت حال نہ پچھیں میرا تاں نال مینڈے کیوں ہسدا ایں  
 نت گلیاں نوں مل کھلواندا نت ویڑھیوں وچ وسدا ایں  
 حیدر آکھ وفا کر ڈھولن کیوں دل میرا ہُن کھسدا ایں  
 فیروز دین کے زئی نے لفظاں دا ہیر پھیر کج کیتا:

ک کدی تے مینڈے کول بھی آہو ہُن کیوں پیاریا نسدا ایں  
 جے وت حال نہ پچھیں مینڈا تاں نال میرے کیوں ہسدا ایں  
 نت گلیاں نوں مل کھلواندا نت ویڑھے وچ وسدا ایں  
 حیدر آکھ وفا کر ڈھولن کیوں دل مینڈا ہُن کھسدا ایں

انج ہور بہت سارے شعراں وچ ردو بدل نظر آوندا اے۔ اک ہور اہم گل ایہہ اے کہ ساڈے محققاں دے ہتھ وچ جیہڑا وی طبع شدہ نسخہ لگا اوس نوں سامنے رکھ کے مقالہ یا مضمون لکھ ماریا۔ شروع وچ علی حیدر دیاں 18 صفحیاں تے مشتمل صرف پنج سی حرفیاں دا ذکر ملدا اے تے پنج ہی چھاپے چڑھدیاں آئیاں۔ اچن چیت فیروز دین کے زئی نے 1907ء وچ پتہ نہیں کتھوں ہور

سی حرفیاں لے کے 80 صفحات دی گنتی دیاں چھاپ دتیاں۔ فیڈاکٹر فقیر محمد فقیر دیاں ایڈٹ کیتیاں سی حرفیاں وچ ہور وادھا ہو گیا تے صفحات دی تعداد 164 ہو گئی۔ ایسراں علی حیدر دا اسلوب کچھ چلا گیا تے سی حرفیاں ودھ دیاں گئیاں۔

اک ہور گل وی گوہ گوچری اے کہ علی حیدر دے کلام وچ ”تواری“ دی نمایاں نظر آوندا اے۔ پتہ نہیں کیوں ساڈے محققاں دا دھیان ایس پاسے نہیں گیا۔ پٹھ درج نومصرعیاں دا اک بند گور و گرتھ وچ اے جس وچ دنیا دی بے ثباتی دا ذکر اے۔ گور و ناک دیونے ہر شے نوں کوڑ آکھیا اے۔ پتہ نہیں ایس خیال نوں کس نے چکھیا تے ہندی بھاشا دے لفظ کڈھ کے پنجابی لفظاں دا چولا پوا کے علی حیدر دے کلام وچ شامل کر دتا۔ پہلاں گور و ناک دے خیال نوں ویکھو:

کوڑ راجہ، کوڑ پر جا، کوڑ سب سنسار  
 کوڑ منڈپ، کوڑ ماڑی، کوڑ بیسن ہار  
 کوڑ سونا، کوڑ روپا، کوڑ پہن ہار  
 کوڑ کایا، کوڑ کپڑ، کوڑ روپ اپار  
 کوڑ میاں، کوڑ بیوی، کھپ ہوئے کھار  
 کوڑ کوڑے نیہوں لگا، وسریا کرتار  
 کس نال کریئے دوستی سب جگ چلن ہار  
 کوڑ مٹھا، کوڑ ماکیو، کوڑ ڈوبے پور  
 ناک دکھائے بینی تده باجھ کوڑو کوڑ (26)

ہُن علی حیدر دا خیال ویکھو، دوہاں وچ کئی مطابقت اے:

ک: کوڑا گھوڑا، کوڑا جوڑا، کوڑا شہر اسوار  
 کوڑے باشے، کوڑے شکرے، کوڑے میر شکار  
 کوڑے ہاتھی، کوڑے لشکر، کوڑے فوج کٹار  
 کوڑے سوہے، کوڑے سالو، کوڑے سوہنے یار  
 کوڑے جوڑے، کوڑے بیڑے، کوڑے ہارسنگار  
 کوڑے کوٹھے، کوڑے منمٹ، کوڑا ایہہ سنسار

حیدر آکھے سب کچھ کوڑا، سچا ہک کرتار  
 دُوجا نبی محمدؐ سچا، سچے اس دے یار (27)  
 ایس توں دکھ پنجابی دے مہان کوی تے علی حیدر دے سمکالی وارث شاہ دا اک لافانی تے لافانی  
 خیال وی علی حیدر دے ایات وچ اوہناں لفظاں سمیت موجوداے۔ وارث شاہ آکھدا اے:  
 چھوٹی عمر دیاں یاریاں بہت مشکل پُتر مہراندے کھولیاں چار دے جی  
 کن پاڑ فقیر ہو جان راجے، درد مند پھرن وچ بار دے جی  
 کچی رن دے نال نیولان جیہڑے سب ذات صفات نگھار دے جی  
 وارث شاہ جے ذوق دی لگے گدی جوہر نکلے اصل تلوار دے جی (28)  
 ایہو ای خیال تے الفاظ علی حیدر دے ایس بیت وچ شامل اے:

ل لکیاں اکھیاں رہن ناہیں، کسے شہر محبوب دے ویسے جی  
 اوہ جگہ کبھی تہتھے عشق ناہیں، دنیا چھوڑ کتے ول نیسے جی  
 کچی نار دے نال نہ نیول لایئے، ہو پتھے یار دے نال نہ ہسیئے جی  
 دل وچ کھوٹ رہے مونہوں ہس بولے، کچے یارنوں بھیت نہ دسیئے جی  
 علی حیدر میاں دل اک ہووے، بھانویں سو کوہاں اُتے ویسے جی (29)  
 ایہدے وچ کوئی شک نہیں کہ توار دیاں استفادے نال عبارت وچ حُسن، خیال وچ  
 وسعت تے روزمرہ وچ نکھار پیدا ہو جاندا اے۔ ساحل احمد نے ٹھیک آکھیا اے:  
 (ترجمہ) ”حقیقت تاں ایہہ اے کہ استفادہ توار د نال ہمیشہ سوہنے نتیجے  
 نکلدے نیں ایس دیاں ڈھیر وجوہات نیں جیویں روزمرہ، محاورے،  
 اکھان، ترکیباں، الفاظ، تشبیہاں تے استعارے دی ورتوں تے موضوعات  
 تے خیال دی اڈاری نال صرف اسلوب تے اندازِ بیاں وچ فرق ہندا اے  
 ورنہ شے تے اوہو ہی ہندی اے جیہڑی ہر شاعر جاندا ہندا اے تے ورتوں  
 وچ لیا وندا اے“ (30)

ایس وچ کوئی شبہ نہیں کہ بیان کرن دا اسلوب، یاں لفظاں دا چننا تے شعر دی بُت دی  
 ملکیت دا دعویٰ دار کوئی خاص اک بندہ نہیں ہندا تے ناں ای ہوسکدا اے۔ شعریاں مضمون لکھن

داہو ہاتے ہر اک اتے کھلا اے۔ نادر تے انملا خیال نظم کرنا ہر کسے داکم نہیں۔ فیرونی علی حیدر تے وارث شاہ دوویں سمکالی نیں اک دوجے دے خیال توں متاثر ہونا فطری امر اے۔ ایس نوں توار دی آکھیا جاسکدا اے۔

پراہیہ گل تے حیرت والی اے کہ ایہہ بند 1870ء وچ چھپن والی سی حرنی (مطبوعہ مطبع کوہ طور) وچ نہیں اے۔ فضل دین سکے زئی دی مرتبہ سی حرنی مطبوعہ 1907ء وچ پہلی وار ایہہ بند سامنے آیا اے، پراوہناں کوئی حوالہ نہیں دتا کہ ایہہ بند اوہناں نے کتھوں لیا اے؟ چھیکر وچ اسماں ایہہ کہہ سکدے ہاں کہ ساڈے پڑچولیاں نے تحقیق لئی اوہ حق ادا نہیں کیتا جیہڑا تحقیق دی منگ ہندی اے۔

## حوالے:

- 1- بدھ سنگھ، باوا: ہنس چوگ؛ تیجا سنگھ اینڈ سنز، لاہور، 1932ء ص 312
- 2- ناصر، نصر اللہ خاں: سرانیکی شاعری دا ارتقاء (قلمی)؛ بہاء الدین زکریا یونیورسٹی، ملتان، 1985ء ص 375
- 3- بھوگل، پیارا سنگھ: پنجابی ساہت دا اتہاس (گورکھی)؛ کناٹ سرکس مارگ، جالندھر، 1975ء ص 516
- 4- اسلم رانا، ڈاکٹر: چونواں پنجابی ادب؛ تاج بک ڈپو، لاہور، 1960ء ص 196
- 5- ظہیر احمد شفیق، ڈاکٹر۔ علی حیدر ملتانی، فکر تے فن۔ مشمولہ چھپماہی کھوج شمارہ 66۔ شعبہ پنجابی، پنجاب یونیورسٹی، لاہور، 2011ء ص 73
- 6- فقیر محمد فقیر، ڈاکٹر: کلیات علی حید؛ پنجابی ادبی اکادمی لاہور، 1963ء دیباچہ
- 7- احمد حسن، احمد قریشی: پنجابی ادب کی مختصر تاریخ (اردو)؛ میری لائبریری، لاہور، 1964ء ص 79
- 8- جین، بنارس داس، ڈاکٹر: پنجابی زبان تے اوہدالٹریچر؛ مجلس شاہ حسین، لاہور، 1967ء ص 72
- 9- کشنہ، مولابخش: پنجابی شاعراں دا تذکرہ؛ کشنہ اینڈ سنز، لاہور، 1969ء ص 91
- 10- اجمل مہار، پروفیسر: علی حیدر کی سی حرنی میں قرآنی حوالے؛ مقالہ مشمولہ اسلامک جنرل نمبر 18۔ اسلام ریسرچ سنٹر، دانش گاہ ملتان، 1911ء ص 85
- 11- اشفاق حسین، میاں: ملاقات۔ قصبہ قاضیاں؛ 2013ء
- 12- یوسف طاہر، صاحبزادہ: کلیات صالح محمد صفوری؛ مکتبہ صفوری، عبدالکیم، 2011ء ص 162
- 13- قمر، شوکت علی، ڈاکٹر: علی حیدر ملتانی، تحقیقی تے تنقیدی جائزہ؛ مقالہ، پی ایچ، ڈی (پنجابی)، مملوکہ پنجاب یونیورسٹی لائبریری، لاہور، 1997ء ص 28
- 14- خادم حسین خادم: قبائل اور ذاتیں؛ دستک پبلی کیشنز، ملتان، 2013ء ص 180
- 15- نریش کمار، پروفیسر: سرکڈھ صوفی شاعر علی حیدر؛ مقالہ مشمولہ چھپماہی کھوج، جلد 15، شمارہ 2، شعبہ پنجابی، پنجاب یونیورسٹی اوری اینٹل کالج، لاہور، 1993ء ص 27
- 16- فقیر محمد فقیر، ڈاکٹر: کلیات بلھے شاہ (مرتبہ)؛ تخلیقات مزنگ روڈ، لاہور، 2011ء ص 101
- 17- ہمراز، محمد اعظم: قلمی بیاض؛ 1869ء ص 89
- 18- یاسر جواد، (مدیر): انسائیکلو پیڈیا آف ورلڈ لٹریچر؛ جلد 2۔ اکادمی ادبیات پاکستان، اسلام آباد،

2013ء ص 785

- 19- یوسف طاہر، صاحبزادہ: کلیات صالح محمد صفوری؛ مکتبہ صفوریہ، عبدالحکیم، 2011ء ص 174
- 20- عبداللہ، حافظ، مولوی: تذکرہ اولیائے دہلی؛ مکتبہ شرف دین چاندنی چوک، دہلی، 1989ء ص 421
- 21- یوسف طاہر، صاحبزادہ: کلیات صالح محمد صفوری؛ ص 175
- 22- بلال زبیری: تذکرہ اولیائے جھنگ؛ تخلیق مرکز، لاہور، 1966ء ص 360
- 23- ہمراز، محمد اعظم: قلمی بیاض؛ ص 52
- 24- الہی بخش شیخ: مجموعہ سی حرفیاں میاں علی حیدر؛ مطبع کوہ طور، لاہور، 1870ء ص 3
- 25- فضل دین سکنہ زئی: مکمل مجموعہ ایات علی حیدر؛ اللہ والوں کی قومی دکان، لاہور، 1907ء ص 12
- 26- بیدی، کالاسنگھ: بابا نانک دیو؛ بھاشا و بھاگ پنجابی یونیورسٹی، پٹیالہ، 1971ء ص 175
- 27- محمد آصف خاں، (مرتب): کلیات علی حیدر؛ پاکستان پنجابی ادبی بورڈ، لاہور، 1988ء ص 149
- 28- ہدایت اللہ، (مرتبہ): مکمل ہیرو وارث شاہ؛ مطبع مصطفائی، لاہور، 1889ء ص 134
- 29- محمد آصف خاں: کلیات علی حیدر؛ ص 155
- 30- ساحل احمد: تحقیق و تنقید؛ اردو رائٹرز گلڈ، الہ آباد، 1998ء، ص 88

Khoj  
 Research Journal Deptt. of Punjabi  
 Language & Literature  
 Punjab University Lahore (Pakistan)  
 Vol:70, Jan.-June. 2013, pp 21-30

کھوج  
 تحقیقی مجلہ شعبہ پنجابی زبان و ادب  
 پنجاب یونیورسٹی لاہور (پاکستان)  
 جنوری - جون 2013ء، مسلسل شمارہ 70

## اجوکے سمے وچ تصوف دی لوڑ

ڈاکٹر ناہید شاہد  
 ایسوسی ایٹ پروفیسر،  
 شعبہ پنجابی پنجاب یونیورسٹی اورینٹل کالج، لاہور

## Ajoky Samey Vich Tasawuf di Lor

### Abstract

In this article, the writer has emphasized on mysticism and its necessity, because the proponents could not succeed to build positive thinking and guide the nation properly. Whereas the mystics served the people and showed them the right path. They are the true face of Islam and work for interfaith harmony, humanity, love, peace, today, the services of the mysticism are truly need for peaceful co-existence.

تصوف کیہ اے تے کیہ نہیں۔ ایہدے بارے لمیاں چوڑیاں بحثاں ہوندیاں آئیاں  
 نیں۔ اُن دے کپڑے پان والا یاں سادہ جیہی حیاتی گزارن والا، چوتڑے تے بہہ کے عبادت  
 کرن والا، رکھی سکھی کھا کے پانی پین والا تے اپنے حصے دا وی دو جیاں نوں کھوان والا صوفی



اکھواندا اے۔ شاید ایہو تصوف دی روح اے یا عام فہم معنیاں وچ بس ایہو تصوف اے۔ تصوف دی ایس سدھی سادی تے عام فہم تعریف توں ای ایس گل دا اندازہ ہو جاندا اے کہ تصوف اپنے باطن وچ کئی وسعت رکھدا اے۔ تصوف بندے نوں بندے نال جوڑدا اے، نفرتاں گھٹاندا اے تے محبت نوں عام کردا اے۔ جدوں بندہ بندے نال جوڑ جاندا اے تے گویا حق تے سچ دی فتح ہوندی اے۔ پروفیسر لطیف اللہ ”تصوف اور سرسرتیت“ وچ حضرت داتا گنج بخشؒ دا حوالہ دیندیاں لکھیا اے:

”بنیادی بات دل کو حق کے ساتھ پیوند کرنا اور دوسرے ہر صورت میں حال کو بہتر بنانا ہے۔“ (1)

قرآن مجید مطابق ”اللہ سب توں وڈا (اللہ اکبر)۔ اوہی ہر شے دا اول اے تے ہر شے دا آخر اے تے ہر شے دا ظاہر اے تے ہر شے دا باطن اے تے اوہو ہر شے دی ماہیت دا جائو اے۔ (2) اللہ دور وی اے تے نیڑے وی، اوہ واء الورا وی اے (3) تے شاہ رگ توں نیڑے وی۔ (4) صوفی تے عالم وچ فرق بس اینا ای اے جے صوفی رب نوں شاہ رگ توں وی نیڑے جان دا اے جد کہ عالم اللہ دی ماورائیت دا قائل اے۔ ایسے لئی عام مولوی یا عالم عبادتاں دے ظاہری پہلو نوں منگھ رکھدا اے جد کہ صوفی ایہناں عبادتاں دی اصل حقیقت تے اللہ نال تعلق نوں منگھ رکھدا اے۔ صوفی نماز نیبدا اے تے رب نوں ویکھ رہیا ہوندا اے یاں ایس یقین نال ہوندا اے جے رب اوہوں ویکھ رہیا اے جدوں کہ ظاہر دار مولوی کول ایہہ اک فرض توں ودھ کچھ نہیں۔

ایس حقیقت توں انکار نہیں کیتا جاسکدا جے تصوف اپنی اصل وچ اک نوبلیکی تدبیر تے تصور رکھدا اے پر ایہہ وی اپنی تھاں اک حقیقت اے جے تصوف اپنی مشہوری تے مقبولیت دے باوجود متنازعہ بنا دتا گیا اے۔ ایس دی متنازعہ حیثیت دی اک وجہ ضعیف الاعتقاد دی تے کم علمی اے۔

تارے لکیاں اکھاں، لمیاں والاں، ہتھاں وچ پائیاں رنگ برنگیاں وڈے چھوٹے نگاں والیاں آنکھوٹیاں، نشے بھرے سگریٹ دے دھوئیں دے دائریاں وچ بندے وگڑدیاں شہیہاں نوں پچھانن والے، غاراں، جنگل تے بیابان وچ بیٹھے بھٹکے بندے نوں صوفی سمجھ لیا گیا

اے۔ جوگیاں تے سنیا سیاں دے تڑکے نال سچ تے جھوٹ دی پچھان مک گئی اے تے غیر حق نوں حق تے غیر تصوف نوں دین تے مذہب بنا کے بے راہ روی دے پینڈے مضبوط ہو گئے نیں۔ کجھ لوگ تصوف نوں دین دے برابر کر کے نوں شک شبے پیدا کر دے نیں۔ بعض ایہدا سا نگا کسے وی دین یاں مذہب نال ملان توں منکر نیں۔ مسلماناں وچ تصوف دیاں اوہ صورتاں جیہڑیاں اسلامی روح نال لگا نہ کھاندیاں ہون مسترد کر دتیاں جان دیاں نیں۔ ساڈے ہاں ایہدیاں جیہڑیاں وی صورتاں ہون، لوگ ایہنوں منن یاں ایہدا انکار کرن، ایہہ اپنی تھاں تے قائم اے تے خورے ایسے دے وجود کارن ای لوکاں دیاں حیاتیاں وچ فلاح تے بہبود دے نظریات جنم لیندے رہن گے تے ایہدے وچ سانوں انسانی فلاح تے بہبود دے کئی پہلو نظریں آؤن گے۔

ہندوستان وچ مختلف مذہبی تے دینی گروہ تے قوتاں اپنے اپنے انداز وچ حیاتی نوں گزارن دا چارہ کردے نیں۔ مختلف زباناں تے مختلف تہذیبی رنگ اک دو جے توں اثر قبول کردے نیں تے انج کئی نوں رنگ کھلدے نیں۔ گل کیہ اسیں تصوف دی حقیقت نال اختلاف کر سکنے آں پر ایہدے وجود توں انکار کرنا ناممکن اے۔ ہاں ایہہ ضرور اے کہ مسلمان صوفیاء دا انداز تے طریقہ اپنا اے تے غیر مسلم صوفیاء اپنے انداز تے تربیت مطابق ایہدی پریکٹس کردے نیں۔ دراصل تصوف اتہا پسندی دی ننڈیا کردا اے تے میانہ روی ول پریردا اے۔ تصوف نیک ارادیاں دی پختگی تے سلامتی دا ناں اے۔ نوں زمانے دا انسان اپنے من وچ ون سونے بت سجان تے دن رات اوہناں دی پوجا کرن دے باوجود پریشان تے بکھریا بکھریا نظر آؤندا اے۔ ایہدی وجہ صرف ایہہ وے کہ اوہدی جڑت کسے مرکز نال نہیں، اوہدا ظاہر ہووے تے باطن ہووے۔ جد کہ تصوف بکھریا تے پریشان حال انسان نوں اک مرکز تے محور ول لے کے آؤندا اے۔ اوہدے من اندر عشق دا بوٹا لاند اے۔ ایس بوٹے نوں نفی اثبات دا پانی دیندا اے۔ ایسے کارن اللہ دا اقرار تے غیر اللہ دے انکار دا حوصلہ وی پیدا ہوندا اے۔ سلطان باہو آکھدے نیں:

الف اللہ چنے دی بوٹی مُرشد من وچ لائی ہو  
 نفی اثبات دا پانی ملیس ہر رگے ہر جائی ہو  
 اندر بوٹی مُشک مچایا جاں پھلاں تے آئی ہو

جیوے مرشد کامل باہو جیس ایہ بوٹی لائی ہو<sup>(5)</sup>

پروفیسر یوسف سلیم چشتی تاریخ تصوف وچ تصوف بارے گل کردیاں خوبصورت نکتہ انج  
 سچاندے نیں کہ پوری دنیا دے صوفیانہ ادب تے صوفیاں دے اقوال پڑھ کے ایہہ گل نتر دی  
 اے کہ اپنی اصل وچ تصوف اوس ذوق شوق تے اشتیاق داناں اے جیہڑا اک صوفی دے دل  
 تے دماغ وچ خدا نال ملن لئی شدت نال موجود ہووے تے اوہی جذباتی تے عقلی حیاتی نوں اپنی  
 وگن وچ لے لوے تے اوہنوں ہر شے وچ خدا دا جلوہ نظر آوے۔<sup>(6)</sup> ظاہر اے جدوں ہر شے  
 وچ ابدی ذات دے جلوے نظر آون گے تے فیر کون اے جو کسے شے نوں حقیر تے کسے نوں امیر  
 جانے گا۔ تصوف دے حوالے نال صرف ایس اک گل تے غور کریے تے سانوں انسانی فلاح  
 دے نویکے پہلو نظر آون لگ پین گے۔ ذاتی انفرادی تے اجتماعی نفرتاں تے دشمنیاں دی گنجائش  
 مک جائے گی۔ سب ازلی سچائی دی دوستی دے نہ ٹن والے رشتے وچ بدھے جان گے تے اک  
 مثالی معاشرہ اپنے آپ وجود وچ آ جاوے گا۔ ایہہ مثالی معاشرہ انساناں دی قدر کرن والے تے  
 ہر شے وچ رب دے روپ نوں ویکھ کے شانت ہووے گا۔ ایسے نوں خورے مغرب والے  
 Humansim داناں دیندے نیں۔

صوفی اک اجیہا کردار ہوندا اے جیہڑا اپنی تربیت وچ اینا ماہر ہو جاندا اے تے اجیہیاں  
 خصوصیات داما لک بن جاندا اے جیہڑیاں عام طور تے انسانی وس توں باہر ہوندیاں نیں۔ جیویں  
 صوفی کدے مایوس تے ناامید نہیں ہوندا، صبر کردا اے، بے خوف ہوندا اے، جدوجہد کردا اے،  
 صدق تے سچائی نوں عزیز رکھدا اے، عاجزی تے انکساری اوہدا زیور ہوندا اے تے محبت تے  
 محبت دے رشتیاں نوں سب توں ودھ اہمیت دیندا اے۔ انسان دوستی دی ایس توں ودھ ہو رکوی  
 نشانی نہیں ہوسکدی۔

مسلمان صوفیاء نے تصوف دیاں جیہڑیاں بنیادی خصوصیات دسیاں نیں ”امداد السلوک“

دے مصنف حضرت قطب الدین دمشقی اوہدے بارے دس پانڈیاں دسدے نیں:

”جان لے کہ تصوف کے ظاہر ارکان پانچ ہیں خدمت، حرمت، خلوت،

صحبت اور جوانمردی۔ نیز باطنی ارکان پانچ ہیں عمل، علم، حال، قلب اور

معرفت۔“<sup>(7)</sup>

ایہناں وصفوں تے غور کیتیاں ایہہ گل صاف ہوندی اے جے تصوف ظاہر تے باطن دے فرق نوں مٹا کے حرکت عمل تے جدوجہد ول پریردا اے۔ صوفی غور تے فکر نوں اپنا شعار بناندا اے، عاجزی تے انکساری دا پلہ نہیں چھڈدا تے ہر روپ وچ بس اک روپ دا نظارہ کردا اے۔ ہر صورت وچ ازلی تے ابدی حسن تک اپڑنا سالک دا مقصود ہوندا اے تے ایسے رستے وچ ٹرن والا نہ منافق ہو سکدا اے، نہ جھوٹا، نہ غیر متحرک تے نہ ای غیر مہذب۔ ہن جے اسیں ایہہ سارے وصف کسے معاشرے وچ تلاش کرن دا آہر کریئے تے سانوں بڑی مایوسی ہووے گی۔

اج سائنسی ترقی دیاں کنیاں پوڑیاں چڑھ کے اسیں ظاہری تے اعلیٰ ترین درجیاں تے اپڑے ہوئے آں پر نہ اسیں سچے آں تے نہ پکے، نہ سانوں اپنا پتا اے تے نہ دو جیاں دا۔ دھوکھا، جھوٹ، فریب تے منافقت دا دور چل رہیا اے۔ نفس دی دوڑ لگی ہوئی اے۔ ظاہری حالت نوں سوہنا تے من موہنا بنان لئی اسیں کجھ وی کر سکے آں۔ اج ساڈے جسم تے خوش حال تے آباد نیں پر روح برباد ہو چکی اے۔ اجیہے ماحول وچ جے کوئی سانوں اجیہیاں بیماریاں توں کڈھ سکدا اے تے اوہ صرف تصوف ول جان والا رستہ اے۔ تصوف دی ایسے لوڑ نوں اج عام کرن دی ضرورت اے۔ اج عقل توں زیادہ عشق دی لوڑ اے کیوں جے بقول اقبال:

گزر جا عقل سے آگے کہ یہ نور

چراغِ راہ ہے منزل نہیں ہے

(بالِ جبریل)

یعنی عقل سانوں رستہ تے دکھا دیندی اے پر افسوس اوہ حضوری دے مقام تے نہیں پچا سکدی۔ عشق تصوف دی روح اے کیوں جے ایہہ جس دل وچ روشن ہووے اوہ دل زندہ ہوندا اے۔ تصوف ذاتی دی بجائے اجتماع دی گل کردا اے۔ تصوف ذاتی مفادات تے اجتماعی مفادات نوں ترجیح دیندا اے۔

اج اسیں جس عہد وچوں لنگھ رہے آں اوہ بڑا مشکل تے مسئلیاں بھریا اے۔ صبح توں شام تک اسیں کوہلو دے پیل وانگ اک دائرے وچ چکر لائی رکھنے آں ساڈیاں اکھاں تے غرضان دے کھوپے چڑھے ہوئے نیں۔ اپنے علاوہ سانوں کجھ نظر نہیں آؤندا۔ اپنی سوچ دے دھارے وچ ساڈے سرتے کائنات دا ہر کم ہو رہیا اے حالانکہ ایس توں ودھ کے کوئی مغالطہ نہیں

ہو سکا۔ ایس طرح دے مغالطے وچ عام انسان نہیں سگوں پڑھے لکھے، دانشور، سیاست دان، ماہر معاشیات، عالم دین وی شامل نیں۔ مکالمے توں ودھ مطالبے نوں اہمیت حاصل اے۔ ہر کوئی اپنے اپنے دائرے وچ اعلیٰ تے ارفع اے۔ جیہدے نتیجے وچ اخلاقی زوال دیاں کئی صورتاں ساڈے سامنے نیں۔ پوری دنیا وچ امن دی گھاٹ اے، افراتفری، نفسانفسی، حرص تے لالچ نے خوبصورت دنیا دے چہرے نوں ڈراؤنا بنا دتا اے۔ ہر شے اپنے مدار توں ہٹی ہوئی اے۔ وڈیاں مچھیاں چھوٹیاں نوں نگل رہیاں نیں۔ طاقت دا مرکز اکو پاسے وے تے دوجے پاسے بھٹکھ افلاس تے ون سونے مسئلے نیں۔ اجیہے حالات وچ بعض منفی جذبیاں دا ابھرنا لازمی امر اے۔ شدت پسندی، دہشت گردی تے خودکش حملیاں دی اک وجہ ایہہ وی ہو سکی اے۔ ایسے حوالے نال بڑی مہارت نال دین تے مذہب جیہیاں مقدس حقیقتاں دے پردے وچ سادہ لوہی نوں ورتیا جاندا اے۔ دنیا دی شکل تے وگڑی سو وگڑی مذہباں وچ وی بدعتاں آ وڑیاں نیں۔ صوفیاں دے روپ وچ بہروپے تے عالماں دے روپ وچ جاہل جلیاں پارہے نیں۔ شیخ سعدی دی حکایت موجب:

”پہلے ظاہر میں پریشان اور باطن میں مطمئن لوگوں کا گروہ صوفی کہلاتا تھا،

لیکن آج اُن کا ظاہر مطمئن اور باطن پریشان ہے۔“ (8)

اجیہی صورتحال وچ اک مکمل تعلیمی تے تربیتی پروگرام دی لوڑ اے جو چارے پاسے کھنڈے انتشار نوں سمیٹے۔ جو انسان نوں اودھی وچھڑی روح نال ملاوے۔ ظاہر اے ایہہ تربیتی پروگرام فی الوقت تصوف توں علاوہ کسے ہور نظام وچ نہیں۔ مختلف فرقے نظریے تے ازم ایس ویلے ایہہ فرض نبھاندے یاں تے نظر نہیں آؤندے یا اوہ نبھانا نہیں چاہندے۔ علم عمل دے بغیر بے کار ہوندا اے تے عمل خلوص دے بغیر بے سود۔ اللہ دے رستے تے ٹرن دا علم ای تصوف اے یعنی تصوف اک مسلسل سفر داناں اے۔ ایس سفر وچ کئی اوکھیاں گھاٹیاں آؤندیاں نیں پر ایہناں نوں ثابت قدمی نال عبور کرن والا ای صوفی ہوندا اے۔ بقول پروفیسر یوسف سلیم چشتی:

”تصوف میں سارا زور عمل پر دیا جاتا ہے۔ بلکہ تصوف کی تعلیم یہ ہے کہ حقیقی علم (عرفان یا گیان) صرف عمل کے بعد ہی حاصل ہو سکتا ہے۔ پس جو صوفی عمل نہیں کرتا وہ صوفی نہیں ہے بلکہ فلسفی یا متکلم ہے۔“ (9)

ایس پچھو کڑ دی لو وچ دیکھیے تاں پنجابی ادب دے ہر شاعر نوں ایہہ اچھ حاصل اے  
 جے اوہ عمل دا پرچارک اے تے اوہنے تصوف دے اصولاں مطابق انسانی تربیتی پروگرام دا نظام  
 اپنی شاعری وچ وضع کر چھڈیا اے۔ بابا فرید، شاہ حسین، سلطان باہو، بلھے شاہ، نوشہ گنج بخش،  
 وارث شاہ، ہاشم شاہ، مولوی غلام رسول عالم پوری، خواجہ غلام فرید تے میاں محمد جیسے نویکلے  
 شاعراں نے ایس کھیتیر وچ واہوا کم کیتا اے۔ بابا فرید تے دوجے صوفی شاعراں دے اثر توں  
 گورونانک تے بھگت کبیر وی متاثر ہو یوں بغیر نہیں رہے تے اوہناں اپنی کوتاراہیں انسانی بھلائی  
 دے اوہ چراغ روشن کیتے جیہڑے آج وی روشن نیں۔ بابا فرید دے ہاں جتھے سانوں رکھی سکھی  
 کھان دا سبق ملدا اے اوہتھے ای پرائی چوڑی نوں دیکھ کے جی لپجان دی مناہی کہتی گئی اے۔ بابا  
 فرید میں نوں مُنچ وانگ نکی کر کے کُٹن دا وی درس دیندے نیں تے من دے ٹوئے پٹے لاہن دی  
 وی صلاح دیندے نیں۔ ایسے طرح ای شاہ حسین دے ہاں تکبیر چھڈ کے حلیمی دارستہ پکڑن دا  
 درس ملدا اے:

کیس باغ دی مولیٰ حسینا ، کیس باغ دی مولیٰ  
 باغاں دے وچ چنبا مروا ، میں وی وچ گندھولی  
 کوڑی دنیا ، کوڑا مانا ، دنیا پھر دی بھولی  
 چھوڑ تکبیر ، پکڑ حلیمی ، پائے حسین سمجھولی

(شاہ حسین)

بلھے شاہ دے ہاں تصوف دے مشکل تے گوڑھے مفہوم صوفیانہ جمال دے نال بیان  
 کیتے گئے نیں پر اوہ حرکت تے عمل توں کدی وی بے پرواہ نہیں ہویا۔ اوہ سنتے انسان نوں غفلت  
 دی نیند توں باہر لیانا چاہندا اے تے کہندا اے:

اُٹھ جاگ گھراڑے مار نہیں  
 ایہہ سون تیرے درکار نہیں  
 اک روز جہانوں جانا اے  
 جا قبرے وچ سمانا اے  
 تیرا گوشت کیڑیاں کھانا اے

کر چتا مرگ و سار نہیں  
اُٹھ جاگ کھراڑے مار نہیں  
(بلھے شاہ)

یا کہندا اے:

کر کتن ول دھیان گڑے  
میں کوکاں کر کھلیاں بانہیں  
نہ ہو غافل سمجھ کداہیں  
ایسا چرخہ گھڑنا ناہیں  
فیر کسے ترکھان گڑے  
کر کتن ول دھیان گڑے  
(بلھے شاہ)

گل کیہ صوفی شعرا دے ایس کلام راہیں معاشرتی پدھر اُتے انقلابی تبدیلیاں لیاں  
جاسکدیاں نیں۔ کیوں جے ایہہ شاعری اپنے احتساب توں لے کے سماجی سدھار تک دے  
سارے مرحلیاں دی نگرانی کردی اے۔ ایہہ ہولے ہولے رگاں وچ اُتردی اے تے خون خمیر دا  
حصہ بن جاندی اے۔ انج ایہہ شاعری سیہہ سبھا بندے دا رُخ تصوف ول موڑ دیندی اے۔  
تصوف دا ایہہ رستہ انسان دی روح دی صفائی کردا اے، کردار دی اصلاح کردا اے تے دل دی  
پاکیزگی نال اوہنوں اوہدے توں وچھڑے رب نال جوڑ دیندا اے یعنی تصوف انسان نوں اپنی  
پچھان وی تے رب دی پچھان وی عطا کردا اے۔ یاد رہوے جے اپنی پچھان تے رب دی پچھان  
دے کیے تے عمل کرن والا معاشرہ ہر طرح دی برائی توں پاک ہوسکدا اے۔

## حوالے

- 1- پروفیسر لطیف اللہ: تصوف اور سربیت؛ ادارہ ثقافت اسلامیہ، لاہور 1990ء ص 89
- 2- القرآن: **تَبَوَّءُوا لَنَا الْأَوْلَادَ وَالْأَخْرَافَ وَالظَّالِمِينَ وَالْبَاطِلِينَ وَبَوَّءُوا بِكُلِّ شَيْءٍ عَلَيْنَا** [
- 3- القرآن: **وَنَدُّنَا أَقْرَبَ إِلَيْهِ مِنْ حَبْلِ الْوَرِيدِ**: [16]
- 4- القرآن: **سُبْحَانَ رَبِّكَ رَبِّ الْعِزَّةِ عَمَّا يَصِفُونَ** [80]
- 5- کلام باہو: مرتب ڈاکٹر نذیر احمد، پیکیجز لمیٹڈ، لاہور 1999ء
- 6- پروفیسر یوسف سلیم چشتی: تاریخ تصوف؛ دارالکتاب اردو بازار، لاہور سن، ص 1
- 7- قطب الدین دمشقی: امداد السلوک (اردو)؛ ادارہ اسلامیات، لاہور 1984ء ص 154
- 8- گلستان سعدی؛ ترجمہ ڈاکٹر محمد عبداللطیف، پیکیجز لمیٹڈ، لاہور 2006ء ص 82
- 9- تاریخ تصوف - ص 12





Khoj  
 Research Journal Deptt. of Punjabi  
 Language & Literature  
 Punjab University Lahore (Pakistan)  
 Vol:70, Jan.-June. 2013, pp 31-42

کھوج  
 تحقیقی مجلہ شعبہ پنجابی زبان و ادب  
 پنجاب یونیورسٹی لاہور (پاکستان)  
 جنوری - جون 2013ء، مسلسل شماره 70

## پراتن شعر روپ دوہڑا: بہتر تے سبھا

ڈاکٹر عاصمہ قادری  
 اسٹنٹ پروفیسر شعبہ پنجابی  
 پنجاب یونیورسٹی اور یونیٹل کالج، لاہور

### Pratan Shear Roop Dohra: Bantar tay Subha

#### Abstract:

The article starts with the premise that the two lines Dohra is the oldest known form in Punjabi poetry. The findings of various writers concerning the technical aspects of the form are then mentioned in some detail. These writers include Maula Bakhsh Kushta, Bhai Kahn Singh Nabha, Abdul Ghafoor Qureshi, Rattan Singh Jaggi and Kuldip Singh Dhir. The general agreement and marginal differences among these scholars are indicated. A selection of some Dohras from Farid, Nanak, Arjun and Bulleh Shah is also given. The term Dohra is also sometimes used for an entirely different form i.e. the four lion piece generally called "bait". The highly popular pieces of Hashim Shah, Shah Murad and those attributed to khowaja Ghulam Farid are called Dohras. Examples of this variety of Dohras are given at the end of the article with brief explanations.



بھی نیم تھا پیا ہے کہ دوہے دے آند جگن رُوپ اک پد نہ آوے۔ دوہے  
دی چال تد سندر رہندی ہے جے آند دو ڈگن اتھوا ڈھکن رکھے، ارتھات  
چوکل چوکل دا اتے ترکل نال ترکل دا سنیوک کرے۔ دو ماترک گناں دے  
سنیوک کر کے ہی ”دوہا“ نام ہے۔“ (5)

عبدالغفور قریشی دوہڑے بارے ہور وچار دیندے میں:

”لوک گیتاں دی ایہہ صنف تقریباً سارے پنجاب تے پنجابوں باہروی  
ملدی اے۔ ایہہ اک بے حد پُرانی صنف اے۔ ایس وچ مضمون نوں دو  
پیتاں وچ ھیٹل کر کے دہرایا جاندا اے۔ عام طور تے دو امی مصرعے  
ہوندے نیں۔ سرائیکی وچ دوہڑے نوں بولی آکھیا گیا اے۔“ (6)

رتن سنگھ جگی دوہے بارے لکھدے میں:

”دوہا بھارت دا ہرمن پیارا چھند ہے، ایس نوں ہی پنجابی وچ دوہرا  
کہندے ہن۔ گجراتی وچ وی ایس دانان دوہرا ہی چلدا ہے، ایس وچ دو  
تکاں ہوندیاں ہن۔ ایس دا سھلتا پورک پر یوک کالی داس نے اپنی رچنا  
وکرم رشی وچ کیتا ہے۔ اتھے ایس دیاں ماتراں پریت چرن 23 آئیاں  
ہن، اتے وسرام 11,12 پر ہے۔ ایس توں بعد اپ بھرنش کا وچ جو دوہے  
مِلدے ہن، اوہناں وچ ادھیک رُوپ وچ ماتراں دی گنتی 11,13 ہو گئی  
اج ایہہ گنتی 11,13 ہی پروانت ہے۔“ (7)

کلدیپ سنگھ دھیر دا کیتا ویر دا وی ویکھ لینے دوہڑے بارے:

”دوہڑا لوک کاوتے و شیشٹ کا و دوہاں وچ پرچلت روپا کار ہے۔ ایہہ پنجابی  
دے سبھ توں پرانے مولک روپا کاراں وچوں اک ہے۔ دوہڑا تے دوہرا کئی  
وار اکومن لئے جاندے ہن، انج کرنا اُچت نہیں۔ دوہرا کا وچھند ہے تے  
دوہڑا کا و رُوپ۔ دوہرا ماترک چھند ہے، جس دے دو پُرن ہوندے ہن۔  
پرت چرن 24 ماتراواں پہلا وسرام 13 تے دو جا 11 اُتے ہوندا ہے انت گورو  
لگھو۔ دوہرا نوں دوہا وی کہہ لیندے ہن۔ پر مانک رُوپ وچ دوہڑا چار تکاں  
دا ملنک ہوندا ہے، جس وچ گھنیر خیال نال سوترک پر چتکار پورن طریقے

نال کاو بدھ کیتا گیا ہوندا ہے۔ دوہڑے دی پہلی تَنک وِچ وِشے دا اُدگھانن،  
دوجی تے تہی وِچ وستار تے چوتھی وِچ سٹاپیش ہوندا ہے۔ چوتھی تَنک وِچ کوی  
دا تخلص وی شامل ہو سکدا ہے، تے ایہہ اکھان وانگ سَنیک تے پر بھاوشالی  
ہوندا ہے۔“ (8)

گیان چند ہوراں دی رائے وی ویکھ لینے:

”یہ عرضی صنف ہے جو ایک شعر کے برابر ہوتی ہے۔ اس کے ہر مصرع میں  
24 ماتراں ہوتی ہیں۔ مصرع کے پہلے جُز میں 13 ماتراں، اس کے بعد وقفہ  
اور دوسرے جُز میں 11 ماتراں۔ اُردو کے لحاظ سے اس کا مثالی وزن یہ ہے۔  
فعلن فعلن فاعلن، فعلن فعلن فاع عموماً دو با فرد کی طرح تھا ہوتا ہے، لیکن  
شاذ مسلسل دوہوں کی نظمیں بھی مل جاتی ہیں۔“ (9)

دوہڑے دی بَنتر بارے محمد آصف خاں ہوریں لکھدے نیں:

”دوہڑے وِچ دو مصرعے ہوندے ہن، ہر مصرع دو چرناں وِچ ونڈیا، پہلے  
چرن وِچ 13 ماتراں پھیر وِسر ام اتے اگلے چرن وِچ 11 ماتراں ہوندیاں  
ہن۔ انج دوہڑے دے دونوں مصرعیاں دیاں گل ماتراں 48 (24+24)  
ہوندیاں ہن۔“ (10)

پنجابی کوش موجب، دوہا، دوہرا جاں دوہڑا اکو ای چیز نیں۔ دوہڑے دا وزن وی اوہ ای دسیا گیا  
اے، جو بھائی کاہن سنگھ نا بھاتے آصف خاں ہوراں نے دسیا اے۔ گلدیپ سنگھ دھیر ہوراں  
دوہرے نوں چھند تے دوہڑے نوں صنف منیا اے۔ رتن سنگھ جگی، مولا بخش کشتہ، عبدالغفور قریشی  
تے حمید اللہ شاہ ہاشمی ہوراں دے وچاراں توں دوہڑے بارے گل متر دی نہیں سگوں کجھل پیندے  
نیں۔ دوہا، دوہرا جاں دوہڑا نوں اکومن کے ”پنجابی کوش“ وِچ لکھیا اے:

”ایہہ اک ماترک چھند ہے جس وِچ دو چرن ہوندے ہن۔ پہلے چرن وِچ  
13 ماتراواں دوجے وِچ 11 ماتراواں ہوندیاں نیں۔“ (11)

دوہڑے دیاں کجھ ونکیاں وی ویکھ لینے تاں جے دوہڑے دیاں ہونیاں تعریفاں تے  
بَنتر بارے گل بات نوں ونگی نال میل ویکھیسے، تے دوہڑے دا رُوپ تے بَنتر سیان وِچ آوے۔  
کیوں جو پارکھاں دیاں کیتیاں تعریفاں کجھل داروی نیں تے بھلاوا پیندا اے۔ بابا فرید دا دوہڑا

دَسدا اے، جو آہنی ہستی وِج بند ہو کے اپنا دُکھ جا پدا سی سبھ توں ودھ اے۔ جاں باہر جھات پائی  
تاں سہی ہو یا کہ ایس دُکھ دی دُھونی تاں ہر گھر لگی ہوئی اے۔

فریدا میں جانیا دُکھ مُجھ کوں، دُکھ سبھا ایہہ جگ  
اُچے چڑھ کے دیکھیا، تاں گھر گھر ایہا اگ (12)

وڈیاں وڈیاں بادشاہیاں چلان والے، جیہناں دے سراں تے چھتر جھلدے رہے تے اوہناں  
دی وڈیائی دے جس گائے گئے، ہُن قبرستان وِج یتیمان دے نال ای سٹے ہوئے نیں۔ محل  
ماڑیاں بناؤندے رہے تے کوڑکما کے قبریں وِج آئے:

پاس دما، چھت سر، بھیری، سڈو رڈ  
جاء سٹے جیران میں، تھیں ایتھاں گڈ  
فریدا کوٹھے منڈپ ماڑیاں، اُسار بندے بھی گئے  
کوڑا سودا کر گئے، گوریں آئے پئے (13)

بابا فرید دے اک دوہڑے دا جواب دوہڑے وِج بابا نانک ہوراں دتا اے۔ رمزاں سوہرے  
پیکے تے سہاگن دیاں ورتیاں نیں۔ بابا فرید دا دوہڑا اے:

سوہرے دُھوئی نہ لہیں، پئے ناہیں تھاون  
پروا تری نہ مچھ ای، دھن سہاگن ناؤں

بابا نانک دا دوہڑا اے:

سوہرے پئے کنت کی، کنت اگم اتھاہ  
نانک سو سوہاگنی، جو بھاوے بے پرواہ (14)

بابا فرید دے دوہڑے دی اک ہور وگی پیش اے۔ سارا پہریوا پاڑ کے لیراں  
کردیاں تے اوہ ویس وٹاواں جس نال شوہ ملے۔ گوروا مرداس دوہڑے دا جواب لکھدے نیں  
کہ کاہدے لئی کپڑا پاڑنا۔ شوہ گھر پٹھیاں ای لہجہ جانا بے نیت سدھی تے صاف ہو جائے:

فریدا پاڑ پٹولا دھج کری، کمبلدی پہریو  
چنہیں ویسیں شوہ ملے، سے ای ویس کریو (15)

گوروار جن ہوراں دا دوہڑا ویکھو۔ دُنیا دے نال ای توں وی چلنا ایں جیویں دنیا چلدی اے۔  
جس نوں رب خبردار کردا اے اوہ بندہ دنیا نال نہیں چلدا:

فریدا دُنی و جائی و جدی، توں بھی و جیں نال

سواى چيو نه و جدا، جس اللہ کردا سار (16)

اک ہور دوہڑے وچ بڑا سوہنا مضمون اے۔ خالق آپنی تخلیق وچ تے مخلوق آپنے رب وچ وسدی اے۔ مندا تے کسے نوں آکھیا ای نہیں جاسکدا۔ کیوں جو اوس واحد ہستی توں دکھ ایس کائنات اندر کجھ وی نہیں:

فریدا خالق خلق میں، خلق وسے رب مانہ

مندا کس نوں آکھے، جاں تس بن کوئی نانہ (17)

ہنس تے بگلے دے نائک وچ جیون رمز ویکھو۔ قدرت جس تے مہربان اے اوس نوں کیہ توں کیہ بنا دیندی اے۔ گرو رام داس دادوہڑا اے:

میں جانیا وڈ ہنس ہے، تاں میں کیتا سنگ

جے جانا بگ بٹیرا، جنم نہ بھیڑی انگ

بابا نائک دادوہڑا اے:

کیا ہنس کیا بگلا، جاں کنو ندر دھرے

جے تس بھاوے نائکا، کاگوں ہنس کرے (18)

بابا فرید دسدے نیں جو رات دے پہلے پہر دا پھل چھپلی راتیں پھل بن جاندا اے۔ جو جاگدا اے اوہ ای رب توں ایہہ بخشیش لے سکدا اے۔ بابا نائک دادوہڑا ایسے مضمون اُتے اے سائیں دیاں نعمتاں دے دیون دا کیا حساب اے۔ جس نوں ایہہ تحفہ لہھنا ایس، اوس نوں سٹے نوں جگا کے دے دیندا اے تے جس نوں نہیں لہھنا اوہ جاگدا وی سکھنا اے۔ بابا فرید:

راتیں صاحب سندیاں، کیا چلیں تس نال

اک جاگدے نہ لہیں، اکناں ستیاں دے اٹھال (19)

گرو نائک:

پہلے پہرے پھلدا، پھل بھی پچھا رات

جو جاگین لہن سے، سائیں کُنوں دات

پنجابی شاعری وچ چار سطران دے بندنوں وی دوہڑے داناں دتا گیا اے جیہدی مثال ہاشم شاہ دے دوہڑے نیں۔ پنجابی وچ سب توں مشہور تے جانیا ہويا دوہڑا فرید دا اے۔

گرتھ صاحب وچ ایہناں دوہڑیاں نوں اکٹھا کر کے پیش کیتا ہویا اے۔ ایہناں دوہڑیاں دی بہتر 13 ماترے تے 11 ماترے وچکار و سرام اے۔ دوہڑا جیون دے بہت سنجیدہ گھمبیر معاملات نوں بیان کرن واسطے ورتیا گیا اے، صرف بیان کرن لئی نہیں سگوں اوہناں نوں اک راس (ڈراما) دی شکل وچ پیش کرن لئی۔ فرید دے دوہڑے دوسطری نائک نیں۔ فرید دے اسلوب واسطے اتھے دوہڑے دی خاص بہتر مناسب ثابت ہوئی اے۔ بہت کھلا روئیں گل نوں بہت تھوڑے لفظاں وچ گنج دتا گیا اے۔ ایہو ای رنگ ہو رکھلا سیکی شاعراں نے وی ورتیا۔ لکھے شاہ کول وی ایہو رنگ جھلکدا اے:

پی شراب کھا کباب پٹھ بال ہڈاں دی اگ  
چوری کرتے بھن گھر رب دا اوس ٹھگاں دے ٹھگ نوں ٹھگ (20)

ایس توں ایہہ مطلب نہیں کہ دوہڑے اندر نہایت سنجیدہ گھمبیر رنگ دی شاعری ای کیتی جاسکدی اے۔ سگوں دوہڑے اندر مزاح تے طنز دا پہلو وی پایا جاندا اے۔ جس طرح کہ بابا فرید دا ای دوہڑا آکھیا جاندا اے (اُنچ ایہہ نائک دے ناں وی لگا اے)

ٹوپی لیندے باورے، دیندے کھرے تلج  
چوہا گھڈ نہ ماوای، پکھے بندھینے چھج (21)

دوہڑے دی بہتر اکھاناں ورگیاں پرانیاں سچائیاں نوں بیان کرن واسطے مناسب سمجھی گئی اے جیویں دمودر لکھدا اے:

جیہناں تکیہ رب دا تہہاں رزق ہمیش  
پلے خرچ نہ بنھ دے پنچھی تے درویش (22)

دوہڑے دا خاص وزن بابا فرید والا اے پنجابی وچ جدوں دوہڑا آکھیا جاندا اے، تے اوس توں مراد فرید والا وزن ای اے۔ دوہڑا عام طور تے دوسطراں وچ آپنا مضمون مکمل کردا اے بعض دفعہ اکو مضمون دو دوہڑیاں وچ وی آجاندا اے، جیویں بابا فرید دے ایہہ دو دوہڑے نیں:

فریدا گلنیں چکڑ، دُور گھر، نال پیارے نینہہ  
چلاں تاں بھجے کھمبلی، رہاں تاں ٹٹے نینہہ

.....



بھجھو سچو کمبلی، اللہ ورسو مینہ

جاء ملاں تہماں سبھاں ٹٹو ناہیں نینہ (23)

اک نکا جیہا ناک دو دوہڑے رلا کے پیش کیتا اے۔ ہُن تک دی کھوج موجب بابا فرید پنجابی دے پہلے شاعر منے جاندے نیں۔ ایہدا مطلب اے دوہڑے دی صنف وی بہت پرانی اے، تے مُڈھ توں ای پنجابی شاعری نال جڑی ہوئی اے۔ کلاسیکی پنجابی شاعری اندر جیہڑیاں خاص صفتاں نیں اوہناں وچوں ایہہ دو یعنی بہت کھلا روئیں تے وڈی گل نوں تھوڑے لفظاں وچ بیان کرنا، تے دو جا گل نوں اک ناک یا تھیٹر دے رُوپ وچ ادا کرنا۔ ایہہ دو ویں صفتاں دوہڑے دی بَتر اندر سبھ توں پہلے تریاں اور پھیر دوسریاں بَتراں اندر ایہدا اثر پیڑھیو پیڑھی چلیا۔ دوہڑے دی بَتر دا پنجابی شاعری دے مُڈھے رُوپ نوں پیش کرن وچ بڑا پرانا تے شروع دا عمل اے۔ ایہدا اختصار، ڈرامائی کیفیت اور بہت گہری سنجیدہ گل نوں بہت سادہ آسان لفظاں وچ بیان کرن دی خوبی پنجابی شاعری نوں دوہڑے دی دین اے۔ پرانی شاعری یاد کرن دی آسانی وی ایسے پاروں اے۔

دوہڑے دا ویروا کرن چکھوں ایہدیاں دو بَتراں سامنے آئیاں نیں۔ پہلی تے اوہ جس نوں ہندی وچ ”دوبا“ آکھیا جاندا اے۔ پنجابی وچ ایہو بَتر ”دوہڑا“ یاں ”دوہڑا“ اے۔ جس دیاں ونگیاں گروگرنہ صاحب وچ بابا فرید تے بابا ناک توں وکھ ہور گروواں دے کلام وچ وی دیکھیاں جاسکدیاں نیں۔ دوہڑے دے نال ای ای اک ہور صنف وی پنجابی شاعری وچ مشہور اے۔ جس دا وزن تے بَتر پہلی نالوں فرق اے، ایہہ بَتر وی ”دوہڑا“ یاں ”بیت“ اکھواندی اے۔ ایہہ چار ہم قافیہ مصرعیاں دا اک بند اے۔ جس وچ اک مضمون بیان ہوندا اے۔ ایس صنف وچ مشہور تخلیق ”ہاشم شاہ“ دے دوہڑے نیں۔ ہاشم شاہ دے دوہڑے جیوں دیاں سچائیاں، وچھوڑے دا دُکھ، عشق دیاں پیڑاں تے ظاہر داری دے پڑدے پاڑے کے اصل ول دھیان دیواؤندے نیں:

تسبیح بہت بھواون کسبی، جیہناں دام فریب بچھایا

کر کر گیان سناون سیانے، نہ ات بدھ شیخ کہایا

مطلب جو اسرار الہی اوہناں ہرگز مول نہ پایا

ہاشم سمجھ رسائیں والے، کدی آپنا آپ لکھایا (24)

بید کتاب پڑھن چترائی، اتے جپ تپ سادھ بناوے  
 بھگوئے بھیس کرن کس کارن، اوہ من دا کھوٹ لکاوے  
 مورکھ جا وڑے اس ویڑے اتے اوکھد جنم گواوے  
 ہاشم دُکھ نصیب جیہناں دے، سوئی درد منداں نوں آوے (25)  
 سوہنی، ہیرتے سسی دیاں پریت کہانیاں دے نال نال شیریں تے لیلیٰ دا ذکر وی ہاشم شاہ دے  
 دوہڑیاں وچ موجوداے۔ شاعری وچ عام طور تے عاشق دا دُکھ تے اوکڑاں دا بیان ہوندا اے۔  
 ایس دوہڑے اندر ہاشم شاہ نے گل اُلٹا دتی اے:

مجنوں ہو بہاں دن اکسے، جے یار لیلیٰ ہتھ آوے  
 کامل یار بے صدق عاشق نوں، اوہ صادق چا بناوے  
 ناقص طبع محبوب جے ہووے، کیہ عاشق عشق کماوے  
 ہاشم عاشق ہون سکھالا، پر ہو یا محبوب نہ جاوے (26)

جے دُکھ پریم تینوں ہتھ آیا، ایس دلبر دی سرکاروں  
 خوش دل ہو کر شکر خدا دا ہن بچیوں لاکھ آزاروں  
 اک دُکھ تھوں دکھ جاہن ہزاراں، ویکھ حاصل ایس پیاروں  
 ہاشم شاہ دُکھ ڈھونڈ عشق دا، ایس کامل پاس بزاروں (27)  
 خواجہ غلام فرید دے کلام وچ کافی توں دُکھ چار مصرعیاں دا دوہڑا ملدا اے۔ موضوع تاں سگوییں  
 کافی والے نیں پر رُوپ نوبیلا اے۔ چار مصرعے دا دوہڑا کوئی دی من واپری تے جگ ورتارے  
 دی دس پاؤندا اے۔ یار دا درشن ای لوڑیندا اے عاشق نوں۔ سارے جگ نال تر وڑے کے اک سخن  
 دی تانگھ اے:

دین دھرم دی لوڑ نہ کوئی درشن یار دیاں لوڑاں  
 بھاویں مارے بھاویں جھٹکے دامن مول نہ چھوڑاں  
 کافر کافر ہر کوئی آکھے ہر گز مونہہ نہ موڑاں  
 یار فرید تر وڑیا جگ، ہک یار کنوں نہ تر وڑاں (28)

عشق لیلے وچِ مجنوں کامل کھڑا لیلے یاد کریندا  
 باراں سال جنگل دے وچِ چم بدن کھڑا سکیندا  
 سگ لیلے دا باہر آیا پیا مجنوں پیر چمیندا  
 صادق عشق فرید جنہاں کو جیندیں موئیں توڑ بھیندا (29)

عشق دے بیان لئی لیلیٰ مجنوں، ہیرا رانجھتے سسی دی پریت کہانیاں دا حوالہ ملدا  
 اے۔ اوہناں جیاں دا جینناں دی آپنی ہستی مک گئی اے پر اوہناں دا عشق امک اے تے اج  
 تیک سجرانزویا اے:

گھر گھر دے وچِ دُھماں پیاں حسن رنجھیٹے یار دیاں  
 کئی ہیراں وچِ جھنگ گراون جیہڑیاں ہوون تن وار دیاں  
 کئی سسیاں وچِ تھلاں دے جیہڑیاں طالب ہن دیدار دیاں  
 یار فرید جیہڑیاں راہوں ولیاں نہ اروار نہ پار دیاں (30)  
 جن نال اک ہوون دا چاءِ و بہار دیاں بنائیاں باندھاں توں باہر اے۔ جس وچِ بس  
 اوہ پیارا ای دسد اے اوس توں دکھ کجھ نہیں بھدا:

مرن کنوں مینوں ہوڑ نہ مائے مینوں مرن دا شوق مٹاون دے  
 کنجری بندیاں میری عزت نہ گھٹدی مینوں نچ کے یار مٹاون دے  
 جوگن بناں میں یار آپنے دی مینوں گل وچِ مالا پاون دے  
 یار فرید اودھی اوہ جانے مینوں آپنی توڑ نبھاون دے (31)  
 شاہ مُراد دے دوہڑیاں وچِ عشق پاروں جنن والی پیڑ تے دکھ دا بھرواں بیان اے۔ ہجر نے مار  
 مُکایا، تن وچِ طاقت نہیں رہی، عشق دا دریا ڈونگھا اے، ایہہ بھار ونڈان والا وی کوئی نہیں، بے بسی  
 دی کیفیت اے۔ جنن دی تانگھ اے۔ اوس دی نظر نال سبھ سورسکدا اے۔ بتتر ہاشم شاہ دے  
 دوہڑے والی اے:

عشقے دا دریا دسیوے نہ ملاح مہانا نہ بیڑے  
 ٹھاٹھیں لہریں اتے ڈوہنگا کندھے ناہیں نیڑے  
 پار کھلا میاں رانجھا سارے پچھوں دھکے کھیڑے  
 شاہ مُراد مینوں پار لنگھائے پلا مول نہ سیڑے (32)

پیا دچھوڑا اسماں تساں وچ نہ نیت میری نہ تیری آسا  
 سریر بیدم کلیجہ سڑدا ہمیشہ ررواں نہ آوے ہاسا  
 نہ دم ہے دمڑی نہ رت ہے رتی نہ تول تولا نہ ماس ماسا  
 بھبھوت کپڑے زمین وچھائے سرہانہ پتھر اُجاڑ واسا<sup>(33)</sup>

دوہڑے دے معنے، تعریفاں تے ونگیاں پڑھیاں سہی ہوندا اے جو دوسراں وچ جیون  
 رمزاں کیویں رچیاں ہونیاں نیں۔ سادے جیسے دو مصرعے حیاتی دے گورٹ سچ نوں نثار کے ساہمنے  
 پئے دھریں دے نیں پڑھن سُنن والیاں دے۔ دوہڑے دا ایہہ پورن روپ دس پاؤندا اے اپنے  
 کچھے دی لوک ریت اُپر۔ لوک ادب سکھرتے اپڑ کے اعلیٰ ادب دا ویس وٹاؤندا اے۔ لوک باتاں،  
 بھارتاں، اکھان تے لوک گیت ای عینہہ نیں اعلیٰ ادب دی، فرید ایس لوک ریت وچ وں رس  
 ایس نوں مانیا جانیا اپنایا تے مڑ اپنی سمجھ ایس وچ لائویں و تیر بنا لوک نوں پرتایا۔  
 سچ نے سچ دا ہتھ پپیا تے جس لوک ریت دی لیسے فرید تیر یا اوس لوک ریت فرید نوں وی  
 امر کر چھڈ یا سو فرید موہری ہو یا دوہڑے دا۔

O

## حوالے

- 1- رتن سنگھ جگلی، ڈاکٹر: ساہت کوش؛ پبلیکیشن بیورو پنجابی یونیورسٹی پٹیالہ، 1989ء ص 601
- 2- مولا بخش کُشتہ: پنجابی شاعراں دا تذکرہ؛ عزیز پبلشرز لاہور، 1988ء ص 19
- 3- حمید اللہ شاہ ہاشمی: پنجابی ادب دی مختصر تاریخ؛ تاج بکڈ پولاہور، 1992ء ص 58
- 4- عبدالغفور قریشی: پنجابی ادب دی کہانی؛ عزیز بکڈ پولاہور، نومبر 1972ء ص 78
- 5- بھائی کاہن سنگھ ناہا: مہاں کوش؛ نیشنل بک شاپ دلی، 1996ء ص 652
- 6- عبدالغفور قریشی: پنجابی ادب دی کہانی؛ ص 60
- 7- رتن سنگھ جگلی، ڈاکٹر: ساہت کوش؛ ص 602
- 8- کلدیپ سنگھ دھیر، ڈاکٹر: پنجابی دے مولک تے پر نراگت کا وروپا کار؛ پنجابی یونیورسٹی پٹیالہ،  
 2001ء ص 87
- 9- گیان چند: ادبی اصناف؛ اردو اکادمی گجرات، 1989ء ص 81، 82
- 10- محمد آصف خاں: نک سک؛ پنجابی ادبی بورڈ لاہور، 1992ء ص 68

- 11 پنجابی کوش؛ بھاشا و بھاگ پٹیالہ، 1967ء، جلد 3، ص 462، 461
- 12 محمد آصف خاں: آکھیا بابا فرید نے؛ پاکستان پنجابی ادبی بورڈ لاہور، دسمبر 1978ء ص 226
- 13 ایضاً ص 188، 189
- 14 ایضاً ص 174، 175
- 15 ایضاً ص 252
- 16 ایضاً ص 220
- 17 ایضاً ص 259
- 18 ایضاً ص 272، 273
- 19 ایضاً ص 261، 262
- 20 محمد آصف خاں: آکھیا بھٹھے شاہ نے؛ پاکستان پنجابی ادبی بورڈ لاہور، 1993ء ص 497
- 21 محمد آصف خاں: آکھیا بابا فرید نے؛ ص 318
- 22 محمد آصف خاں: ہیر دمودر؛ پاکستان پنجابی ادبی بورڈ لاہور، جولائی 1986ء ص 222
- 23 محمد آصف خاں: آکھیا بابا فرید نے؛ ص 168، 167
- 24 ڈاکٹر فقیر محمد فقیر: گکارے؛ مرتب ہاشم شاہ، انتشارات پنجابی ادبی اکادمی لاہور، 1963ء ص 11
- 25 ایضاً ص 46
- 26 ایضاً ص 47
- 27 ایضاً ص 20
- 28 شفقت تنویر مرزا: کلیات فرید؛ دوست پبلی کیشنز: اسلام آباد، 2001ء ص 338
- 29 ایضاً ص 345
- 30 ایضاً ص 352
- 31 ایضاً ص 355
- 32 سراج الدین قریشی: گلزار شاہ مراد؛ شریف پریس راولپنڈی، 1908ء/1362ھ ص 41
- 33 ایضاً ص 42

Khoj  
 Research Journal Deptt. of Punjabi  
 Language & Literature  
 Punjab University Lahore (Pakistan)  
 Vol:70, Jan.-June. 2013, pp 43-54

کھوج  
 تحقیقی مجلہ شعبہ پنجابی زبان و ادب  
 پنجاب یونیورسٹی لاہور (پاکستان)  
 جنوری - جون 2013ء، مسلسل شماره 70

## پنجابی آپ بیتی دا ثقافتی مطالعہ

ڈاکٹر عباد حسین

اسٹنٹ پروفیسر پنجابی،

گورنمنٹ اسلامیہ کالج، ریلوے روڈ، لاہور

Punjabi Aap Beeti da Sqafti Mutaleya

### Abstract

The article not has only analyzed several definitions of "autobiography" but also has thrown light on Punjabi Culture. Wherever he has mentioned the culture of Punjabi, he has illustrated it with accurate citation. Autobiography is an attempt to express one's self or one's life experiences truly. Life is spent in a society and the autobiographer, therefore, reflects the socio cultural aspects of life. This research article is a comprehensive contribution to Punjabi language and literature.

.....

پنجاب دھرتی صدیاں توں ہری بھری، ہسدی، وسدی تے کدے اجڑ کے مڑ وسدی اج  
 وی دنیا بھر وچ اپنی وکھری پچھان نوں سانجھی کھلوتی اے۔ پنجاب دی ایس زرخیز دھرتی دے لوک  
 بڑے بہادر، انکھیلے تے محنت کرن والے نیں۔ پنجابی زبان دنیا دیاں پُرانیاں زباناں وچ اُچھ

رکھدی اے۔ پنجابی اندر صوفیانہ ادب ورگا تخلیقی رنگ سانوں ہو رکسے وی زبان وچ دکھالی نہیں دیندا۔

اج پنجابی، ادب دے ہر کھیتز وچ اپنا لوہا منوا رہی اے۔ اوہ ناول ہووے، افسانہ، ڈرامہ یاں شاعری دی کوئی وی صنف۔ پنجابی لکھاریاں ہمیش ایہدی جھولی نوں بھری رکھیا اے۔ فیراہیہ کوں ہوسکدا اے جے آپ بیتی ورگی ڈھیر لاہے وند صنف اکھاں توں اولھے رہ جاندی۔ بھادویں آپ بیتی نوں لکھدیاں اج سٹھ (60) کوورھے ای ہون نوں آئے نیں پراپینے اپنی وکھری چچان ڈنکے دی سٹ تے منوالئی اے۔

آپ بیتی کیہ اے؟ کسے وی لکھن والے دی، لکھن تک زندگی دے پچو سچ بیانے سارے حالات جیہنوں اوہ آپوں ہنڈاؤندا اے تے اوہدا کردار وی بندا اے:

Dr. Jonson says:

"Every man's life should be best written by himself"  
Quated by Andre Maurios. (1)

Carl Backman and Arthor Gunns says:

"The author of an autobiograpy presents a continuos narrative of the major events and some time the minutios) of past." (2)

محمد طفیل ”نقوش“ دے آپ بیتی نمبر وچ لکھدے نیں:  
”آپ بیتی کسی انسان کی زندگی کے اعترافات، تجربات، مشاہدات، محسوسات، نظریات اور معتقدات کی ایک مربوط داستان ہوتی ہے جو لکھنے والے نے خود بے کم و کاست اور براہ راست قلم بند کر دی ہو۔“ (3)

ڈاکٹر رتن سنگھ جگلی، ساہت کوش وچ لکھدے نیں:

”سوے جیونی جاں آتم کتھا وچ لیکھک اپنے جیون نال سمبندھت گھٹناواں تے کار جاں نوں وکست کردا ہے۔“ (4)

ڈاکٹر گورچرن سنگھ، سوے جیونی، سدھانت پکھ، ساہت سماچار دا وار تک انک وچ لکھدے نیں:

”سوے جیونی نانک دے مونہوں بیان کیتا گیا اتہاس ہے۔ اس وچ لیکھک اپنے آپ نوں اکھری روپ دین دا جتن کردا ہے۔ ایہہ ہو چکے، لنگھ چکے

جیون دی پُڑ سر جنادا اُپرالا ہوندا اے۔ اس وچ نائک اُتم پدکھ وچ اوہناں  
کچھ گھٹناواں تے لچھناں نوں اُلکین تے اوہناں دا مہتو اُگھاڑن دا اچھک  
ہوندا ہے، جیہناں اُس نوں اوہ کچھ بنایا۔ مراد اوہ کچھ بنن وچ سہائتا کیتی جو  
کچھ کہ اوہ ہے۔“ (5)

آپ بیٹی دی اک بھرویں تعریف ایہہ کیتی جاسکدی اے:

”آپ بیٹی، لکھن والے دی اپنی زندگی دے اوہ سچے واقعات تے تجربے  
ہوندے نیں جیہناں نوں اوہ اپنے کردار راہیں ہنڈا کے بیان کردا اے۔  
ماضی دی ایس کہانی اندر اوہدا کردار کدے شطرنج دے شاہ وانگلوں ہوندا اے  
تے کدے اک معمولی پیادے وانگ۔“ (6)

دو جے بنے بے پنجاب دی ثقافت دی گل کرئیے تاں سنانوں پنجاب دی تاریخ دے  
نال نال ٹرنا پوے گا۔ مُنڈا قبائل، دراوڑ، آریا تے یونانی تہذیبیاں نوں وی کھنگالنا پوے گا۔ ہڑپہ  
توں پہلے نشاناں دی گل وی کرنی پوے گی تے پنجاب تے حملے کرن والے وکھ وکھ دھاڑویاں دا  
رونا وی رونا پوے گا۔ کیوں جے ایہناں سبھاں پنجاب دے رہن سہن تے حیاتی بتاون دے  
ڈھنگاں نوں بدلن دا چارا کیتا تے بدلے وی۔

مذہبی کچھ حیاتی تے ثقافت دا بہت بھرواں تے مڈھلا انگ ہوندا اے۔ کسے وی قوم دارہن  
سہن تے زندگی لنگھاو دا نظریہ ایہدے مرکزی دھرے دوالے گھمدا اے۔ بھاویں رسم و رواج  
تے ثقافت اُتے مذہب دی تھاں خطے تے علاقے دیاں اپنیاں رسماں کتے بہتا اثر کردیاں نیں  
سگوں لوک مذہب دے حکماں نوں اک پاسے رکھ کے رسماں تے رواجوں نوں نبھانا عین فرض  
سمجھدے نیں۔ پنجاب تے پنجابیوں دی ثقافت برصغیر وچ ہمیشہ سبھ ثقافتاں تے چھائی رہی اے  
جے آکھیا جاوے پئی برصغیر اندر دوای وڈے کلچر نیں تاں غلط گل نہیں ہووے گی۔ اک پنجابی تے  
دو جارا جستھانی۔ ایہہ کلچر ارج وی تہانوں حیاتی دے وکھ وکھ کھیتراں اندر بھرواں حصہ پاؤندے نظر  
آون گے۔ پنجاب دی ثقافت دے کئی رنگ بن دے نیں۔ جیہڑے پنجاب دے وکھ وکھ علاقیاں  
وچ کھلے قالین دے رنگاں وانگ سوہنے تے اٹملے نظریں آؤندے نیں۔ اوہ جمن توں پہلاں  
شروع ہو کے مرن توں بعد تک حیاتی نوں اپنے اندر سمیٹن والے لوک گیت ہوون یاں انگاں دی  
شاعری کرن والے نوک ڈانس۔ لوک کہانیاں دے اندر موجود سیانف ہووے یاں پنجاب دے



گھروواں دیاں ہرمن پیاریاں لوک کھیڈاں۔ ایہناں سبھناں اندر پنجاب دی ثقافت دے بھرویں رنگ تھان تھان کھلے صاف ویکھے جاسکدے نیں۔ اج وی پنجابی نوک تے لوک موسیقی پاک تے انڈیا اندر اپنی دھم دکھاندی سنی تے دیکھی جاسکدی اے۔

پنجاب دے لوک کھلے ڈلھے سبھا دے، اُنکھیلے تے ہر کم چاواں نال کرن والے ہوندے نیں۔ ایہناں دی ثقافت ایہناں دے رہن سہن، کھان پین، اُٹھن بہن، گل کرن دے ڈھنگ، لہجے تے ہر کم نوں نچھ نال کرن اندر کھلری ہوئی اے۔ حیاتی دا کھیڑا کھیتر اے جتھے پنجابیاں اپنی نامندا دے جھنڈے نہ چاڑھے ہوں۔ آپ بیتی کیوں جے ہوندی ای حیاتی دا ویروا اے تے ایہوں لکھن والا اپنی زندگی دا بہتا ویلا اپنے آل دوالے، گھر، سکول، کالج تے دوجیاں رُجھاں اندر بتاؤندا اے۔ ایس کر کے آپ بیتی اندر اوہدی زندگی دیاں ساریاں جھلکیاں ای آپوں اک ثقافتی روپ دھار لیدیاں نیں۔

پنجابی آپ بیتی اندر تھان تھان پنجاب دی ثقافت کھلری نظریں آؤندی اے۔ اوہ بال پئے دیاں رُجھاں ہوں یاں کھیڈاں، جوانی دے گھول گھپت ہوں یاں بڑھاپے دیاں پیٹھکاں۔ پنجابی آپ بیتی اندر تھان تھان پنجاب دی تاریخ، سیاست، معاشرت، اخلاقیات، رشتیاں دی سانجھ، جُوت تے ثقافت اپنے جو بن تے دسدی اے۔ بال پئے دیاں کھیڈاں بارے ڈاکٹر ایم ترسیم اپنی آپ بیتی ”کچی مٹی پکارنگ“ وچ لکھدے نیں:

”میری سبھ توں پہلی کھیڈ جو میرے یاد ہے، شاید اوہ پیچو بکری سی۔ پیچو بکری

شاید میں پنج کو سال دی عمر وچ ہی کھیڈنی شروع کردتی سی۔“ (7)

ڈاکٹر ہرکیرت سنگھ ”یاداں گنجی بار دیاں“ وچ لکھدے نیں:

”جانگلیاں دی سبھ توں مشہور کھیڈ ”پیچو دھودا“، (8)

”وینی پھرنا اک ہور زور آزمائی دا مقابلہ سی۔“ (9)

دارا سنگھ پہلوان اپنی آپ بیتی ”میری آتم کتھا“ وچ لکھدے نیں:

”پڑھن توں علاوہ مینوں گلی ڈنڈا، لگن میٹی، چھالاں مارن تے کھدو کھونڈی

کھیڈن دی بڑی چاء سی۔“ (10)

گھر کسے وی بندے دا ڈھلا تے اخیر لاٹھکانا ہوندا اے۔ اوہ کدھرے وی جاوے تے سارا دن کچھ وی کرے اخیر اوس اپنے گھر پرت کے آونا ای ہوندا اے۔ انسان دی عمر دا بہتا حصہ

ویکھیا جاوے تاں گھروکی رُجھاں وچ ای لنگھدا اے۔ بچپن توں اخیرى عمر تیک گھرتے گھر وچ رہن والے جی اوہدی حیاتی دا مرکز رہندے نیں۔ جیون مرن اوہناں دے نال ای ہنڈاؤنا پیندا اے۔ آپ بیتی اندر ایہناں رُجھاں دا بھرواں ویروالہد اے۔ شمشیر سنگھ بھرا ”وچھوڑے دادا غ“ اندر خاندان تے ٹبر بارے انج لکھدے نیں:

”گھر وچ رہ رہیا ٹبرتن پدھر اُتے چلدا سی۔ دادے دادیاں، ماں پیو، پوتے پوتیاں۔ ہر اک نوں اپنے اپنے فرمان تے ذمہ داریاں دا پتا ہوندا سی۔ دادے دے کم سن ڈنگر چارے، رسا وٹے، راکھی کرے، نگر سکو کرے تے اپنا دن گھروں باہر گزارے۔ دادی گھر وچ کجھ وی کر سکدی سی جدوں کہ رسوئی وچ نہ وڑے تے مونہہ بند رکھے۔ پیو گھر دا موڈھی ہوندا سی۔ ماداں ٹبر پال دیاں، قدراں قیمتاں سکھاندیاں تے پر یوار دی عزت نوں سنبھال کے رکھدیاں۔ بچے گھر وچ جمدے تے وڑے ہوندے۔ گڑیاں، گڑیاں نال کھید دیاں تے مُنڈے منڈیاں نال۔ ٹبر وڑے ہوندے سن تے اکٹھے رہندے سن تے اکو رسوئی وچ روٹی پکدی سی۔ نوں ویابھی دا وچو وچ جی ہوندا سی کہ میری رسوئی دکھری ہو جاوے۔ گھر والے نوں چُپ چپتے کہندیاں ای رہندیاں سن۔“ (11)

انج وی تے انج توں ورھیاں پہلوں وی دھی دے جمن تے لوک خوش نہیں سن ہوندے۔ دھیاں جیہناں سدا مایاں گھر نہیں رہنا ہوندا۔ شمشیر سنگھ بھرا ”وچھوڑے دادا غ“ وچ ایہدے بارے انج دسدے نیں:

”مُنڈا جمن تے بڑی خوشی منائی جاندی سی۔ لڈو وٹے جاندے سن۔ گڑی واری ایہہ کجھ نہیں سی ہوندا۔

مُنڈا جمیا جگا لیا دیوا..... تے گڑی واری تیل مکیا، (12)

افض توصیف اپنی آپ بیتی ”من دیاں وستیاں“ وچ ایس مسئلے تے انج گل کردیاں نیں:

”جیٹھ مہینے دی تترئی دوپہر ڈھلے میں جی تاں دائی جھنڈو بولی، ہائے نی لوڑھا، ایہہ تاں گڑی جم پئی، ہک ہا! پلوٹھی دی گڑی..... ہُن مینوں چاندی کس دینی؟“ کیہ آکھیا؟ گڑی! دو جی زنائی بولی ”آس تاں مُنڈے دی

سگی ایہہ کڑی کتھوں آگئی۔“ (13)

جانور ساڈی پینڈ و زندگی اندر بڑی اُچھ رکھدے سن تے اج وی رکھدے نیں۔ دُڈھ پُتر دیاں دُعاواں دین والے بزرگ اج وی کتے کتے مل جاوَن گے۔ ایس جیون اندر مال ڈنگردی سیوا اپنی اولاد وانگ ہی کیتی جاندی سی۔ ایس کر کے پینڈ و جیون بتاون والا آپ بیتی لیکھک ایہناں دے ذکر توں کوں کھنچ سکدا اے۔ مجھاں تاں رانجھے وی چرائیاں سن۔ دُڈھ نوں پاک تے پوتر سجھیا جانداسی۔ سون ویلے ہر گھرو لئی دُڈھ دا بھریا چھنایاں وڈا گلاس پینا وی ساڈے کلچر دا حصہ سی۔ شمشیر سنگھ بھرا ”وچھوڑے دادا غ“ وچ لکھدے ہن:

”مجھ نوں دو واری چویا جانداسی۔ سویرے دن چڑھے تے فیر شام نوں ترکالاں ویلے۔ سویرے دے دُڈھ نوں کاڑھنی وچ پا کے بھڑولی وچ رکھ کے، گوہیاں نوں اگ لادتی جاندی سی۔ اوہ سارا دن دُکھدے رہندے، ہولی ہولی دُڈھ کڑھدا رہندا تے اُتے ملائی آ جاندی۔ شام دُڈھ گرم کر کے (گرمیاں وچ کچاوی) پیتا جانداسی۔“ (14)

جانور خاص کر مجھ دے مرن تے باقاعدہ افسوس کیتا جانداتے مل ورتن والے لوک آ کے انج افسوس کردے جویں کوئی گھر دا جی دنیا چھڈ گیا ہووے۔ مہندر سنگھ رندھاوا ”آپ بیتی“ اندر دسدے نیں۔

”رائے بریلی جد ساڈی اک ویہہ (20) سیر دُڈھ دین والی مہیں مرگئی تاں شہر دے بہت سارے شریف آدمی افسوس کرن آئے۔“ (15)

انج دیاں رسماں ساڈی ثقافت دا حصہ رہیاں نیں تے اج وی باراں اندر ایہناں دی ہوند نوں ویکھیا جاسکدا اے۔ پنجاب دھرتی ونون رواج نال پُرچی صاف ویکھی جاسکدی اے۔ افضل توصیف ”من دیاں وستیاں“ وچ اک رواج بارے لکھدیاں نیں:

”پھیر وی جدن ابے مینوں سکولے پان لیانا سی بی بی نے میرے دُڈھ وچ کولا پادتا (کولا ددھ پین مگروں چھڈ دئی دا) کولے تاں نظر نہیں لگدی تے جتاں، ہوائی شیواں لئی وی چنگا ہوندا اے۔“ (16)

رسماں تے رواج نوں اسیں کدے اپنے سماج تے من وچوں نہیں کڈھ سکدے۔ آپ بیتی اندر ایہناں دا وڈا ذخیرہ سانھیا ہو یا ملدا اے۔ صاحب سنگھ ”میری کہانی“ وچ اک رسم

داویروانج کردے دکھالی دیندے نیں۔ اوہناں نوں نتھو رام بچپن وچ کیوں کہیا جاندا سی:  
 ”میتھوں پہلاں جیہڑے بچے میرے مایاں دے گھر جم دے رہے، اوہ  
 چھیتی ہی مر جان دے رہے..... ہندو مر یا دا دے مطابق ایہہ نتھ ویاہ دے  
 ویلے لاہی دی اے۔ سو اٹھویں کلاس دا امتحان دین تک ایہہ نتھ میرے نک  
 وچ رہی۔“ (17)

مُنڈیاں دے تک وچ نتھ دا پاؤنا..... ایہہ تاں انوکھی گل اے..... ساڈی دھرتی چار  
 سگوں چھ موشاں دی دھرتی اے۔ نکونک کردین والی گرمی تے کمبئی لاؤن والے سیت ہوا دے  
 بُلے، کیہ کجھ اے جو پنجاب وچ موجود نیں۔ گرمیاں نوں ٹھنڈی چھاں پٹھ بیٹھنا، وکھ وکھ کھیڈاں،  
 کھیڈنیاں تے پتنگھاں جھوٹنیاں، کدے بھل سکدیاں نیں:

نہراں رُکھ تے منظر پنڈ دے بھل سکناں

بوڑھ دیاں میں چھاواں تے نہیں بھل سکدا

گرمیاں وچ بال تے وڈے رل کے کھیڈاں کھیڈ دے تے ستر دوپہر دا ویلا  
 بناؤندے۔ ڈاکٹر ایس ترسیم ”کچی مٹی پکارنگ“ وچ لکھدے نیں:

”گرمیاں وچ ودھیرے سما، کچ دیاں گولیاں، چوڑیاں دے نکلریاں، اہلی

دے بنیاں، سوڈے دیاں بوتلاں تے ڈھکناں وغیرہ نال چھاویں بیٹھ کے

دل پرچاندے۔“ (18)

آپ بیتی اندر زندگی دے ہر پہلو بارے چانن پایا گیا اے۔ اوہ سماجی رُجھاں ہوون  
 یاں ثقافتی، سیاسی ہوون یاں رہتلی۔

زندگی جویں جویں اگے ودھدی تھی جاندی اے اُنج ای آپ بیتی نگار وی اوہدا حصہ  
 بندے اپنا بھرواں کردار ادا کردے صاف دکھالی دیندے نیں۔

ویاہ شادی تے اوہدے نال جڑیاں رسماں تے رواج ساڈی ثقافتی حیاتی دا بہت اہم کچھ  
 نیں۔ ویاہ پنجاب دے سماج اندر اک واری ہوندا اے تے اوہنوں یادگار بناؤن لئی پنجابی  
 ورھیاں بندوبست کرن وچ رُجھے رہندے نیں۔ ویاہ توں کئی دن پہلاں رات نوں ڈھوکی تے  
 گیت گانے، مایوں، مہندی، گانا تے سرمہ پاؤنا، کھارے بٹھاؤنا تے گھوڑی چڑھنا، واگ پھرائی،  
 کڑی والے گھر چننا، ملنی تے دُڈھ پیائی دی رسم، راہ ڈکن دی رسم، ڈولی، ویاہ پچھوں مکلا دے

تے جتی لکائی تے گوڈا پھڑائی۔ کبھڑیاں کبھڑیاں رسماں نیں جو ساڈی ثقافتی زندگی دا حصہ نہیں۔ آپ بیتی اندر ایہناں رسماں، رواجوں نوں بڑے سوہنے ڈھنگ نال لکھن والیاں بیانیہ اے۔ کیوں جے ایہہ ویلا اوہناں تے وی آیا ہوندا اے۔ گربخش سنگھ ”میری جیون کہانی 1“ وچ لکھدے نیں:

”روز راتیں ساڈے گھر چاچیاں، تائیاں، بھیناں، بھابھیاں گون آؤندیاں۔ تھوڑاں بھری زندگی دے سٹے بلھاں وچوں گیت جھڑن لگ پئے۔ کوئی شبد پڑھدی تے کوئی اپنے کاہن دا وچھوڑا گوندی، کوئی اپنے پنوں دا گلہ کردی تے کوئی نیلے دیاں اُچیاں لمیاں، ٹالھیاں اُتے ہیر دی پینگھ چڑھاؤندی۔“ (19)

جج کڑی گھر جُجُن تے ملنی ہوندی اے۔ وڈ وڈیرے اک دو بے نال چھیاں پاؤندے تے خشی دا دکھالا کردے نیں۔ گربخش سنگھ ”میری جیون کہانی 1“ وچ لکھدے نیں:

”ملنی ہو گئی۔ مامیاں چاچیاں نے دوہاں پاسیوں چھیاں پالئیاں، نوں ساک دے سراں دیاں بلاواں لے لئیاں۔“ (20)

ویاہ شادی تے کھان پین دا سادہ پر چنگا پر بندھ کیتا جاندا سی۔ کڑی والیاں ولوں وی تے مُنڈے والیاں ولوں وی۔ ڈاکٹر ہرکیرت سنگھ ”یاداں گنجی بار دیاں“ وچ لکھدے نیں:

”ویاہ شادیاں سادہ ڈھنگ نال کیتیاں جان دیاں سن۔ ساڈے علاقے وچ لڑکی دے ویاہ تے گھر والے اک روٹی سارے پنڈنوں دیندے سن۔ لڑکے دے ویاہ تے دو روٹیاں، روٹی گھر والے اپنی حیثیت مطابق کسے طرحاں وی دے سکدے سن۔ برادری ولوں کوئی بندش نہیں سی۔ عام طور تے اک روٹی کھیر، کڑاہ، تے چونہہ سبزیاں نال دتی جاندی سی۔ دوجی روٹی چاول، کھنڈ، گھیو، دہی بھلے دی ہوندی سی یاں کوئی اپنی مرضی نال مٹھیائی وی دے سکداسی۔“ (21)

پنجابی آپ بیتی دا ثقافتی مطالعہ کردیاں ایہہ گل صحیح ہوندی اے جے زندگی دا کوئی ایسا پلہ نہیں جیہڑا آپ بیتی دے سپہن دا حصہ نہ بنیا ہووے۔ ادب توں لے کے سیاست تک، مذہب توں لے کے آپسی سانجھ تک۔ سیاست وچ آگوسب توں اہم رول ادا کردا اے۔ جے اوہ اپنی

قوم نال دلوں بجانوں مخلص اے تاں قوم نوں ترقی دی اوس ٹیسی تے اپڑا دیوے گا جتھے اپڑنا  
دوجیاں قوماں لئی اک خواب ای ہووے گا۔ ماسٹر تارا سنگھ ”میری یاد“ اندر بڑی پتے دی گل  
لکھدے نیں:

”میںوں اکالی لہروچ ایہہ تجربہ ہو یا کہ سبھ توں ودھ خطرناک، غیر ذمے دار  
آگو ہوندا اے جس وچ ذمہ داری سر لین دا سبھا نہیں یاں لیاقت نہیں اے  
اوس دے دوسرے گن کئی واراں پٹھے پے جاندے نیں۔ غیر ذمہ دار آگو  
بہت نقصان کردا ہے تے جداوہ نقصان ول ٹر پوے تاں جتنے گن اوس وچ  
ودھ ہوندے ہن، اتنا ہی ودھ اوہ نقصان کردا ہے۔“ (22)

ماسٹر تارا سنگھ کئی سچی گل اپنی آپ بیتی اندر بیان کیتی اے۔ ساڈا سماج سدا توں مذہبی  
حوالے نال رلیا ملیا سماج رہیا اے۔ پنجاب دھرتی تے صدیاں توں دکھ دکھ مذہباں دے مانی اکٹھے  
رہندے آئے تے اک دوجے نال مہر محبت دی سانجھ رکھدے رہے۔

اج بھوویں اسیں مذہبی پکھوں دہشت گردی دا شکار آں پر ساڈے صوفیاں پیار، محبت  
تے امن دی گل کیتی۔ اوہناں سدا لوکاں نوں آپس وچ جوڑی رکھیا۔ اج ایس سانجھ دی ہور وی  
لوڑا اے۔ ایہہ تدمے ممکن اے جے پنجاب اندر پنجابی صوفیاں دے سنیہے نوں عام کیتا جاوے۔  
آپ بیتی اندر تھاں تھاں آپسی سانجھ تے مہر دیاں جھلکیاں دکھالی دیندیاں نیں۔ مہر  
محبت وی پنجابی لوکاں دا بڑا بھرواں ثقافتی پکھ رہیا اے تے اج وی ہے۔ مسلمان ہندو تے سکھ  
استاداں کولوں پڑھدے سن تے ہندو سکھ، مسلمان استاداں کولوں علم حاصل کردے فخر محسوس  
کردے سن۔ سردار سنگھ جوہل ”زنگاں دی گاگر“ وچ ایس حوالے نال لکھدے نیں:

”اتھے میری زندگی وچ اک بہت وڈا پرورتن آیا جتھے سکول وچ اک سکھ  
ماسٹر (اجیت سنگھ، چک 105 رب، پھرالے دا) نے میری زندگی تباہ کرن لئی  
کوئی کسر نہیں سی چھڈی، اتھے اوس سکول وچ اک مسلمان ماسٹر نے میری  
زندگی نوں اک ایسا موڑ دتا کہ میں مُڑ پچھے مُڑ کے نہیں ویکھیا۔“ (23)

انج سانجھ، امن، آتشی تے آپسی محبت نال بھری پنجاب دی ایس دھرتی اندر مذہبی ویکرا  
نہ ہونوں برابر سی۔ اج سماج تیزی نال بدل رہیا اے، سماجی قدراں وچ بدلا آ رہیا اے۔ سیاسی،  
معاشی، علمی، ثقافتی تے ٹیکنالوجی پدھر تے دنو دن ون سونیاں تبدیلیاں نے ساڈا ثقافتی تے سماجی

ڈھانچہ ہلا کے رکھ دتا ہے۔ ارج دی نوں پودنوں اپنے توں پہلیاں بیڑھیاں دیاں قدریں نال کوئی دلچسپی نہیں، سچ جھوٹھ تے جھوٹھ سچ وچ اُگھڑا دسدرا ہے۔ کل دے سماج دیاں نکلیاں نکلیاں قدریں اک وڈی سیانف دا درجہ رکھدیاں سن، ارج اوہ قدریں ای نہیں رہ گئیاں۔

آپ بیتی اندر لکھن والیاں اپنے رسماں رواجیں تے قدریں وچ ہون والے بدلانوں محسوس وی کیتا اے، ہنڈایا وی تے بیان وی کیتا۔ ونگی لئی بس اک ٹپنی ای وکھ لوو۔ رام سروپ آنکھی اپنی آپ بیتی اندر ”اپنی مٹی دے رُکھ“ وچ لکھدے نیں:

”میری بھین میٹھوں بارھاں سال وڈی اے۔ جدوں میں دس بارھاں سالوں داسی۔ مینوں یاد ہے کہ بھین ٹبر ساہمنے نشنگ ہو کے شیشہ نہیں سی ویکھدی۔ ویڑھے وچ کھڑے کدے داتن نہیں سی کردی۔ ایہہ اوہدی اکھ دی شرم سی، پراج میری اپنی ٹیاردھی گرمی دے دناں وچ برٹا پھندی ہے۔ جس نال گوڈیاں توں اُتوں تک لتاں ننگیاں رہندیاں نیں۔ میں اعتراض کردا ہاں ”گڑیئے! شلووار پا کے رکھیا کر۔“

اوہ جواب دیندی اے:

کیہ اے ڈیڈی؟ ایہہ لتاں ای نیں نا! ہو رکیہ اے؟ سرسٹ کے سننا پیندا ہے۔ سانوں بدلدے سمھیا چار نال ٹرنا ہی پیندا ہے۔“ (24)

پنجابی آپ بیتی دا مطالعہ کردیاں سماج دیاں ساریاں پرتاں کھلدیاں نظر آؤندیاں نیں۔ ایس کر کے سچے سچا ای ایہہ آکھیا جاسکدا اے جے پنجابی آپ بیتی اندر پنجاب، پنجاب دی ثقافت، پنجابیاں دا رہن سہن، انکھ، سانجھ، لوک کھیڈاں، سگولوں پورے دا پورا پنجاب جھلکارے ماردا نظر آؤندا اے۔ ایہدے اندر تاریخ وی اے سماجی فلسفہ وی، ادبی رجحانات وی، نفسیاتی پہلو وی، جین مرن وی، دشمنیاں وی تے یاریاں وی۔ پنجاب دے لوکاں دا کھلھاپن وی، ہریالی وی تے سوکے وی۔

حوالے:

1. Jonsan, Dr: Aspects of Biography; 1929, translated S. C. Roberts, Cambridge University. p 33.
2. Kard Backson and Arthur Guns, Thomes Hudson, London, A Readers guide to Literary Terms, p . 21
- 3- محمد طفیل: تصریحات، نقوش، (آپ بیتی نمبر) سالنامہ، شمارہ 100، جلد 1، 1964ء، لاہور۔  
ص 30
- 4- رتن سنگھ جلی، ڈاکٹر: ساہت کوش؛ (پر بھاشک شبد اولی) پنجابی یونیورسٹی پبلی کیشنز بیورو، پٹیالہ،  
2001ء ص 196
- 5- گر چرن سنگھ، ڈاکٹر: سوے جیونی، سدھانت کپکھ، ساہت سماچار دا وارتنک انک، لاہور بک  
شاپ، لدھیانہ، ص 269
- 6- عباد نبیل شاد: پنجابی وچ آپ بیتی دی روایت؛ مقالہ پی ایچ۔ ڈی، پنجاب یونیورسٹی، لاہور  
2009ء ص 15
- 7- ایس ترسیم، ڈاکٹر: کچی مٹی پکارنگ؛ لاہور بک شاپ، لدھیانہ، 2002ء ص 133
- 8- ہرکیرت سنگھ، ڈاکٹر: یاداں گنجی بار دیاں؛ لپی انتر۔ عاشق رحیل، پاکستان پنجابی ادبی بورڈ،  
لاہور، 2007ء ص 176
- 9- ایضاً ص 176
- 10- دارا سنگھ، پہلوان: میری آتم کتھا؛ نوگیگ پبلشرز، دلی، 1990ء ص 27
- 11- شمشیر سنگھ بھرا، ڈاکٹر: وچھوڑے داداغ؛ وچار پبلشرز، ساہیوال، 2008ء ص 142
- 12- ایضاً ص 143
- 13- افضل توصیف: من دیاں وستیاں؛ ادارہ پنجابی زبان تے ثقافت، لاہور، 1999ء ص 20
- 14- شمشیر سنگھ بھرا، ڈاکٹر: وچھوڑے داداغ؛ ص 156
- 15- مہندر سنگھ رندھاوا: آپ بیتی؛ نوگیگ پبلشرز، دلی، 1985ء ص 144
- 16- افضل توصیف: من دیاں وستیاں؛ ص 79



- 17- صاحب سنگھ، پروفیسر: میری کہانی؛ مائی سیوا، سنگھ برادرز، امرتسر، 1977ء ص 46
- 18- ایس ترسیم، ڈاکٹر: کچی مٹی پکارنگ؛ لاہور بک شاپ، لدھیانہ، 2002ء ص 133
- 19- گربخش سنگھ: میری جیون کہانی؛ حصہ اول، نو یگ پبلشرز، دلی، ایڈیشن چھوواں 2006ء ص 105
- 20- ایضاً ص 106
- 21- ہرکیرت سنگھ، ڈاکٹر: یاداں گنجی بار دیاں؛ لپی انتر۔ عاشق رحیل، ص 140
- 22- تارا سنگھ، ماسٹر: میری یاد؛ سنگھ ریلیجنس سوسائٹی، امرتسر، 1945ء ص 82
- 23- سردار سنگھ جوہل: رنگاں دی گاگر؛ چندی گڑھ، لوک گیت پرکاشن، امرتسر، 2004ء ص 31
- 24- رام سروپ آنکھی: اپنی مٹی دے رُکھ؛ لوک گیت پرکاشن، چندی گڑھ، 2004ء ص 50

Khoj  
Research Journal Deptt. of Punjabi  
Language & Literature  
Punjab University Lahore (Pakistan)  
Vol:70, Jan.-June. 2013, pp 55-68

کھوج  
تحقیقی مجلہ شعبہ پنجابی زبان و ادب  
پنجاب یونیورسٹی لاہور (پاکستان)  
جنوری - جون 2013ء، مسلسل شمارہ 70

## اٹھارویں صدی دی صوفیانہ شاعری دا عصری تے تمدنی مطالعہ

ڈاکٹر سعیدہ ممتاز  
اسٹنٹ پروفیسر شعبہ پنجابی،  
گورنمنٹ کالج برائے خواتین، سرگودھا

### Abstract

In this article, the writer focused on the sociological circumstances of 18th century. The socio-political situation of subcontinent was not satisfactory. Many rulers like Mughals, Skikhs, Marhattas, Nadir Shah and Ahmad Shah Abdali had made the lives troubled of people of subcontinents troublesome. Due to which consciousness and uncertainty were rampant. In such situation Sufis didn't only spread peace and harmony but also talked openly against the leaders and upper class people of that era. Because of this, a movement against injustice appeared in public and a kind of consciousness aroused in the masses.

.....

اٹھارویں صدی سیاسی لحاظ نال ہندوستان وچ بد انتظامی، افراتفری تے وحشت و  
بربریت دا دور سی۔ ایس دور نوں جنوبی ایشیا دی تاریخ وچ مسلم اقتدار دے زوال دا دور مٹھیا جاندا

اے۔ کیوں جے اوہ سلطنت جیہدی بنیاد ظہیر الدین بابر نے 1526ء وچ پانی پت دے معرکے بعدوں رکھی سی 1707ء وچ اورنگ زیب عالمگیر دے دنیا توں کنارہ کر جان دے نال ای تیزی نال زوال پذیر ہوندی گئی۔ مغل شہزادیاں نے اپنی ساری قوت راج گدی دے حصول لئی صرف کیتی تے کسے نے وی سیاسی بصیرت تے سوچ بوجھ دا مظاہرہ نہیں کیتا۔ مرکز دی صوبیاں اتے پکڑ ڈھیلی پیندی گئی۔ جیہدے پاروں صوبے دار تے گورنر خود مختار بن گئے۔ حکمراناں دیاں آپسی جنگاں نے سیاسی بد انتظامی نوں جنم دتا۔ جس پاروں اندرونی تے مقامی طاقتاں نے سر چکے شروع کردتے۔ اوہناں وچوں سکھاں تے مرہٹیاں سب توں ودھ غارت گری کیتی۔ نادر شاہ تے احمد شاہ ابدالی دے حملیاں نے رہی سہی کسروی کڈھ دتی۔ دلی دی اٹ نال اٹ وچا دتی گئی۔ لوکاں دا امن و سکون برباد کردتا گیا چھنے اقتصادی ابتری نوں جنم دتا۔ مغلاں دی خانہ جنگی، نادر شاہ دا حملہ، مرہٹیاں دی یلغار، احمد شاہ ابدالی دے حملے تے سکھاں دی غارت گری دی وجہ توں کاروباری تے زراعتی زندگی دا عمل صحت مندی نال ترقی نہ کر سکیا تے اخیر قحط دا سماں پیدا ہو گیا۔ جیہنے ہزاراں وستیاں اجاڑ کے رکھ دتیاں تے ہر پاسے خوف و ہراس پھیل گیا۔ پنجاب قبرستان دا نقشہ پیش کرن لگ پیا۔ ول ڈیورنٹ دے کہن موجب:

”ماضی کی معاشرت کی خرابی اور معیشت کی بد حالی گزشتہ واقعات کا تسلسل ہوتی ہے اور یہ تسلسل اورنگ زیب اور بہادر شاہ ظفر کی حکمرانی میں نمایاں نظر آتی ہے۔ اورنگ زیب کے سخت گیر استبداد کے فوراً بعد ایک ایسا سیاسی زور و جبر تھا جس نے آنے والے ایک سو سالوں تک ہندوستان کے لوگوں کے حوصلے پست کر دیئے اس تانا شاہی روش کے گہرے اثرات رعایا پر کئی برسوں تک اثر انداز ہوتے رہے“ (1)

ملک دی معیشت دا زیادہ تر انحصار کھیتی باڑی اُتے سی۔ خراب سیاسی حالات نے کساناں اُپروی بہت بُرا اثر پایا۔ اس حوالے نال محمد ساقی مستعد خاں لکھدے نیں: کہ ”بندوبست اراضی تے مالیہ وصول کرن دا طریقہ وی ناقص ہون لگا جیہڑے کسان زمین نہ جوتے اوہناں نوں کوڑے مارن دی اجازت دتی گئی۔ ناقابل کاشت رقبہ کاشت نہ کرن والے کسانوں نوں اس دا لگان بھی ادا کرنا پیندا وجہ توں اکثر کساناں نے کاشت کاری دے پیشے نوں خیر باد کہہ دتا تے ملک وچ خوردنی اجناس کی قلت پیدا ہو گئی“، یثوری پرشاد دا کہن اے:

”پنڈاں وچ کساناں دی تعداد اوتنی کسے وبائی مرض نال گھٹ نہیں ہوئی جنی

شاہی پالیسیاں دی سختی پاروں ہوئی، پنڈاں چوں جبری لگان لیا جاندا ،  
 جیہدے پاروں کساناں دی حالت اُکا ماندی ہوگئی ایتھوں تیکر کہ اوہ اپنی  
 اولاد تیکر نوں مہاجن کول گروی رکھ کے روپیہ لے کے لگان اُتار دے۔“ (2)

پنجاب دی اقتصادی تباہی دی اک ہور وجہ برصغیر وچ یورپی مال دا آونا سی۔ یورپ  
 دے صنعتی انقلاب پاروں مشینی مصنوعات پنجاب وچ آئیاں تے ہتھ نال کم کرن والا طبقہ بے کار  
 ہو گیا۔ سکھاں دے ”راکھی ٹیکساں“ تے مرہٹیاں دے ”چھوٹھ“ ورگے غنڈہ ٹیکساں نے لوکاں دا جینا  
 حرام کر رکھ دتا سی۔ ایہناں سارے سبباں کارن پنجاب و اسی کنگال ہو کے رہ گئے سن تے کاشتکار  
 طبقہ ہندو آں کولوں سود لین تے مجبور ہو گیا سی۔ انج پنجاب دی اقتصادی طاقت ہندو مہاجناں دے  
 ہتھ آگئی تے مسلمان معاشی طور تے پسماندہ ہو کے رہ گئے۔

اصل وچ برہمن دی ساری طاقت اوس دی عقل، فہم تے چالاکی ہشیاری اُتے ادھارت  
 سی۔ اوہناں دیاں فرسودہ کاروائیاں نے تمدن نوں ہندوستان وچ مسلمان صوفیاں دی رواداری  
 حوصلہ مندی، بردباری تے انسانیت دوستی نے توڑ دتا۔ اسلام نے کمزور ہندو تمدن نوں اخلاقیات  
 دے جذبے دے نال اک نواں موڑ دے دتا۔ اے۔ اے رضوی ایس پارے آکھدے نیں کہ  
 ”مسلمان صوفیاں دی آزاد خیالی تے انسان دوستی نے ہندو مسلم تعلقات وچ کار اکسارتا لیاون دی  
 اک نویں راہ لہی۔ ایس سلسلے وچ پہل اوہناں صوفیاں نے کیتی جیہڑے ہندواں تے مسلماناں  
 وچکار معاملات نوں ساٹھے طور چلانا چاہندے سن۔ ستارھویں صدی دے آخر تے اٹھارویں صدی  
 دے مڈھ وچ ہندو آں وی ایسے لیہہ اُتے کم شروع کردتا۔ ایہ کم اوہناں صوفیاں نے شروع کیتا  
 جیہڑے ہندو مسلک تے عقیدے بارے نرم گوشہ رکھدے سن۔ اوہناں دا کہن سی کہ شرک تے  
 ایمان وچ کوئی چیز اجہی نہیں جیہڑی کھی طور اُتے آپس وچ ٹکرائی ہووے ایہناں صوفیاں نے  
 وحدت الوجودی نظریہ پیش کیتا تاں بے مسلماناں تے ہندو آں وچکار مذہبی ہم آہنگی تے ثقافتی ہم  
 آہنگی نوں پھیلا ملے،“ (3)

اورنگ زیب عالمگیر دے دنیا توں چلانا کرن مگروں جتھے سیاسی تے اقتصادی حالات  
 دی بربادی پاروں امن و سکون برباد ہو یا۔ اوتھے مذہبی اعتبار نال وی بے راہ روی تے بے دینی  
 پیدا ہوئی۔ آزاد خیالی تے پکے عقیدیاں دے ٹا کرے پاروں کئی مذہبی جھگڑے شروع ہو گئے۔  
 مسلمان عالم تفرقے بازی وچ پے گئے تے مذہبی افراتفری شروع ہو گئی۔  
 سکھاں نے پنجاب تے قبضے مگروں مسلماناں کولوں مذہبی آزادی کھو لئی سی۔ اوہناں

نوں اذان دین دی وی اجازت نہیں سی۔ سکھاں دے ظلماں توں تنگ آکے مسلماناں نے وی اپنا روئیہ بدلایا۔ اورنگ زیب نے ادھی صدی اُتے مشتمل اپنے دور اقتدار وچ اسلام توں اڈ دو جے سارے مذہباں نوں مُکان دی کوشش کیتی اوہنے اپنے صوبیداراں نوں حکم دتا کہ اسلامی سلطنت وچ ہندوواں دے مندراں تے عیسائیاں دے گرجا گھراں دی کوئی لوڑ نہیں ایہناں نوں مُکا دتا جائے۔ عہد مغلیہ دے ایس دور وچ اک پاسے حاکماں ولوں اچھی شدت پسندی دا اظہار ہو رہیا سی تے دو جے پاسے ہندوستان دے مخلوط معاشرے وچ تمام مسلماناں نے اپنے موہِ محبت دے رویے نال برہمنوں ولوں ستائے کمزور طبقیاں نوں رام کر لیا سی جیہڑے برہمنوں دی بالادستی توں نجات دے چاہیوان سن۔ ڈاکٹر تارا چند لکھدے نیں:

”مسلمان چونکہ عالمگیر رواداری کے حامی تھے انہوں نے اپنی صفوں میں ہندوؤں کو جگہ دی۔ سرکاری اور نجی شعبوں میں اُن کو شامل کیا سرکار نے مالگزار کی وصولی کے لئے ہندوؤں کو بھرتی کیا۔ ذات پات اور طبقوں کی اونچ نیچ ختم کر کے مساوی حقوق دیے۔“ (4)

عرب جویں جویں ہندوستان دی دھرتی اُتے فتح مند ہوندے گئے اوویں اوویں اوہ ایہتھوں دی لوکائی نوں نال رلانڈے گئے کیوں جے اوہ جان دے سن کہ غیر مسلماناں نوں نال رلائے بغیر ایڈی وڈی سلطنت اتے شاہی دور نہیں چلایا جاسکدا۔ سواوہناں نے رواداری توں کم لیا۔ اوہدی اک وجہ صوفیاں دا عرب فاتحاں دے نال ایس دھرتی اُتے اوناوی سی کیوں جے محمود غزنوی دے حملیاں توں بعد بہت سارے صوفی بزرگ آئے جہاں ہندوستان وچ اسلامی تعلیمات دا چانن کھڑایا۔ لیکن ذکر جوک گل ایہ وے کہ آپس دی محبت، رواداری تے انسانیت دا پرچار حاکماں ولوں نہیں صوفیاں ولوں ہویا۔ انج ہندوستان دی لوکائی نے سماجی تے نفسیاتی کئی طرح دیاں تبدیلیاں دیکھیاں تے تمدنی ارتقاء نے لوکائی دیاں زندگیاں نوں متاثر وی بہت ساریاں سطحاں اُتے کیتا۔ ول ڈیورائٹ موجب:

”جب ہندی فرمان روائی مغلوں کے ہاتھوں آگئی تو اپنی ثقافت اور تمدن کے اعلیٰ نمونے بھی ساتھ لائے انہیں شمشیر کے ساتھ ساتھ الفاظ سے بھی بہت محبت تھی۔“ (5)

ایہ امر وی دلچسپ اے کہ مغلاں دے عہد وچ اوہناں دے جیہڑے مقام دار الحکومت رہے یاں راج دھانیاں رہیاں اوہتھے مسلماناں دی تعداد گھٹ تے ہندوواں دی بوہتی سی۔ اکبر

بادشاہ دے دور وچ تے غیر مسلماناں تے ہندوواں وچکارنواں تمدنی دور شروع ہو یا لیکن اورنگ زیب دے دور وچ صورتحال اس دے بالکل اُلٹ ہوئی۔ جیہدے نتیجے وچ 30 مارچ 1966ء نوں گرو گوبند سنگھ نے سکھاں نوں 'خالصہ' دے نال اکٹھا کر کے پنجاب وچ مسلماناں دے اقتدار نوں چیلنج کیتا تے اورنگ زیب دی مانٹا دا جوا اپنے موڈھیاں توں لاه سٹیا۔ سکھاں نے اپنے گوروں نوں اپنا حاکم متھدیاں اُس نوں "سچا پاتشاہ" کہنا شروع کردتا۔

مغلاں دی سیاسی طاقت دے کمزور ہون نال ہندوستانی سماج وچ امن چین مکدا گیا تے نفسا نفسی چارے پاسے کھل گئی۔ مقامی تے غیر مقامی امیراں دیاں آپسی لڑائیاں پاروں لوک بے سکون رہندے تے اخلاقی حالات وی وگڑدے گئے۔

اورنگ زیب عالمگیر مگروں مغل حاکماں دی عیاشی نے عام لوکاں تے وی بھیڑا اثر پایا جیہدی وجہ توں لوک مذہب توں دور ہوندے جارہے سن۔ غیر شرعی کم سرعام ہون لگ پئے سن۔ صوفیاں تے عالماں وچ آہڈا لگدا رہندا سی۔ حاکماں دی عیاشی دے کارن مولویاں دے ہتھ مذہبی اقتدار آ گیا سی۔ مذہب وچ ریا کاری تے ظاہر داری ودھ گئی سی۔ ضعیف الاعتقاد لوکاں جھوٹے تے فریبی پیراں، فقیراں تے جوگیاں دی بڑی مانٹا کرن لگ پئی سی۔ پیری مریدی عام ہو گئی سی۔ تعویذ گنڈیاں دی بھر مار نے اسلامی عقائد نوں کھوکھلا کردتا سی۔

حاکماں دے خزانے مقامی تے غیر مقامی طاقتاں نے لٹ لیے۔ سرکاری خزانے خالی ہون دی وجہ توں فوجاں کئی کئی مہینے تنخواہواں نوں ترس دیاں رہیاں۔ سپاہیاں اپنے کپڑے، ہتھیار تے دو جاسامان وچنا شروع کردتا۔ پیٹ دی آگ بجھان لئی کسے نے موت نوں گلے لگا لیا تے کسے نے لٹ ماردا رستہ اختیار کیتا۔ ایہناں خراب حالات وچ وطن فروشی تے ایمان فروشی ورگیاں اخلاقی خرابیاں نوں فروغ ملیا تے لوکاں وچ جھوٹ، مکر، فریب، بے حیائی، بے انصافی، سنگدلی، بددیانتی تے رشوت ورگیاں بھیڑیاں برائیاں نے جڑ پھڑی۔ نفسا نفسی دے مارے ایس معاشرے وچ اخلاقی حالت اپنی خراب ہو چکی سی کہ سکے رشتے دار وی اک دوجے واسطے دشمنان توں بدتر ہو گئے سن۔ V.D Mahjan ایس صورتحال بارے لکھدے نیں:

The Political instability in the country after the death of Aurangzeb had its effect on the social, religious and economic condition of the people. For a long time, there was Practically no authority, no administration no law

and no security in vast areas of the country. Anarchy was the order of the day. The strong prevailed over the week. The indians had vey bad time in every way.<sup>(6)</sup>

معاشی سیاسی ریشہ دوانیاں تے باہر لی طاقتاں دے حملیاں پاروں بھاریں اٹھاریں  
صدی دے پنجاب نوں گھٹ ای سکھ داساہ ملیا۔ پرفیروی تہذیبی تے ثقافتی لحاظ نال ایہہ دور بڑی  
نمایاں حیثیت داما لک اے۔ ایس دور وچ مغل حکمراناں نے بے شمار عمارتاں، مسجدیں، چوک تے  
بازار بنوائے کئی حویلیاں وی تعمیر ہونیاں پر سکھاں دے حملیاں وچ اوہ برباد ہو گئیاں۔ علمی تے  
ادبی حوالے نال وی نمایاں کم ہو یا ایس دور وچ پنجابی اُپر فارسی، عربی دا ڈھیر اثر وی نظر انداز  
آؤندا اے۔ جیہدے نال لفظی بھنڈار وچ اضافہ ہویا تے ادبی زبان نوں نواں انداز ملیا۔ بلھے  
شاہ، وارث شاہ، علی حیدر ملتانی، ہاشم شاہ نے ادب وچ نویں روح پھونکی۔

بہت ساریاں صفحاں دا دان پردان ہویا۔ پنجابی شاعری وچ سی حرفیاں، کافیاں،  
چوہڑی نامے، دوہڑے، اٹھوارے، فقر نامے، واراں، چومصرے، باراں ماہ تے سلام لکھے گئے۔  
اٹھاریں صدی وچ پنجابی ادب وچ جو کجھ لکھیا گیا اوہنے آن والے دوراں تے بڑے انمٹ نقش  
چھڈے۔ خاص طور تے عصری صورتحال نوں بے باکی نال موضوع بنان دی روایت پکیری ہوئی۔  
ایس دور دے پنجابی ادب نوں پڑھ کے ایہہ اندازہ لانا اوکھا نہیں رہندا کہ پنجاب وچ اوس ویلے  
توں لے کے جیہڑی جاگرتی رہی اے اوہنے اگے چل کے انگریزی دور وچ اپنا آپ منوایا۔ ایہہ  
دراصل ایہناں صوفیاں تے پنجابی باشعور لکھاریاں دیاں کوششاں دا ای نتیجہ سی۔

اٹھاریں صدی سیاسی، سماجی، کچھوں تباہی، بربادی تے وحشت و بربریت دا نمونہ نظر  
آندی اے۔ ایہدے وچ مسلم اقتدار دا زوال پذیر ہونا، انتشار تے عدم استحکام، مذہبی منافرتاں،  
حکمراناں دی رعایا پروری ولوں غفلت، درباری سازشاں، باہر دے دھاڑویاں دی لٹ مار،  
ظالمانہ طبقاتی نظام، علماء تے مشائخ دی بے حسی تے جمود پسندی، خود غرضی، بے اتفاقی تے تنگ  
نظری جیہیاں منفی قدراں دا غلبہ سی۔ مایوسی تے بے زاری دی فضا سی۔ وارث شاہ، بلھے شاہ، علی  
حیدر ملتانی، ہاشم شاہ ہوراں ایہناں حالات نوں اپنیاں اکھاں نال ویکھیا تے اپنے اپنے انداز وچ  
اٹھاریں صدی دے ایہناں حالات نوں اپنی شاعری وچ بیانیا۔

سماجی پسماندگی تے مذہبی و معاشی اجارہ داری دی جنی ننڈیا بلھے شاہ ہوراں کیتی جہاں  
چوٹاں تے طنز لکھے شاہ نے ایہناں دھڑیاں اُپر کیتے تے امتیازی سلوک خلاف آواز چکی اوہ

اوہناں داہی خاصا اے:

بُکھا شوہ ہُن کیا بتاوے جو دے سولڑدا  
لت بِلتی گت بگتی کوئی نہیں ہتھ پھڑ دا (7)

دیکھو کہی قیامت آئی آیا خرد جال  
کپوری ریوڑی کیونکر لڑے پتا سے نال (8)

سانویں دے کے نویں سوائی  
وعدیاں دی توں باری لائی  
مسلمانی ایہ کتھوں آئی  
ایہ تیرے کردار

نِت پڑھائیں استغفار (9)

ملاواں دے منافقانہ رویاں پاروں وارث شاہ نے اوہناں نوں ”فاسق“ آکھیا حاکی  
دے ظلم دے خلاف آواز چلکی۔ خواص طبقہ جیہڑا گھٹ وسیلے والیاں نوں کمتر تے کمین آ لے فتوے  
دینداسی۔ وارث شاہ اوس طبقے توں شدید نفرت دا اظہار کردا اے:

مجلس لائیکے کرن حرام ایگا، ہتھ ظالماں تیر تلوار ہوئی  
صوبیدار نہ حاکم نہ شاہ کوئی، ملک رعیت ناں سب اُجاڑ ہوئی  
پیا مُلک دے وچ ہے بڑا رولا، ہر کسے دے دست کٹار ہوئی  
چور چودھری تے یار پاک دامن، بھوت منڈی اک دوچار ہوئی  
وارث شاہ جہاں نے آکھیا پاک کلمہ، بیڑی تہاں دی عاقبت پار ہوئی (10)  
اٹھارویں صدی دے پر آشوب دور بارے لکھے شاہ فرماندے نیں:

درد کھلا حشر عذاب دا

برا حال ہو یا پنجاب دا

سانوں ہاویہ دوزخ ساڑیا

کدی آمل یار پیار یا (11)

سید وارث شاہ نواب عبدالصمد خاں دلیر جنگ بہادر کے ابتدائی

دور نظامت میں پیدا ہوئے۔ یہ وہ زمانہ تھا جب جموں سے لیکر سہارنپور تک



تمام علاقہ بندہ پیراگی کے ہاتھوں تباہ ہو چکا تھا اُسکے ظالم ہاتھوں سے بڑے بڑے علمی اور روحانی مراکز برباد ہو چکے تھے اور مشرقی پنجاب کے بیشتر علمی و روحانی خانوادے جو مسلمانوں کی عظیم روایات کے حامی تھے، صفحہ ہستی سے مٹ چکے تھے۔ پنجاب کے مسلمانوں کی معاشی اور سماجی حالت بڑی حد تک خراب ہو چکی تھی اور ان کی اکثریت نان شبینہ کے لئے محتاج ہو رہی تھی۔

(11)

مغلاں زہر پیالے پیتے

بھوریاں والے راجے کیتے

سب اشراف پھرن چپ کیتے

بھلا اوہناں نوں جھاڑ پائی (12)

اٹھارویں صدی وچ اک پاسے غیر ظلماں دے پہاڑ توڑ رہے سن تے دوجے پاسے اپنیاں دے خون سفید ہو گئے سن بلھے شاہ نے ایہہ حالت دیکھی تے کرلا اٹھے:

اپنیاں وچ الفت ناہیں

کیا چاچے کیا تائے

الٹے ہور زمانے آئے

کاں لگڑاں نوں مارن لگے

چڑیاں جرے کھائے

الٹے ہور زمانے آئے (13)

اٹھارویں صدی وچ کوئی اک مستحکم حکومت نہ ہون دی وجہ توں ہر کوئی لگا داء لارہیاسی۔ طاقتور کمزوراں تے ظلم کردے سن۔ بلھے شاہ ہوریں اک ہور تھاں فرماندے نیں:

جدوں آپو اپنی پے گئی

دھی ماں نوں لٹ کے لے گئی

منہ بارھویں صدی پساریا

سانوں آمل یار پیاریا (14)

ڈھوم، ڈھاڈی تے نچلے طبقے دے خوشامدی لوک طاقتور بن بیٹھے سن تے حق داراں کولوں اوہناں دا حق کھوہن لگ پئے سن۔ وارث شاہ وی ایسے عہد دے عینی شاہد نیں جنہاں ”ہیر“

وچ اپنے دور دی پوری عمرانی تاریخ نوں بیان کردتا اے۔ آکھدے نیں:  
 ع ساک ماڑیاں دے کھوہ لین ڈاہڈے ان تچ دے اوہ نہ لولدے نی  
 اوس دور وچ لوک اپنے معاشی حالات توں تنگ آکے فقیراں دا ویس اختیار کر کے لوکائی  
 نوں وی لٹ رہے سن۔ ایس گل دا اندازہ وارث شاہ دی ”ہیر“ دے ایہناں شعراں توں لایا  
 جاسکدا اے کہ ہتھ پیر ہلائے بغیر چوکھا کھان نوں وی ملے گا تے فقیراں وچ وی ناں ہووے گا:

منگ کھاوون کم نہ کاج کرنا نہ کجھ چارناں تے نہیں چووناں جے  
 ذرا کن پڑا نیکی سواہ ملنی گوروسارے ہی جگ دا ہووناں جے  
 نہ دیہاڑی نہ کسب روزگار کرنا بادشاہ پھر مفت دا ہووناں جے  
 ویکھو ایس زمانے دے پیر یارو کردے مکر سب گور وگھنٹال دے نے  
 خوشیاں نال فریب دا پہن جامہ گھنٹن بالکے وچ بھونچال دے نے (17)  
 وارث شاہ اوس دور وچ ہون والیاں نا اتفاقیوں توں وی پردہ چکدے نیں:

ع گن ماڑیاں دے سبھے ریہن وچ ماڑے ماڑیاں تے دکھ پھولدے نی (18)  
 اٹھارویں صدی دے سماج وچ بے ایمانی، رشوت تے لٹ مار وریاں اخلاقی برائیاں  
 عام سن۔ بلھے شاہ اوس دور دی ایہناں اخلاقی برائیاں بارے فرماندے نیں:  
 ع بلھیا قاضی راضی رشوتے ملاں راضی موت

انصاف نوں زردی نکڑی وچ تولیا جاندا سی۔ عدالتی نظام تے پرہیہ پنچائت دی حالت  
 وارث شاہ انج بیان کردے نیں:

حضرت قاضی تے پینچ سدا سارے بھائیاں زمین نوں کچھ پوایا اے  
 وڈھی دے کے بھوئیں دے بنے وارث بنجر زمین رکھٹھے نوں آیا اے (19)

اوس دور وچ ہر بندے واسطے ترقی کرن لئی امکان موجود نہیں سن۔ امیر امیر تے غریب  
 غریب تر ہوندے جارہے سن۔ غریب لوک ایہدے باوجود احتجاج نہیں کردے سن۔ حاکماں  
 دیاں آپسی لڑائیاں پاروں لوک سہمے ہوئے سن۔ ڈر پاروں کسے نوں بولن دی جرات نہیں سی  
 ہوندی۔ بلھے شاہ آکھدے نیں:

بلھا قصر قصور ہے  
 اوتھے مونہوں نہ سکن بول  
 اوتھے سچے گردن ماریئے

اوتھے جھوٹے کرن کلول (20)

امیر لوک طبقاتی اونچ نیچ دی وجہ توں ہر طرح آزاد سن تے غریب غربت دا جرم لے  
کے ہر طرح دی ذلت برداشت کردے سن۔ اوس دور وچ جھوٹ، مکر تے فریب ورگیاں برائیاں  
لوکاں وچ جڑ پکڑ رہیاں سن۔ حق سچ دی گل سنن واسطے کوئی تیار نہیں ہوندا سی۔ سگوں ہر بندہ  
جھوٹھاں تے فریباں اتے پادینداسی۔ وارث شاہ آکھدے نیں:

ع جاہل فاسق ہن جگ نوں مت دیندے دانشمند دی مت خوار ہوئی

ع حق سچ دی گل نہ کرے کوئی جھوٹھ بولنا رسم سنسار ہوئی (21)

بلھے شاہ ہوریں ایسے حوالے نال فرماندے نیں:

جھوٹھ آکھاں تے کجھ نیچ دا اے

سچ آکھاں بھانیر نیچ دا اے (22)

وارث شاہ ہوریں اوس دور دے جھوٹھے پیراں تے عالماں دی بے عملی نوں انج بیان  
کردے نیں:

داڑھی شیخ دی عمل شیطان والے کیہا رانیوں جاندیاں راہیاں نوں

اگے گڈھ قرآن تے بہیں منبر کہیا اڈیو مکر دیاں پھاہیاں نوں

وارث شاہ وچ حجریاں فعل کردے ملاں جو ترے لاوندے واہیاں نوں (23)

جدوں حاکم تے عالم جھوٹھے، دغا باز، فریبی تے مطلب پرست ہو جان فیرا گوں عوام

وچ اپنے آپ ایہہ برائیاں آجاندیاں نیں۔ اوہ سچ نوں برداشت نہیں کردے تے نہ ای کوئی سچ

کول رہندا اے۔ بلھے شاہ ہوریں آکھدے نیں:

سچ سن کے لوک نہ سہندے نی

سچ آکھیے تاں گل پیندے نی

پھر سچے پاس نہ بہندے نی

سچ مٹھا عاشق پیارے نوں

چپ کر کے کریں گزارے نوں (24)

علی حیدر ملتانی ہوراں جدوں اپنی شعور دی اکھ کھولی تے پینڈ ووسیب دی لوکائی نوں

انھیاں، عقیدیاں تے وہاں وچ رُجھیا ہو یا پایا۔ تے ملاں تے قاضی نوں ظاہر پرستی تے ہوس

پرستی وچ پُرجیا تے ہیر رانجھے دی رمز والے نہ صرف اپنی داخلی کیفیت تے حالت بیانی سگوں

وسیب دی حالت وی سمجھائی:

کھیڑے نوں پُر کھیڑے نہ کر چھوڑ دے قاضی  
 بکھڑے ولے عشق تھوں جمیا شرع قاضی  
 کھاوے نہیں انیڑے ولے درشن تیرے نے  
 درس بھلائے مُلاں مفتیاں قاضیاں نوں مُلاں قاضی  
 ہو ہو راضی، ان بن جوڑ سناوندے نی علی حیدر  
 ملاں مسئلے کر کر میڈا من پرچاوندے نی (25)

علی حیدر ہوراں اپنے تاریخی تے سماجی پچھوڑ وچوں اپنے شعور تے فکر والی آگہی پائی  
 قتل و غارت، ظلم و بربریت جس نے اوس ویلے دی مرکزی حکومت نوں اُکا برائے نام کردتاسی۔  
 اوس صورت نوں ویکھ کے اوہ زاریاں کردے نیں:

زیر زبر کر شہر لُئیدے درد منداں نال وعدہ اے  
 حیدر آکھے مہر پچھوے، واسطہ نام خدا دا اے (26)  
 نادر شاہ دے ظلم تے جبر دے خلاف آواز چلدا یاں آکھدے نیں:

ایہ ایرانی نادر ظالم کوہیندے مول نہ سنگدے نی  
 دل دی دلی لٹ لیونیں حیدر ہور کیہ ساتھوں منگدے نی (27)  
 حاکماں دی عیاشی تے بے حسی اتے دھاڑوریاں دی قتل و غارت گری دے گرم بازار  
 تے بے قصور لوکاں بارے نوحہ کردیاں لکھدے نیں:

بھی زہر نہیں جو کھا مرن، کجھ شرم نہیں ہندوستانیوں نوں  
 کیا حیا انہاں راجیاں نوں کجھ لُج نہیں تورانیاں نوں  
 بھیڑے بھر بھر دیون خزانے فارسیاں خراسانیاں نوں  
 وچ چھونیاں دے تک بڈ وچے، لہو نہ ودھیاپانیاں نوں (28)  
 ہاشم شاہ اوس دور دی سیاسی حالت دا نقشہ انج کھچیا اے:

کہہ سن حال حقیقت ہاشم ہن دیاں بادشاہاں دی  
 ظلموں کوک گئی اسمائیں دکھایا زور دلاں دی  
 آدمیاں دی صورت دسدے راکھش آدم خورے  
 ظالم، چور، پلیت، زناہی خوف خدائیاں کورے (29)

بیرونی حملہ آوراں دے نال نال حکمراناں دا ظلم وی حدوں ودھ سی۔ اک پاسے دھاڑ وی تے دو جے پاسے حاکم۔ ایہناں دوواں نے رل کے لوکائی داسکھ چین کھوہ لیا سی۔ تے محنت کشاں دی کوئی عزت نہیں سی کردا۔ بقول خواجہ فرد فقیر:

ح: حاکم ہو کے بہن گالیچے بہتا ظلم کماندے  
مختناں نوں کمی آکھن خون اوہناں دا کھاندے<sup>(30)</sup>

گل ایہہ وے کہ دنیا دی کسے وی زبان دا ادب ہووے، اوہ خلا وچ تخلیق نہیں ہوندا۔ اوہدے وچ اپنے ماحول دے سیاسی، اخلاقی، معاشی تے تہذیبی اثرات اپنے آپ آجاندے نیں۔ ایہہ اثرات سدھے سادے انداز نال وی واضح ہوندے نیں تے کدے رمزیاں تے کنایاں دے ذریعے پڑھن والیاں تیکر اپڑ دے نیں۔ پنجابی ادب نوں وی ایہہ فخر حاصل اے کہ ایہہ وی مڈھ توں ای داخلی تے بیرونی حقیقتاں دا ترجمان رہیا اے۔ خاص طور تے وڈے صوفی شاعر جیہناں بارے بظاہر انج لگدا اے کہ اوہ دنیا وی بکھیڑیاں توں دکھ ہو کے ایہناں جھونپڑیاں وچ اللہ اللہ کردے رہندے سن۔ اوہناں اتے غور کریے تے اندردی صورتحال مختلف جا پدی اے۔ اٹھارویں صدی دے اہم صوفی شاعراں وارث شاہ، بلھے شاہ، علی حیدر ملتانی تے ہاشم شاہ ہوراں دی شاعری وچ بالواسطہ تے بلاواسطہ انجیہ اشارے موجود نیں جیہدے توں ایہہ پتہ لگدا اے کہ ایہہ صوفی درویش اپنے ویلے دے حالات بارے بہت ڈونگھا مشاہدہ رکھدے سن۔ ایس مشاہدے راہیں ہی اوہناں لوکائی نوں جگایا تے اوہ جاگرتی دتی جیہڑی صدیاں توں اوہناں لئی دیوے دے چانن وانگ اے تے صدیاں تیکر لو دیندی رہوے گی۔

## حوالے:

- 1- ول ڈیورنٹ: ہندوستان؛ ترجمہ! طیب رشید، تخلیقات، لاہور، 2000 ص 602
- 2- ایٹوری پرشاد: نیوہسٹری آف انڈیا؛ انڈین پریس، الہ آباد، 1936ء ص 833
- 3- A.A Rizwi: History of Sufism in India; Dehli 1978 Pg, 335
- 4- ڈاکٹر تارا چند، ڈاکٹر: تمدن ہند پر اسلامی اثرات؛ ترجمہ، محمد مسعود احمد، مجلس ترقی ادب، لاہور، 1964 ص 223
- 5- ول ڈیورنٹ: ہندوستان؛ ص 245
- 6- V.D. Mahjan. Mughal Rule in India. Society and Culture in the Eighteenth Century. Chapter XV، P327
- 7- آصف خاں، محمد: آکھیا بلھے شاہ نے؛ پاکستان پنجابی ادبی بورڈ، لاہور، 1999ء، ص، 121
- 8- آصف خاں، محمد: آکھیا بلھے شاہ نے؛ ص، 130
- 9- آصف خاں، محمد: آکھیا بلھے شاہ نے؛ ص، 130
- 10- عبدالعزیز: ہیرو وارث شاہ؛ عزیز بک ڈپو، لاہور، 1995ء، ص 139
- 11- آصف خاں، محمد: آکھیا بلھے شاہ نے؛ ص، 118
- 12- آصف خاں، محمد: آکھیا بلھے شاہ نے؛ ص، 93
- 13- آصف خاں، محمد: آکھیا بلھے شاہ نے؛ ص 150
- 14- آصف خاں، محمد: آکھیا بلھے شاہ نے؛ ص 207
- 15- عبدالعزیز: ہیرو وارث شاہ؛ ص 73
- 16- محمد اسلم پروفیسر: سید وارث شاہ کے عہد میں پنجاب کی سیاسی حالت؛ Journal of the Punjab University Lahor، ص 68
- 17- عبدالعزیز: ہیرو وارث شاہ؛ ص، 73
- 18- عبدالعزیز: ہیرو وارث شاہ؛ ص 142
- 19- عبدالعزیز: ہیرو وارث شاہ؛ ص، 186
- 20- آصف خاں، محمد: آکھیا بلھے شاہ نے؛ ص 118
- 21- عبدالعزیز: ہیرو وارث شاہ؛ ص 201

- 22- آصف خاں، محمد: آکھیا بلھے شاہ نے؛ ص 105
- 23- عبدالعزیز: ہیر وارث شاہ؛ ص 201
- 24- آصف خاں، محمد: آکھیا بلھے شاہ نے؛ ص 131
- 25- کلیات علی حیدر؛ پاکستان پنجابی ادبی بورڈ، لاہور ص 123
- 26- کلیات علی حیدر؛ پاکستان پنجابی ادبی بورڈ، لاہور ص 68
- 27- کلیات علی حیدر؛ پاکستان پنجابی ادبی بورڈ، لاہور ص 110
- 28- کلیات علی حیدر؛ پاکستان پنجابی ادبی بورڈ، لاہور ص 133
- 29- کلیات علی حیدر؛ پاکستان پنجابی ادبی بورڈ، لاہور ص 117
- 30- خواجہ فرد فقیر، دریائے معرفت، اللہ والے کی قومی دکان، لاہور، ص 9

Khoj  
 Research Journal Deptt. of Punjabi  
 Language & Literature  
 Punjab University Lahore (Pakistan)  
 Vol:70, Jan.-June, 2013, pp 69-76

کھوج  
 تحقیقی مجلہ شعبہ پنجابی زبان و ادب  
 پنجاب یونیورسٹی لاہور (پاکستان)  
 جنوری - جون 2013ء، مسلسل شماره 70

## حضرت سلطان باہوتے شیخ سعدی شیرازی دے فلسفہ عشق وچ فکری مماثلت

ڈاکٹر محمد اقبال ثاقب

استاد شعبہ فارسی، جی سی یونیورسٹی لاہور

ڈاکٹر محمد اقبال شاہد

پروفیسر شعبہ فارسی، جی سی یونیورسٹی لاہور

Hazrat Sultan Bahu Ty Sheikh Saadi Seirazi Dy

Falsfa-e-Ishq Vich Fikri Mamaslat

### Abstract

Among the topics of poetry and prose, "Ishq" (immortal love) is considered as an important topic. All poets and writers have adorned thier writings with different aspects of "Ishq". Some poets wrote about Divine love and some about worldly love. Some analyzed and compared Ishq and wisdom and determined the place of both. Likewise, some poets and writers described lover's misery and patience and lovers' liking for annihilation. In this article similarities of



thoughts of Hazrat Sultan Baho (RH) and those of Saadi Shirazi, regarding various facets of "Ishq" have been discussed.

کسے وی ہنرمند اتے فنکار دے فن پارے وچ جس چیز دی مہک حدوں ودھ کے اتے گُوڑھی ہوندی اے، اُس نوں عشق آکھدے نیں۔ عشق دے بارے وچ بہت سارے لکھاریاں اتے شاعراں نے اپنیاں کتاباں وچ اپنے خیالات دا اظہار کیتا اے۔ ایس مقالے وچ دو بزرگ شاعراں دے فلسفہ عشق وچ فکری مماثلت نوں موضوع بنایا گیا اے۔ ایناں وچوں اک دا تعلق ساڈی ایس دھرتی (موجودہ پاکستان) نال اے۔ ایناں داناں حضرت سلطان باہو اے جیہڑے قلعہ شورکوٹ وچ 31-1627ء دے درمیان پیدا ہوئے۔ ایہہ پنجابی اتے فارسی دے بڑے مشہور صوفی شاعر اتے لکھاری نیں۔ ایناں دا وصال 1690ء وچ ہویا۔

دو بے بزرگ شاعر اتے لکھاری داناں مشرف الدین مصلح بن عبداللہ سعدی اے جینہاں ایران دے شہر شیراز وچ اکھ کھولی اتے 690 توں 695ھ دے دوران فوت ہوئے۔ ایناں دی درست تاریخ ولادت معلوم نہیں۔<sup>(2)</sup>

ایس مقالے وچ عشق حقیقی، عشق مجازی، عقل و عشق، عاشق دی فنا پسندی اتے زبان بندی دے موضوعات اُتے حضرت سلطان باہو اتے شیخ سعدی شیرازی دے خیالات تے بحث کییتی گئی اے۔

### عشق حقیقی:

مناسب معلوم ہوندا اے کہ سب توں پہلاں ایہہ دیکھیا جائے کہ ایناں دونوں بزرگ شاعراں نے عشق حقیقی دے بارے وچ کس طرح دے خیالات دا اظہار کیتا اے۔ حضرت سلطان باہو فرماندے نے، اے بندیا سوہنا اللہ تینوں مل سکدا اے پر شرط ایہہ ہے کہ تینوں اپنی جان دی بازی لاونی پئے گی اتے عشق خدا وچ مست ہو کے ہو ہو پکارنا پئے گا۔ باہو، اللہ دے ناں دے تصور نوں اپنے ساہ دے نال پابند کر، تاں بے جدوں ذات دے نال ذات مل جائے تے پھر ”باہو“ نام سداویں ایہاں:

یار یگانہِ مِلّسی تینوں ، سر دی بازی لائیں ہو

عشق اللہ وچ ہو مستانہ ہو سدا الائیں ہو

نال تصور اسم اللہ دے دم نوں قید لگائیں ہو

ذاتے نال جاں ذاتی رلیا، باہو نام سدائیں ہو (3)

شیخ سعدی نے وی عشق حقیقی دے بارے انج دے ای خیالات دا اظہار کیتا اے،  
فرماندے نے، محبوب حقیقی دے عشق وچ عاشق نوں اپنی جان توں گزرنا پیندا اے، اتے اپنے  
حبیب دے ذکر وچ ایس دنیا توں ہتھ دھونے پیندے نیں۔

بہ سودای جانان ز جان مشتعل

بہ ذکر حبیب از جہان مشتعل (4)

فیر اک ہو شعروچ سعدی جان دی بازی دا ذکر کجھ ایس طرح کردے نیں۔ شعر:

عاشقان گشتگان معشوقند

بر نیاید ز گشتگان آواز (5)

یعنی عاشق معشوق دے مارے ہوئے نیں۔ مریاں ہو یاں دی آواز نہیں نکلدی۔ اک ہورتھاں  
تے سلطان باہو کہندے نے، وحدت دے سمندر وچ جدوں عاشق تاریاں لپیندے نے، تے اوہ  
مار مارٹیاں اُس دے وچوں موتی کڈھدے نیں۔ شعر:

وحدت دا دریا الہی، عاشق لپیندے تاری ہو

مارن ٹبیاں کڈن موتی آپو آپنی واری ہو (6)

ایس طرح دا مضمون سعدی کجھ انج بیان کردینے۔ شعر:

خوشا! وقت شوریدگانِ غمش

اگر زخم بینند وگر مرہمش (7)

یعنی آفرین اوہناں اوہناں خوش نصیباں دی زندگی تے جیڑے عشق خدا وچ بتلا نیں تے اوہناں  
واسطے زخم تے مرہم دونویں برابر نیں۔

عشق مجازی:

حضرت سلطان باہو نے عشق مجازی نوں تلکن بازی اتے ایس دے وچ پھسن والے

نوں روزِ حساب ناکامی دی وعید سنائی اے۔ لکھدے نیں: شعر:

عشق مجازی، تلکن بازی، پیر اوئے دھردے ہو

اودہ شرمندے ہوسن باہو اندر روز حشر دے ہو (8)

سعدی ہوراں وی عشقِ مجازی نوں انسان دے صبر و آرام دا دشمن اتے فتنہ فساد قرار دتتا اے۔ کہندے نیں، اگر تُوں اپنے ورگے مٹی دے انسان نال یعنی مجازی چیز نال عشق کریں گاتے ترے دل داصبر و آرام غارت ہو جائے گا۔ اتے تیرے اندر اچھے مجازی عشق دا جاگنا ترے واسطے کے فتنے توں گھٹ نہیں۔ اتے مجازی عشق دے خواب دی حقیقت سوائے خیالاں وچ گھرن دے ہور کجھ نہیں۔ اشعار:

تُر عشق ہچون خودی ز آب و گل

رباید ہی صبر و آرامِ دل

بہ بیداریش فتنہ بر خد و خال

بہ خواب اندرش پای بند خیال (9)

### عقل و عشق:

عشق اتے عقل دی بحث بڑی پُرانی تے دلچسپ اے۔ بہت سارے شاعران نے ایس بحث نوں اپنے کلام دا حصہ بنایا اے۔ حضرت سلطان باہو ہوراں وی ایس بحث وچ اپنا حصہ پایا اے۔ فرماندے نے، عقل اتے عشق دے درمیان کئی کوہاں دا فاصلہ اے۔ جیہڑے عشق نوں چھڈ کے عقل ول تُوں جانندے نے اوہناں واسطے دوہاں جہاناں وچ ناکامی اے۔ شعر:

عشق عقل وچ منزل بھاری، سیناں کوہاں دے پاڑے ہو

جیہناں عشق خرید نہ کیتا، دوہیں جہانیں مارے ہو (10)

شیخ سعدی وی عقل و عشق دی بحث وچ حصہ لیندیاں ہوئیاں فرماندے نیں۔ اشعار:

مرد را راه بہ حق عقل نماید یا عشق

این در بستہ تو بکشای کہ بابی ست عظیم

عقل را فوق تر از عشق توان گفت؟ بگو

چون ترا روز و شب این هر دو حریفند و ندیم (11)

یعنی کسے نے مینوں پچھیا کہ حق ول رستہ عقل و کھاندی اے یا عشق؟ جواب وچ سعدی نے پچھن والے نوں کہا۔ کہ توں ذرا دس کہ عقل نوں عشق توں اگے آکھیا جاسکدا اے کیوں جے ایہہ دونوں دن تے رات دی طرح اک دوسرے دے حریف وی نیں اتے ساتھی وی یعنی ایہہ دونوں نال نال وی نے مگر اک دوجے نوں مل نہیں سکدے۔ گویا ایہہ دونوں بزرگ عشق نوں عقل تے ترجیح دیندے نیں۔

عاشق دی سوز اتے فنا پسندی:

حضرت سلطان باہو عشق دے وچ سوز اتے فنا دے قائل نیں۔ لکھدے نیں، اشعار:

عشق دی بھاہ ہڈاں دا بالن، عاشق بیٹھ سکیندے ہو

گھت کے جان جگر وچ آرا، وکھ کباب تلیندے ہو (12)

یعنی عشق اک آگ اے، اتے ہڈیاں ایس دا بالن نہیں، عاشق ایس آگ نوں سیکدے پے نیں۔ اتے اپنی جان اتے جگر نوں چیر کے اتے قیمہ کر کے، کباب تلدے پے نیں:

عشق جیہناں دے ہڈیں رچیا، رہندے چپ چپاتے ہو

لوں لوں دے وچ لکھ زباناں، پھر دے گنگے باتے ہو (13)

عشق جیہناں دی ہڈیاں وچ رچ گیا اے، اونہاں نے اپنے ہونٹ تے چپ داروزہ رکھ لیا اے، اتے لوں لوں وچ لکھاں زباناں دے باوجود گنگے ہو کے پھر دے نیں۔

شیخ سعدی نے وی عاشق دے سوز تے فنا پسندی نوں اک پروانے دی دلچسپ تمثیل دی شکل وچ اس طرح بیان کیتا اے کہ کسے نے پروانے نوں آکھیا کہ تُوں عشق کسے اپنے ورگے نال لایینی تُوں اک ماڑ کو جیہا کیڑا ایں اتے شمع ساڑ کے سواہ کرن والی۔

پروانہ جواب وچ بولیا کہ اگر میں اپنے معشوق واسطے سڑ کے سواہ ہو جانواں تے اہدے وچ کوئی عجیب گل نہیں۔ میرے دل وچ حضرت ابراہیم ورگی آگ اے اتے ایہہ آگ دے بھانہڑ میرے واسطے پھلاں طرح نیں۔ موت وی تے مینوں اک دن مارای دینا اے، تے کیا ایہہ چنگا نہیں کہ میں اپنے معشوق ہتھوں مرجانواں، اشعار:

کسی گفت پروانہ را کای حقیر

برو دوستی در خورِ خویش گیر  
نگہ کن کہ پروانہ سوزِ ناک  
چہ گفت، ای عجب گر بسوزم چہ باک  
مرا چون خلیلِ آتشی در دل است  
کہ پنداری این شعلہ بر من گل است  
اجل ناگہی در کمینم گُشد  
ہمان بہ کہ آن نازنینم گُشد (14)

### زبان بندی تے صبر دی تلقین:

حضرت سلطان باہو نیاپنے کلام وچ جگہ جگہ عشق دی وادی نُون پتھریلی کنڈیاری قرار  
دیندیاں ہونیاں عاشق نُون زبان بندی تے صبر دی تلقین کہتی اے، اشعار:  
گلہ ، اُلاہا ، بھنڈی ، خواری ، یار دے پاروں سپہے ہو  
قادر دے ہتھ ڈور اساڈی، جیوں رکھے تیوں رہیے ہو (15)

عاشق ہوویں تے عشق کماویں ، دل رکھ وانگ پہاڑاں ہو  
لکھ لکھ بدی ، ہزار اُلاہے ، جانیں باغ بہاراں ہو (16)

پُٹ پُٹ اٹاں وٹے مارن ، درد مندان دے کھوری ہو  
راز ماہی دا جانن عاشق باہو ، کی جانن لوک اتھوری ہو (17)  
شیخ سعدی نے وی عشق دے میدان دیاں سختیاں دا بڑا گھل کے ذکر کیتا اے تے  
فرماندے نیں، عاشق ہمیشہ دکھاں دی شراب پیندے نیں اتے اگر اوہ سختی دیکھن تے اپنے بلکھاں  
نُون سیوں لیندے نیں، شعر:

دما دم شراب الم در کشند  
وگر تلخ بیند دم در کشند (18)

فیر آکھدے نیں، عاشق اپنے محبوب دی یاد وچ جیہڑا صبر کردے نیں تے اوہ اوہناں لئی کوڑا ہون  
دی تھاں کھنڈ وانگوں مٹھا ہوندا اے، شعر:

نہ تلخ است صبری کہ بر یادِ دوست  
کہ تلخی شکر باشد از دستِ دوست (19)

ایہناں مثالوں توں ایہہ چیز بڑی وضاحت نال ثابت ہوندی اے کہ حضرت سلطان  
باہو اتے شیخ سعدی دے فلسفہ عشق وچ بڑی گورھی مماثلت موجود اے۔ کیوں جے سیانے  
آکھدے نے ”پی عظیم انسان اکو جیہہ سوچدے نیں“، ”Great people think alike“۔

O

### حوالے:

- 1- سلطان باہو: شرح ابیات سلطان باہو؛ از سید احمد سعید ہمدانی، زاویہ پبلشرز لاہور 2013ء  
ص 1
- 2- پرویز اتاکی: برگزیدہ و شرح آثار سعدی؛ نشر و پڑوشش فرزبان، تہران 1373 خورشیدی
- 3- سلطان باہو: شرح ابیات سلطان باہو؛ ص 461
- 4- سعدی: کلیات؛ موسسہ انتشارات امیر کبیر تہران 1325 خورشیدی، ص 290
- 5- ایضاً ص 29
- 6- سلطان باہو: شرح ابیات سلطان باہو؛ ص 441
- 7- سعدی: کلیات؛ ص 279
- 8- حضرت سلطان باہو: چنے دی بوٹی؛ مرتب و مترجم پروفیسر محمد یونس حسرت، بگ ہوم لاہور،  
2005ء ص 461
- 9- سعدی: کلیات؛ ص 279
- 10- باہو: ابیات باہو؛ مرتب ڈاکٹر محمد اسلم رانا، عزیز پبلشرز لاہور، 1988ء ص 24
- 11- سعدی: کلیات؛ ص 888

- 12 سلطان باہو: شرح ابیاتِ سلطان باہو؛ ص 314
- 13 سلطان باہو: شرح ابیاتِ سلطان باہو؛ ص 302
- 14 سعدی: کلیات؛ ص 294
- 15 حضرت باہو: پنجابی صوفی شاعراں دا عارفانہ کلام؛ مرتب الیاس عادل، الفیصل ناشران و تاجران کتب لاہور، 1992ء ص 13
- 16 سلطان باہو: شرح ابیاتِ سلطان باہو؛ ص 294
- 17 حضرت باہو: پنجابی صوفی شاعراں دا عارفانہ کلام؛ ص 16
- 18 سعدی: کلیات؛ ص 279
- 19 ایضاً ص 279

Khoj  
Research Journal Deptt. of Punjabi  
Language & Literature  
Punjab University Lahore (Pakistan)  
Vol:70, Jan.-June. 2013, pp 77-92

کھوج  
تحقیقی مجلہ شعبہ پنجابی زبان و ادب  
پنجاب یونیورسٹی لاہور (پاکستان)  
جنوری - جون 2013ء، مسلسل شماره 70

## باراں ماہ سیرت: اک نوبیکلا انداز

ڈاکٹر محمد سرفراز خالد  
اسٹنٹ پروفیسر  
شعبہ عربی و علوم اسلامیہ، جی سی یونیورسٹی لاہور

### Abstract

Hafeez Taib was a famous Punjabi poet. He has written both in Urdu and Punjabi. He served as Professor of Punjabi, University of the Punjab, Lahore. His special interest is the eulogy of the Holy Prophet (S.A.W). He has elaborated the events of the life of the Holy Prophet (S.A.W) quite skillfully with reference to the twelve months of the lunar year. In this article his work "Twelve Months on Sirah" has been analyzed with reference to the basic sources of Islam.

حفیظ تائب ہوراں دا شمار اوہناں خوش قسمت لوکاں وچ ہندا اے جیہناں نے اپنی زندگی اُچے تے سچے نبی صلی اللہ علیہ وسلم دیاں نعتاں لکھن تے پڑھن وچ لنگاہ دتی۔ رب العالمین دا اوس بندے تے بڑا احسان اے جس نوں ایہہ توفیق عطا کیتی کہ اوہ کل نبیاں دے سردار، محبوب کردگار دیاں نعتاں لکھے تے پڑھے۔ ڈاکٹر شہباز ملک دے آکھن مطابق:

”نبی آخر الزماں، فخر دو جہاں حضرت محمد مصطفیٰ صلی اللہ علیہ وسلم دی ذات



پاک اللہ تبارک و تعالیٰ دی ذات اقدس دے بعد اک مسلمان دے ایمان دا حصہ اے۔ کلمہ طیبہ وچ جتھے اک مسلمان اللہ تعالیٰ دی توحید دا اقرار کردا اے او تھے رسولِ برحق صلی اللہ علیہ وسلم دی رسالت نوں وی مندا اے۔ دو جے لفظاں وچ رب دی حمد دے نال رسول پاک ﷺ دی تعریف وی کردا اے۔ ایہہ تعریف تے ایہہ وڈیائی نعت اکھواندی اے۔“ (1)

کائنات دا رب نہ صرف اپنے فرشتیاں نوں اپنے نال رلا کے نبی پاک ﷺ تے درود پڑھدا اے، نالے مومنناں نوں وی حکم دیندا اے کہ اوہ وی اُچے تے سچے نبی ﷺ تے درود تے سلام پڑھیا کرن:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا (2)

(بے شک اللہ تعالیٰ تے اوہدے فرشتے نبی کریم ﷺ اُتے درود پڑھدے نیں۔ اے ایمان والیو! تسی وی انہاں تے درود تے سلام پڑھیا کرو)

رب دے ایس حکم دی تعمیل کردیاں رسول اللہ ﷺ دے عزیز رشتے داراں دے نال نال اوہناں دیاں سنگی بیلیاں نے وی اوہناں دی شان وچ نعتیہ شعر آکھن دی سعادت حاصل کیتی۔ پر جوشان حسّان بن ثابتؓ، کعب بن زبیرؓ تے عبداللہ بن رواحہؓ ہوراں دے حصے وچ آئی اوہ کسے ہور دا مقدر نہیں بن سکی۔

دُنیا دیاں ساریاں زباناں وانگوں پنجابی زبان وچ وی ہزاراں شاعراں نے اپنے آقا تے مولیٰ نال محبت دا اظہار کردیاں ہوئے نعتاں لکھیاں نیں۔ پر جو مقام و مرتبہ حفیظ تائب نوں حاصل ہويا، کسے ہور نوں نہیں مل سکيا۔ پنجابی نعتیہ شاعری وچ اوہ سرکڈ ویں نظر آوندے نیں، تے ادبی حلقیاں وچ ”مجددِ نعت“ دے لقب نال پچھانے جاندے نیں۔ ڈاکٹر محمد اسلم رانا اوہناں دی عظمت دا اعتراف انج کردے نیں:

”حفیظ تائب دی پچھان، اوہدا وجود تے تشخص نعت دے حوالے نال ساڈے اردو تے پنجابی ادب دی پچھان دا درجہ حاصل کر گیا اے۔ حیات تے کاروبار حیات دے سارے سلسلیاں وچ اوہدی حیاتی دا اک اک کچھ تے اک اک پل نبی اکرم ﷺ دی مبارک تے اعلیٰ ارفع ذات نال

سمندراں نالوں ڈوگھی، اسماناں نالوں اُچی تے بے انداز زمیناں نالوں  
بوہتی کھلاریں عقیدت دی علامت دا درجہ اختیار کر گیا اے۔“ (3)

حفیظ تائب ہوراں اک مذہبی گھرانے وچ اکھ کھولی، اوہناں دے والد سکول ماسٹر ہون  
دے نال نال پنڈ دی مسجد وچ جمعہ وی پڑھاندے سن۔ حفیظ تائب نوں جمعے دی نماز توں پہلاں  
نعت پڑھن دا موقع مل جاندا، تے اگے چل کے اوہناں نے آپ وی نعت لکھنی شروع کردتی۔  
اردو تے پنجابی زبان دیاں نعتاں دے کئی مجموعے اوہناں دی حیاتی دا سرمایہ نیں۔ اشفاق احمد  
اوہناں نوں خراج عقیدت پیش کر دیا لکھدے نیں:

”اک سچے تے اُچے شاعر دی پرکھ ایہہ اے کہ اوہدے موضوع نے وی  
اوہنوں اُسے طرح قبول کر لیا ہووے جیویں اوہنے اپنے موضوع نوں دل  
نال لایا ہوندا اے۔ حفیظ تائب اوہناں خوش قسمت شاعراں وچوں اے،  
جیہڑے ایس قول تے پورے اُتر دے نیں۔“ (4)

حفیظ تائب عشقِ رسول دی اُچی منزل اُتے بیٹھے نیں۔ اوہناں دے کلام وچ ایس عشق  
دا ایہڈ اگھو ژارنگ نظر آوندا اے جیہدی مثال پنجابی شاعری وچ گھٹ ای نظر آوندی اے۔ بشیر  
مُندراوہناں دی عظمت دا اعتراف انج کردے نیں:

”اوہ غزلاں تے نظماں لکھدا لکھدا ایویں اپنی خوبصورت نعت نہیں لکھن لگ  
پیا۔ ایہدے چچھے وریاں دا دینی علوم دا مطالعہ اے۔ ”سک متراں دے“  
وچ ایس مطالعہ دی جھلک صاف نظر آوندی اے۔ کدھرے قرآن بول رہیا  
اے، کدھرے حدیث گلاں کر رہی اے، تے کدھرے سیرت پاک دے  
واقعات اکھاں اگے گھسن لگ پیندے نیں۔ ہر نعت جذبے تے احساس  
وچ ڈبی ہوئی اے۔“ (5)

من موہنے نبی نوں رب نے ایسی سیرت عطا کیتی کہ اعلانِ نبوت توں پہلاں وی کسے  
نوں انگلی چک کے گل کرن دا موقع نہ ملیا۔ اعلان توں بعد دی سیرت دی تے شان بہت اعلیٰ اے  
سوہنارب ایس دی گواہی انج دیندا اے:

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ (6)

(بے شک تہاڈے لیئی اللہ دے رسول (دی زندگی) وچ بہترین نمونہ)

اوہناں دا پنجابی مجموعہ نعت ”سک متراں دی“ وچ بہت ساریاں نعتاں لکھن توں بعد ”باراں ماہ سیرت“ دے عنوان نال منظوم انداز وچ سوہنے نبی دی سیرت پیش کیتی اے۔ ہر اسلامی مہینے وچ پیش آون والے اہم واقعات تے روشنی پاندے نیں۔ نظم دی پہلی لائن وچ مہینے داناں تے آخری لائن ”لکھ سلام نبی سرور تے“ لکھ کے اپنی گل مکا دیندے نیں۔ سجاد حیدر ہوری حفیظ تائب دے ایس نوکیلے انداز بارے لکھدے نیں:

”حفیظ تائب اپنے سوہنے ہادی اگے عرض گزارن دا اک نواں چج اختیار کیتا اے۔ اوہناں ایس نویں ایڈیشن وچ بارہ ماہ وی شامل کیتے نیں، جیہناں وچ اسلامی سال دے ہر قمری مہینے دا بیان ایس طرح ہو یا اے جے اوہدے وچ سیرت پاک دا اوس مہینے ہوون والا واقعہ نظم کردتا اے۔“ (7)

اسلامی سال دا پہلا مہینہ محرم اے۔ ایہہ سارے مہینے نبی کریم ﷺ دے اعلان نبوت توں پہلاں وی عرب وچ ایسے طرح مشہور سن، تے نبی کریم ﷺ نے اوہناں نوں اپنالیا۔ حفیظ تائب محرم دے مہینے نوں رسول اللہ ﷺ دی ہجرت دی یاد کردیاں لکھدے نیں:

چڑھیا چن محرم والا

اکھیاں اگے نقشہ پھریا، مکیوں حضرت دی ہجرت دا (8)

جس دن پیارے آقا مکے توں ہجرت کر کے مدینے ول تڑے سن، اوہدے بارے سیرت دیاں کتاباں وح لکھیا اے کہ ایہہ واقعہ 27 صفر 13 نبوی بروز جمعرات بمطابق 12- ستمبر 621 عیسوی نوں ہو یا۔ (9) حضرت عمر فاروقؓ دے دور خلافت وچ جدوں اسلامی سال دی شروعات ہوئی تے ہجرت نبی ﷺ نوں اہم واقعہ سمجھدیاں ہوئے اسلامی سال دا آغاز ہجرت نبوی توں کیتا گیا۔ (10)

انج جا پدا اے حفیظ تائب ہوراں دی نظراں اگے اوہو ویلا گھم رہیا ہووے گا جیہڑا اوہدا ذکر اوہ اپنی نظم وچ کردے نیں۔ مدینے دا پرانا ناں یثرت سی۔ نبی کریم ﷺ دے تشریف لیاون نال اوہداناں ”مدینة النبی“ (نبی دا شہر) پے گیا، تے بعد وچ صرف مدینہ ای رہ گیا۔ مدینہ پہنچ کے پیارے نبی ﷺ نے مہاجرناں تے مقامی مسلماناں نوں اک دوجے دا بھرا بنا دتا۔ مدینے وچ وسن والے مختلف مذہب دیاں لوکاں نال اکٹھے رل مل رہن دا معاہدہ وی کیتا جنہوں ”میشاق مدینہ“ دے ناں نال یاد کیتا جاندا اے۔ حفیظ تائب مدینہ منورہ نوں اسلامی ریاست دا مڈھ سمجھ کے نویں

بنن والے شہراں دا خواب ویکھدے ہوئے لکھدے نیں:

شہر جیہناں دیاں جوہاں اُتے حق سچ والا پہرہ ہووے  
 جتھے عدل دا ڈنکا وِجے جتھے خیر دا چرچا ہووے  
 سبھ انسان برابر ہون کوئی نہ وڈا چھوٹا ہووے (11)

مدینہ منورہ وچ نبی محترم ﷺ نے اپنے نال معاہدے وچ شامل یہودیاں تے دو بے  
 مذہباں دے لوکاں نال چنگی طرح ورتوں کیتی پر اُوہ ٹڈھوں خوش نہیں سن تے مسلماناں نوں تنگ  
 کرن دا کوئی موقع ہتھوں جان نہ دیندے۔

دو ہجری وچ ”دوہورا چچے واقعے ہوئے۔ اک ایہہ کہ مسلماناں قبلہ بیت المقدس دی  
 تھاں کعبۃ اللہ رب ولوں مقرر ہو یا۔ دو جا ایہہ پئی مسلماناں نوں کافراں دے سامنے ہتھ چکن تے  
 اپنا دفاع کرن دا حکم ملیا۔“ (12) حفیظ تائب ایس واقعے دی یاد تازہ کر دیاں لکھدے نیں:

چڑھیا چن صفر دا جسم یاد جہاد دی آئی مینوں  
 جس دی ملی اجازت سانوں دو ہجری دے سال صفر وچ (13)

اللہ تعالیٰ نے مسلماناں نوں یہودیاں نال جنگ دی اجازت دیندیاں قرآن مجید وچ  
 انج فرمایا اے:

أَذِنَ لِلَّذِينَ يُقَاتَلُونَ بِأَنَّهُمْ ظَلَمُوا وَإِنَّ اللَّهَ عَلَىٰ نَصْرِهِمْ لَقَدِيرٌ (14)

(جہاد/ جنگ کرن دی اجازت (مسلماناں نوں) دتی جاندی اے کیوں جے اوہناں

تے ظلم ہو یا اے۔ اتے اللہ تعالیٰ اوہناں دی مدد کرن دی قدرت رکھدا اے)

حفیظ تائب ایس آیت دے ترجمے نوں اپنی نظم وچ انج بیان کردے نیں:

قدرت والے رب فرمایا ”اللہ والے رستے دے وچ

اوہناں دے نال کرو لڑائی جو لڑدے نیں نال تہاڈے“

جان مال تے دین دی خاطر انج لڑائی جائز ہوئی (15)

ربیع الاول دا مہینہ اسلامی سال دا بہت متبرک مہینہ اے جس وچ امت دے غم خوار نبی

ﷺ بارہ تاریخ نوں ایس دنیا وچ تشریف لیائے سن۔ رب سوہنے نیں انساناں نوں بے انت

نعمتاں توں نوازیا اے، پر کسے وی نعمت دا احسان نہیں جتلا وندا۔ پر اپنے محبوب نوں دنیا وچ بھیج

کے مسلماناں اُتے وڈا احسان گنواںدا اے۔

لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِّنْ أَنفُسِهِمْ يَتْلُو عَلَيْهِمْ  
آيَاتِهِ وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِن كَانُوا مِن قَبْلُ لَفِي  
ضَلَالٍ مُّبِينٍ (16)

(بے شک اللہ تعالیٰ نے مسلمانوں کو وڈا احسان کیتا کہ اوہناں کول اوہناں  
(انسانوں) وچوں ای اک رسول گھلیا۔ جہڑا اوہناں نوں اُس (رب) دیاں آیتاں پڑھ  
کے سناوئا اے، اوہناں نوں پاکیزہ کردا اے نالے اوہناں نوں کتاب (قرآن حکیم)  
تے دانائی دیاں گلاں سکھاوئا اے۔ جدوں کہ اوہ لوک ضرور کھلی گمراہی وچ سن)  
حفیظ تائب ربیع الاول دی آمد اُتے امت وچ منائی جان والی خوشی دا ذکر کردیاں  
لکھدے نیں:

ماہ ربیع الاول آیا  
ٹھنڈ دلاں وچ پاندا ہویا  
تھاں تھاں چائن لاندہ ہویا  
بُت سبھ گُوڑیاں شانوں والے  
مُنہ بھرنے دھرتی تے ڈگے  
آیا جگ دا سوہنا ہادی  
چٹاں انساناں دا ہادی (17)

سیرت دیاں کتاباں وچ نبی محترم دے خلق دے بارے بے شمار واقعات ملدے نیں،  
پئی کس طرح سوہنے نبی علیہ السلام غریباں، لاچاراں تے کمزوراں دی مدد کردے سن۔ اوہناں دی  
تفصیل لئی اک وڈی کتاب لکھن دی لوڑ پے سکدی اے۔ صرف رب دی اک گواہی ای کافی اے:

وَإِنَّكَ لَعَلَىٰ خُلُقٍ عَظِيمٍ (18)

(بے شک تیں اچے تے سچے خلق اُتے قائم ہیگے او)

حفیظ تائب بہت سارے واقعات نوں اکھاں سامنے رکھ کے لکھدے نیں:

سینیاں دے وچ وِسَن والا  
سَدھا رستہ دَسَن والا  
لوکاں وچ سَنھ وِٹَن والا  
ماڑیاں دے دُکھ وِٹَن والا  
جھوٹ تے کھوٹ مٹاون والا  
حق دا حَکَم چلاون والا  
لکھ سلام نبی سرور تے (19)

مدینہ پہنچ کے رسول اللہ ﷺ نے جہڑے اہم کم کیتے اوہناں وچ مہاجراں تے انصاراں  
وچ بھائی چارہ قائم کرنا سب توں وڈا کم سی۔ مہاجر تے انصار بارے قدر آفاقی بیان کردے نیں:

”جہڑے لوک اپنے گھر بار چھڈ کے مدینے اڑے سن اوہ سب مہاجر  
اکھوائے تے اوہ مسلمان جہڑے مدینے شریف وچ وسدے سن انصار دے  
ناں نال سدائی ڈھم گئے۔“ (20)

حفیظ تائب اوس بھائی چارے دا تعارف انج کراندے نیں:

ماہ ربیع الثانی چڑھیا یاد آیا اوہ بھائی چارہ  
جیہڑا شہر مدینے جا کے قائم کیتا پاک نبی نے  
وچ مہاجراں تے انصاراں (21)

مدینے سن والے انصاراں نیں اپنے مہاجر بھراواں لئی دل کھول کے مدد کیتی تے کوئی  
شے اوہناں توں لکانہ رکھی۔ جہڑا مہاجر کسے انصار دا بھرا بن دا قدر آفاقی ہو راں موجب:  
”اوہ چائیں چائیں اپنے مہاجر بھرانوں گھر لے جاندا تے اپنے مکان،  
سامان، روپیہ پیسہ، ڈنگر وچھا، بھونیں پٹھا۔ گل کیہ جی، ہر شے وچوں ادھا  
حصہ اوہنوں ونڈ دیندا۔ تے نالے اوہنوں پروہنیاں وانگوں رکھدا تے اپنے  
چنگے بھاگاں اُتے مان کردا۔“ (22)

حفیظ تائب ایس گل نوں شعراں دا روپ دیندے ہوئے لکھدے نیں:

بھائیاں سکیاں بھائیاں توں ودھ اک دوجے دے درد ونڈائے  
ہر شے انصاراں ونڈ دتی مکے دے دینی بھائیاں نوں  
جگ توں وکھرا رشتہ سی ایہہ لہو دے ڈاڈے گوہڑے رشتے  
جس دے اگے پے گئے پھکے (23)

ہجرت دے اٹھویں سال جمادی الاول دے مہینے وچ نبی کریم ﷺ دے اک قاصد  
حارث بن عمیر الازدی نوں موتہ دے مقام تے قیصر روم دے اک رئیس شرجیل بن عمرو الغسانی  
نے قتل کردتا۔ نبی کریم ﷺ عمرہ کر کے مکے توں مدینے واپس پہنچے تے اپنے شہید صحابی دا انتقام  
لین دا اعلان کیتا۔ اوس دے لئی اک لشکر تیار کر کے زید بن حارثہ نوں اوہدا سپہ سالار مقرر کیتا۔  
فرمایا: جیکر ایہہ شہید ہو جاوے تے جعفر بن ابی طالب تے جیکر اُہوی شہید ہو جاوے تے عبداللہ بن  
رواحہ مجاہدین دی قیادت دی ذمہ داری نبھاوے گے۔ اگر اوہ وی شہید ہو جاوے تے مسلمان جنوں  
چاہوں اپنا امیر مقرر کر لین۔ (24)

اسلامی لشکر نوں ٹورن ویلے رحمۃ اللعلمین علیہ نے اک شاندار خطبہ ارشاد فرمایا۔  
 جہدے وچ مجاہداں نوں جنگ وچ کجھ اصولاں نوں سامنے رکھن دی تلقین کیتی:  
 جڑھیا جدوں جمادی پہلا گونجیا کن وچ جنگی خطبہ  
 جیہڑا پاک نبیؐ نے دتا موتہ ول جاندے لشکر نوں  
 شہروں باہر ثنیہ کوں لے (25)  
 اس خطبے وچ کجھ ہور نصیحتاں دے نال نال ایہہ وی سمجھایا:

لا تعدروا ولا تغلوا ولا تقتلوا ولیدا ولا امراة ولا کبیرا فانیا ولا منعز  
 لا بصعومة ولا تقربوا نخللا ولا تقطعوا شجر ولا تهدوا ببناء (26)  
 (کسے نال دھوکہ کرنا نہ بددیانتی، کسے بچے تے کسے زنانی نوں قتل نہ کرنا۔ کسے بڈھے  
 یاں کسی عبادت گاہ وچ رہن والے نوں وی قتل نہ کرنا۔ کسے بُوٹے نوں نقصان نہ دینا  
 تے کسے درخت نوں وی نہ کٹنا۔ نالے کسے مکان نوں وی نہ ڈھانا)  
 حفیظ تائب اہناں ساریاں نصیحتاں نوں کیڈی خوبصورتی نال شعراں دارنگ دے دیندے نیں:

وچ عبادت گاہواں پٹھیاں لوکاں تے پر ہتھ نہ چکنا  
 عورتاں، بچیاں، بڈھیاں تائیں دُکھ نہ دینا قتل نہ کرنا  
 نخل تے کوئی رُکھ نہ وڈھنا نہ گُکے کوٹھے نوں ڈھانا (27)

مدینہ منورہ پہنچ کے جہڑا اک ہور وڈا کم رسول اللہ ﷺ نے کیتا اوہ ”میثاق مدینہ“ سی۔  
 مدینہ وچ آباد یہودی اہل کتاب ہون دے نال نال معاشی طور تے وی خوشحال سن۔ نبی معظم  
 علیہ نے اوہناں نال آپس وچ رل مل رہن دا اک اجیہا معاہدہ کیتا جدی مثال قوماں وچ ہوون  
 والے معاہدیاں وچ نہیں ملدی۔ ڈاکٹر حمید اللہ نے اپنی کتاب ”الوثائق السیاسیہ للعد  
 النبوی“ وچ ایس معاہدے دیاں سنتائیں (47) شقیاں بیان کردے نیں۔ (28) جس دا اردو  
 ترجمہ مجلہ ”نفوس“ دے ”رسول نمبر“ دی جلد پنچ (5) وچ ویکھیا جاسکدا اے۔  
 حفیظ تائب اُس عظیم الشان معاہدے نوں جہڑا جمادی الثانی دے مہنے وچ کیتا گیا، یاد  
 کر دیاں لکھدے نیں:

آیا جدوں جمادی دوجا معاہدہ آیا یاد نبیؐ دا  
 مدنی لوکاں نال جو کیتا میرے سرور، میرے آقاؐ (29)

ایہہ اک اجیہا آئین تے دستوری جنہوں ریاستِ مدینہ دے وڈھیرے یعنی نبی کریم ﷺ نے نافذ کیتا سی۔ مدینے دے سارے قبیلیاں تے دو جے لوکاں لئی ایہدے تے عمل کرنا لازم سی۔ تے شرط ایہہ سی جیکر کوئی بندہ یاں قبیلہ ایہدے خلاف بغاوت کرے گا، تے اوہ مدینے دی شہریت دے سارے حقوق توں محروم ہو جائے گا۔<sup>(30)</sup>

حقیقتاً تائب اُس معاہدے نوں سامنے رکھدیاں ہوئے اوہدیاں شقاں دی تاثیر ویکھ کے آکھدے نیں:

ایس معاہدے موجب ہوئے      اک مک سبھ طیبہ دے واسی  
خون خرابے نوں روکن لئی      مظلوماں دی مدد کرن لئی  
ایہہ تحریر لکھائی حضرتؐ      گل عالم تے خلقت دے لئی  
جیہڑا آیا بن کے رحمت      لکھ سلام نبی سرورؐ تے<sup>(31)</sup>

رَبِّ الْعَالَمِينَ نے اپنے محبوب رسول ﷺ نوں گل نبیاں دا سردار بنا کے دنیا وچ گھلایا تے اوہناں نوں اوہ انعام واکرام عطا کیتے جہڑے کسے ہور نبی یاں رسول نوں نہیں ملے۔ اوہناں وچ اک معجزہ اسری تے معراج اے۔ مسجد حرام توں لے کے مسجد اقصیٰ دا سفر اسری اکھواندا اے تے مسجد اقصیٰ توں عرش معلیٰ دا سفر معراج۔ اسری دے سفر دی کہانی رب تعالیٰ قرآن مجید وچ انج دسدالے:

سُبْحَانَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي بَارَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ<sup>(32)</sup>

(پاک اے اوہ (رب) جنہیں راتوں رات اپنے بندے نوں مسجد حرام توں لیکے مسجد اقصیٰ تیکر سیر کرائی، جدھے ارد گرد اسیں برکت رکھی اے، تاں جے اسیں اوہوں اپنیاں وڈیاں نشانیاں دکھائیے۔ بے شک اوہ (رب) ویکھد اتے سندا اے)

امت دے پچھلے وڈھیرے علماء دا ایس گل تے اتفاق اے کہ ایہہ واقعہ ماہِ رجب دی ستائیس (۲۷) تاریخ نوں پیش آیا۔ حقیقتاً تائب اپنی سوچ دا براق اڈاندے ہوئے لکھدے نیں:

چن رجب دا جسم چڑھیا      سوچ براق اقصیٰ ول اڈیا  
جتھے پاک نبی دے پچھے      بنھ صفاں سبھ نبی کھلوتے<sup>(33)</sup>

قاضی عیاضؒ اس معراج دی حقیقت بارے بیان کردے نیں:

ذَهَبَ مَعْظَمُ السَّلَفِ وَالْمُسْلِمِينَ إِلَى أَنَّهُ إِسْرَاءٌ بِالْجَسَدِ فِي الْبِقِطَّةِ



وَهَذَا هُوَ الْحَقُّ (34)

(پچھلے نیک بندیاں تے مسلمان امت دی وڈی اکثریت ایس گل تے پکا یقین رکھدی اے کہ اسرئی جسم مبارک دے نال حالت بیداری وچ ہویا)  
مسجد اقصیٰ توں اگے عرش معلیٰ دے سفر بارے اللہ تعالیٰ نے قرآن مجید دی سورۃ النجم وچ بڑی تفصیل نال سمجھایا اے جدھے بارے لکھن دی استھ گنجائش نہیں۔ صرف تن (3) آیتاں لکھن تے اکتفا کرنے آں:

ثُمَّ دَنَا فَتَدَلَّى ۝ فَكَانَ قَابَ قَوْسَيْنِ أَوْ أَدْنَىٰ ۝ فَأَوْحَىٰ إِلَىٰ عَبْدِهِ مَا أَوْحَىٰ (35)

(تے فیراوہ نیڑے ہویا۔ ہور نیڑے ہویا۔ جیویں دو کماناں وانگوں بلکہ ایس توں وی گھٹ فاصلہ رہ گیا۔ تے رب نے اپنے محبوب نوں وحی کیتی جو اُس اپنے بندے نوں کرنی سی)  
حفیظ تائب ایس سورت وچ بیان کیتی گئی شان نوں اپنے شعراں وچ انج سمو دیندے نیں:

جھتوں اپڑے آقا ساڈے

سدرہ توں وی کتے اگیرے اَوْ اَدْنَىٰ دے منزلے توڑی

خالق دی خدمت وچ کیتے پیش نیازاں والے تھے

اگوں رب تعالیٰ دتے امت لئی نمازاں روزے

بھیت خدائیاں والے سارے پاک نبی نوں کھول کے دتے

سبھ امکانات دے در کھولے لکھ سلام نبی سرور تے (36)

رسول اللہ ﷺ جنی دیر مکے وچ رہندے سن نماز پڑھن لئی مقام ابراہیم دے نیڑے انج کھلوندے کہ بیت اللہ تے بیت المقدس دونویں سامنے ہوندے۔ پر مدینہ شریف آکے صرف بیت المقدس ول منہ کر کے نماز پڑھنی پئی۔ اوہناں دے دل وچ بیت اللہ ول منہ کر کے نماز پڑھن دا ڈھڈا شوق سی۔ سوہنے رب نے اوہناں دے ایس شوق دی لاج رکھ لئی، تے ہجرت دے دو جے ورے کوئی ستاراں (17) مہینے بعد فرمایا:

قَدْ نَرَىٰ تَقَلُّبَ وَجْهِكَ فِي السَّمَاءِ فَلَنُوَلِّيَنَّكَ قِبْلَةً تَرْضَاهَا فَوَلِّ وَجْهَكَ

شَطْرَ الْمَسْجِدِ الْحَرَامِ وَحَيْثُ مَا كُنْتُمْ فَوَلُّوا وُجُوهَكُمْ شَطْرَهُ (37)

(ایس تہاڈے چہرے نوں بار بار آسمان ول اٹھنے نوں ویکھ رہے آں، اسیں تہانوں اُسے قبلے ولے منہ کرن دا آکھاں گے جدھر تسی چاہندے او۔ ہن تسی اپنا منہ مسجد حرام

ولے موڑ لو۔۔ تے تسی جتھے کدھرے وی ہوو، اپنا اپنا رخ ایہدھے ای ولے کریا جے)  
 حفیظ تائب تھوہیل قبلہ دے ایس واقعہ دا ذکر کردیاں ہوئے لکھدے نیں:  
 آیا مہ شعبان معظم اُچی شان نبی دی اُتے  
 دین گواہی دو ہجری وچ  
 پاک نبی تے وچ نمازے اُتیاں (38)  
 تے فیراہناں آیتاں دا ترجمہ وی کردے نیں۔ اتھتھے اوہناں دا لکھیا ہوا ترجمہ ای پیش خدمت اے:  
 اے پیغمبر

تکئے آں اسیں مکھ تہاڈے دا گھڑی مڑی اسمان ال اٹھنا  
 پھیرنے آں اسیں اُس قبلے ول تہانوں، جیہڑا چنگا لگے  
 پھیر لوو رُخ اپنا اودھر جدھر رب دا پہلا گھر اے  
 مشرق مغرب رب دے لئی نیں اوہو رب جنہوں وی جاہوے  
 سِدھا پدھرا رستہ دَسے لکھ سلام نبی سرور تے (39)

رمضان المبارک دا مہینہ رب نے مومنناں دی بخش کرن لئی تے جنت دیاں راہوں  
 کھولن لئی بنایا اے۔ حفیظ تائب ایہدا ذکر کردیاں ہوئے رحمۃ للعالمین علیہ دی حدیث دا حوالہ  
 دیندے نیں جہدے وچ اوہناں نے رمضان دا پہلا دھا کہ رحمت، وچلا دھا کہ بخش تے چھیکڑ والا  
 دھا کہ دوزخ توں چھٹکارے والا بیان کیتا اے۔ فیر حفیظ تائب ہوری رمضان المبارک دے  
 آخری دھا کے وچ اک خاص رات دا ذکر کردے نیں:

رات قدر دی جس وچ آوے جیہڑی راتیں رب سچے نے  
 نازل کیتا پاک نبی تے چھیکڑ لے دستور اپنے نوں (40)

انہاں شعراں وچ حفیظ تائب قرآن حکیم دی سورۃ القدر ول اشارہ کردے نیں جہدی  
 پہلی آیت وچ رب سچا فرماندا اے:

إِنَّا أَنْزَلْنَاهُ فِي لَيْلَةِ الْقَدْرِ (41)

(بے شک اسیں ایس (قرآن) نوں قدر والی رات وچ نازل کیتا)

ہجرت مدینہ دے دو جے ورے مکے دیاں کافراں مدینے تے چڑھائی کیتی۔ رسول اللہ  
 نوں جدوں پتہ لکھیا تے اوہناں اپنے تن سو تیرہ (313) صحابہ کرام نال مدینے توں کچھ دور بدر

دے مقام تے اوہناں نال مقابلہ کیتا جدکہ اوہ اک ہزار دی تعداد وچ سن۔ سوہنے نبی ﷺ نے رب توں دعا منگی ”اے اللہ! میں تینوں تیرے اُس عہد تے وعدے دا واسطہ دینا آں جہڑا توں میرے نال کیتا سی۔ اے اللہ! جے توں اپنے اوس وعدے نوں پورا نہ کیتا تے فیر قیامت تک تیری عبادت نہیں کیتی جاوے گی۔“ رب نے اپنے محبوب دی دعا قبول کر لئی تے اوہناں فتح عطا کیتی۔ جس دا ذکر قرآن مجید وچ ایس طرح اے:

وَلَقَدْ نَصَرَكُمُ اللَّهُ بِبَدْرٍ وَأَنْتُمْ أَذِلَّةٌ فَاتَّقُوا اللَّهَ لَعَلَّكُمْ تَشْكُرُونَ (42)

(بے شک اللہ نے بدر وچ تہاڈی مدد کیتی جدوں تسی بے سرو سامان سو۔ تے ہُن اللہ توں ڈرو، تاں جے تسی اُہدے شکر گزار بن جاؤ)

حفیظ تائب بدر دی ایس فتح نوں انج بیان کردے نیں:

بدر دے اندر رب سوہنے نے

اپنا وعدہ پورا کیتا  
دے کے فتح مبین مکے دی  
ماڑیاں دا سر اُچا کیتا  
حق دی طاقت حق منوائی (43)

شوال دے مہینے وچ حفیظ تائب سیرت رسول دا مشہور واقعہ حدیث دے حوالے نال لکھدے نیں۔ اک عید دے دیہاڑے عید دی نماز پڑھاؤن لئی دیر ہو گئی تے لوکاں ویکھیا کہ کملی والے ایسے اک یتیم نوں اپنی انگلی لاکے آرہے سن، حفیظ تائب نبی اکرم ﷺ دی شفقت تے مہربانی دا ذکر کردیاں ہوئے لکھدے نیں:

ایہہ سی اک یتیم وچارہ  
جس دے چال پورے کردیاں  
پاک نبی نوں دیر ہوئی سی  
آپ یتیم سی بھاویں سرور  
سی پر ہتھ سرے دے اُپر  
ہر بے وس دے رکھن والا  
لکھ سلام نبی سرور تے (44)

سوہنا نبی ایہڈا مہربان کیوں نہ ہووے۔ ایہدی وجہ ایہہ ہے کہ رب نے اپنے محبوب ﷺ نوں امت دا غم خوار بنا کے دنیا وچ گلایا اے تے قرآن مجید وچ اوہناں دی شان انج بیان کردا اے:

لَقَدْ جَاءَكُمْ رَسُولٌ مِّنْ أَنْفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ  
بِالْمُؤْمِنِينَ رَؤُوفٌ رَّحِيمٌ (45)

(بے شک تہاڈے کول تہاڈے وچوں ای رسول تشریف لیاے نیں۔ تہاڈے تے آون

والی مشکل اوہناں نوں تکلیف دیندی اے۔ تہاڈی سب دی بھلائی چاہوندے نیں۔  
 مومنوں لئی تے ڈاھڈے معاف کرن والے نالے بہت ای مہربانی کرن والے نیں)  
 ہجرت دے چھیویں (6) سال رسول اللہ ﷺ نے خواب دیکھیا کہ میں تے میرے  
 ساتھی بیت اللہ طواف کر رہے آں۔ سچے خواب دے مطابق آپ ﷺ اپنے صحابہؓ نال لیکے  
 چل پئے۔ مکے توں کوئی اُنی (19) میل پہلاں حدیبیہ دے مقام تے قیام کیتا تے عثمان غنیؓ نوں  
 اپنا سفیر بنا کے گھلایا تے مکے والیاں توں زیارت کعبہ دی اجازت چاہی۔ حضرت عثمانؓ نوں کجھ دیر  
 ہوگئی تے افواہ پھیل گئی کہ اوہناں نوں قتل کردتا گیا۔ سوہنے نبیؐ نے اپنے صحابہ کولوں جانثاری دی  
 بیعت لئی جس دا ذکر قرآن وچ ایس طرح اے:

لَقَدْ رَضِيَ اللَّهُ عَنِ الْمُؤْمِنِينَ إِذْ يُبَايِعُونَكَ تَحْتَ الشَّجَرَةِ فَعَلِمَ مَا فِي  
 قُلُوبِهِمْ فَأَنْزَلَ السَّكِينَةَ عَلَيْهِمْ (46)

(بے شک اللہ ایمان والیاں توں راضی ہو گیا جدوں اوہ درخت دے تھلے تہاڈی بیعت  
 کر رہے سن۔ تے اللہ نوں پتہ لگ گیا سی جو کجھ اوہناں دے دلاں وچ سی، تے فیر  
 اوہناں اُتے سکون اطمینان اتاریا)

مسلماناں نوں طواف کعبہ دی اجازت نہ ملی تے اگلے سال آون لئی اکھیا گیا۔ مسلماناں  
 تے کافراں وچ اک معاہدہ وی لکھیا گیا۔ اُس دی اک شرط ایہہ سی جیکر قریش دا کوئی بندے  
 مسلمان ہو کے مدینے آ جاوے، تے قریش دی مانگت تے انہوں واپس کیتا جاوے گا، پر جے کوئی  
 بندہ اسلام چھڈ کے مکے پرت آوے تے اوہوں واپس نہیں کیتا جاوے گا۔ صحابہ کرامؓ ایس شرط  
 تے بڑے پریشان سن پر نبی ﷺ بڑے مطمئن۔ ایس معاہدے نوں رب نے فتح مبین قرار دتا  
 کیوں جے ایہہ مسلماناں نوں بعد وچ بہت فائدہ ہویا۔ حفیظ تائب نبی کریم دی ایس دانائی والی  
 حکمت عملی دی تعریف کردیاں لکھدے نیں:

چڑھیا چن ذیعتدہ دا چڑھیا

پھر گئے میریاں اکھیاں اگے صلح حدیبیہ دے سبھ منظر

یاد آئی بیعت رضواں دی جس وچ چھپی ہوئی حکمت

پاک نبیؐ بن کسے نہ سمجھی لکھ سلام نبی سرورؐ تے (47)

ہجرت توں بعد رسول اللہ ﷺ نے نو سال مدینہ وچ لنگائے پر کوئی حج نہ کیتا۔ دسویں

سال حج ادا کیتا جیہنوں حجۃ الوداع دے ناں نال یاد کیتا جاندا اے۔ اللہ دے نبیؐ احرام بنھ کے اپنی اوٹنی قصویٰ تے سوار ہوئے تے تسبیحات پڑھدے اپنے صحابہ کرامؓ نال مکہ ول ٹرپے۔ عرفات دے میدان وچ اک خطبہ وی ارشاد فرمایا، جدھے وچ خون، مال تے عزت دی حرمت دا درس دتا۔ سو دنوں حرام قرار دتا۔ زنانیاں تے لونڈیاں نال چنگا ورتوں رکھن دا درس دتا۔ طویل خطبے نوں پیش کرن دی ایس ویلے تھاں نہیں۔ اخیر وچ رب دے سوہنے محبوبؐ نے اپنے سنگی ساتھیاں توں پچھیا: جیکر تہانوں پچھیا جائے کہ میں تہانوں رب دا پیغام پچا دتا اے، کیہ جواب دیو گے؟ سبھناں جواب دتا: اسیں گواہی دیاں گے تسی پیغام پچا دتا، نالے نصیحت دا حق ادا کردتا۔ سوہنے نبیؐ نے شہادت دی انگلی آسمان ول اٹھا کے عرض کیتی: اے اللہ تو ویں گواہ رہیں۔

حفیظ تائب نوں جد رسول اللہ ﷺ دے آخری خطبہ دی یاد آوندی اے تے اُس نوں

ارج بیان کردے نیں:

آیا آیا مه ذوالحج دا حج نبیؐ دا چھتے آیا  
قصوا اُتے عرفات اندر خطبہ دیندا سی پیغمبرؐ (48)

ایس گواہی توں بعد رب سچے نیں نبی کریمؐ نوں دین اسلام مکمل ہوون دی خوشخبری دتی:

الْيَوْمَ اكْمَلْتُ لَكُمْ دِينَكُمْ وَاتَّمَمْتُ عَلَيْكُمْ نِعْمَتِي وَرَضِيْتُ لَكُمُ  
الْإِسْلَامَ دِينًا (49)

(ارج دے دھیڑے میں تہاڑے لئی تہاڑا دین مکمل کردتا اے، اپنی نعمت تہاڑے اُتے

پوری کر چھڈی اے نالے تہاڑے واسطے دین اسلام نوں) مکمل کر کے) پسند کیتا اے)

حفیظ تائب ایس منظر نوں اپنے لفظاں وچ ایس طرح واضح کردے نیں:

سبھ نے جدوں شہادت دتی رب سچے نے مہراں لائیاں  
دین مکمل ہوون دیاں لکھ سلام نبیؐ سرورؐ تے (50)

ایس ساری گفتگو توں ایہہ گل نکھر کے سامنے آندوی اے کہ حفیظ تائب ہوراں نے

اسلامی مہینیاں دی مناسبت نال سوہنے نبیؐ دی سیرت لکھ کے پڑھن والیاں لئی محبت تے دل چسپی

دا سامان مہیا کردتا اے۔ تاں جے اوہناں دی اپنے نبیؐ نال نسبت پکی رہوے تے اوہ ہر ویلے

اپنی نبیؐ دیاں گلاں کردے رہن۔ رب سچے توں دعا منگنے آں کہ حفیظ تائب ہوراں دی ایہہ محبت

رسول مقبول ہووے تے آخرت وچ اوہناں نوں نئی رحمت دی شفاعت عطا ہووے۔ (آمین)

## حوالے و حواشی

- 1- حفیظ تائب: سک متراں دی؛ القمر انٹر پرائزز، لاہور، سن، ص 101
- 2- الاحزاب 56:33
- 3- حفیظ تائب: سک متراں دی؛ ص 123
- 4- ایضاً، فلیپ
- 5- ایضاً، ص 119
- 6- الاحزاب 21:33
- 7- حفیظ تائب: سک متراں دی؛ ص 116
- 8- حفیظ تائب: سک متراں دی؛ ص 73
- 9- قاضی محمد سلیمان سلمان منصور پوری: رحمۃ للعالمین؛ مکتبہ محمدیہ، لاہور، 2008ء ج 1، ص 93
- 10- الازہری، پیر محمد کرم شاہ: ضیاء النبی؛ ضیاء القرآن پبلی کیشنز، لاہور ج 3، ص 146-147
- 11- حفیظ تائب، سک متراں دی، ص 73
- 12- قدر آفاقی: مکی مدنی ماہی؛ اردو پنجابی علمی مرکز، لاہور، 1406ھ/ 1985ء ص 336
- 13- ایضاً، ص 74
- 14- الحج 39:22
- 15- حفیظ تائب: سک متراں دی؛ ص 74
- 16- آل عمران 3:164
- 17- حفیظ تائب: سک متراں دی؛ ص 75
- 18- القلم 4:68
- 19- حفیظ تائب: سک متراں دی؛ ص 75
- 20- قدر آفاقی: مکی مدنی ماہی؛ ص 328
- 21- حفیظ تائب: سک متراں دی؛ ص 76
- 22- قدر آفاقی: مکی مدنی ماہی؛ ص 329
- 23- حفیظ تائب: سک متراں دی؛ ص 76
- 24- الازہری، پیر محمد کرم شاہ: ضیاء النبی؛ ضیاء القرآن پبلی کیشنز، لاہور، 1420ھ ج 4، ص 364
- 25- حفیظ تائب: سک متراں دی؛ ص 77

- 26 دھلان، احمد بن زینی: السیرة النبویة، المطبعة الاحلیة بیروت، 1983ء ج2، ص236
- 27 حفیظ تائب: سک متران دی؛ ص ۷۷
- 28 حمید اللہ، ڈاکٹر: الوثائق السیاسیة للعهد النبوی؛ دارالنفائس، بیروت، 1403ھ/1983ء ص59-62
- 29 حفیظ تائب: سک متران دی؛ ص78
- 30 الازہری، پیر محمد کرم شاہ: ضیاء النبی؛ ج3، ص195
- 31 حفیظ تائب: سک متران دی؛ ص78
- 32 بنی اسرائیل 1:17
- 33 حفیظ تائب: سک متران دی؛ ص79
- 34 عیاض بن موسیٰ، قاضی: الشفاء بتعریف بحقوق المصطفیٰ؛ دارالکتب، بیروت، ج1، ص247
- 35 النجم 1:53
- 36 حفیظ تائب: سک متران دی؛ ص79
- 37 البقرہ 2:144
- 38 حفیظ تائب: سک متران دی؛ ص80
- 39 ایضاً
- 40 ایضاً، ص81
- 41 القدر 97:1
- 42 آل عمران 3:123
- 43 حفیظ تائب: سک متران دی؛ ص81
- 44 ایضاً، ص82
- 45 التوبہ 9:128
- 46 الفتح 48:18
- 47 حفیظ تائب: سک متران دی؛ ص83
- 48 ایضاً، ص84
- 49 المائدہ 5:3
- 50 حفیظ تائب: سک متران دی؛ ص84

Khoj  
 Research Journal Deptt. of Punjabi  
 Language & Literature  
 Punjab University Lahore (Pakistan)  
 Vol:70, Jan.-June. 2013, pp 93-100

کھوج  
 تحقیقی مجلہ شعبہ پنجابی زبان و ادب  
 پنجاب یونیورسٹی لاہور (پاکستان)  
 جنوری - جون 2013ء، مسلسل شماره 70

## ہندکو غزل: تعارف تے تجزیہ

ڈاکٹر رشید احمد  
 اسٹنٹ پروفیسر  
 گورنمنٹ ڈگری کالج، راوی روڈ شاہدرہ، لاہور

### Abstract

Hindko is a dialect of Punjabi which is spoken in Hazara Division, Peshawar, Kohat, Bannun and Dera Ismail Khan of Khyber Pakhtunkhah Province. Literary work is done in all areas (Prose, Poetry) of Hindko literature. In this article critical analysis of Hindko ghazal is presented. The quality and progress of Hindko ghazal is evaluated. The books published in two major literary centers of Hindko are critically analyzed and moreover it is observed that Hindko ghazal is promoting Punjabi language and literature, particularly enhancing the scope of ghazal.

.....

ہندکو صوبہ خیبر پختونخواہ دے علاقیاں ہزارہ ڈویژن، پشاور، کوہاٹ، بنوں تے ڈیرہ



اسماعیل خان وچ بولی جاندی اے۔ ایہہ پنجابی دا اک خوبصورت لہجہ تے قدیم ناں وی اے۔ پوٹھوہاری، سرائیکی تے چھاچھی لہجیاں نال ایہدی ڈھیر سانجھ اے۔ مشہور شاعراں سردار خان بردا تے احمد علی سائیں دا تعلق پشاور نال سی۔ پراوہناں پورے پنجاب بلکہ ہندوستان وچ پنجابی زبان و ادب دا ناں بلند کیتا۔ ہندو کو غزل دا ویروا کرن توں پہلاں غزل دے موضوعات بارے کجھ ذکر کرنا ضروری اے۔

غزل اک گلستے وانگوں ہوندی اے ایہدی سب توں وڈی خوبی ایہ وے کہ ایہدے وچ حمدیہ، نعتیہ، صوفیانہ، موضوعات دے نال نال غمِ جاناناں تے غمِ دوراں دوویں بیان ہو سکدے نیں۔ غزل وچ حسن و عشق، وصال و فراق، دکھ درد، خوشی تے غم دے جذبات بیان کیتے جاندے نیں۔ غزل قصیدے توں نکلی اے فارسی زبان دے اثر پیٹھ پنجابی ہندو کو وچ ایہدے لکھن دارواج ہويا۔ تحقیق توں ایہہ گل سامنے آوندی اے کہ صدیاں پہلاں نوشہ گنج بخش، شاہ حسین، بلھے شاہ، خواجہ غلام فرید، غلام رسول عالم پوری، میاں محمد بخش تے شاہ مراد دی شاعری وچ وی غزلیہ اشعار ملدے نیں۔

ویہویں صدی دے آغاز وچ سی حرنی، مثنوی تے چار بیتہ لکھن والے شاعراں دے کلام وچ غزل دارنگ ہور نمایاں نظر آوندا اے۔ سرفراز حسین قاضی دے بقول:

”پنجابی شاعری دی روایت عشقیہ قصے تے صوفیانہ شاعری دی بنیاداں تے پدھری ہوئی۔ ویہویں صدی وچ ایہدے وچ غزل دے رنگ نے جنم لیا۔“ (1)

استاد گاموں، مولانا بخش کشتہ، احمد علی سائیں، بردا پشاوری، غلام رسول گھائل، آغا محمد جوش، جیلانی استاد، محمد جی بنجیارا اور گے شاعراں ایس دور وچ اپنی شاعری وچ تصوف، اخلاقیات تے معرفت دے موضوعات دے نال نال محبوب دی سراپا نگاری، ہجر و وصال تے عشق و محبت دے رنگ پیش کیتے۔ بردا پشاوری اک غزل وچ انگریز دے جرتے ظلم نوں کھل کے بیان کیتا:

لباں اتے پہرے نگا ہواں تے پہرے  
میں جتھوں لنگھاں اوہ راہواں تے پہرے  
اودوں دی میری جان تے بن گئی اے  
جدوں دے ایہہ لگے نیں ساہواں تے پہرے (2)

احمد علی سائیں اپنی حرنی اندر محبوب مجازی نوں مخاطب کردے نیں:

ظلمت کدہ میرا روشن کرنے واسے  
 لے کے اپنے نال انوار آوے  
 کرے مہربانی میرے حال اتے  
 مضطر دل نوں ذرا قرار آوے (3)

آزادی دے نیڑے زیادہ تر شاعری دا موضوع تحریک آزادی سی۔ اوس دور وچ جلسے جلوساں وچ قومی تے ملی شاعری پیش کیتی جاندی رہی۔ اسلام، پاکستان، مسلم اتحاد تے حریت اوس دور دے خاص موضوع سن۔ شاعری وچ زیادہ تر مقصد بیت سی۔ مجموعی طور تے ایس دور وچ شاعراں دارحجان نظم لکھن ول سی۔

آزادی توں فوراً بعد شریف کنجاہی، احمد راہی، باقی صدیقی، فیروز دین شرف، حکیم شیر محمد ناصر، الطاف پرواز تے افضل پرویز جیسے شاعراں آزادی دے واقعات تے جذبات نوں سامنے رکھ کے نظماں لکھیاں۔ 1960ء دی دہائی وچ ایس رجحان وچ تبدیلی آئی تے غزل دا رجحان شروع ہويا۔ نالے اردو لکھن والے مشہور ادیبوں اپنی ماں بولی ول دھیان دینا شروع کیتا۔ ایس دور وچ غزل دے سفر تے غزل گو شاعراں بارے پروفیسر ریاض احمد شاد لکھدے نیں:

”ایہناں وچوں احمد ندیم قاسمی، صفدر میر، رضا ہدانی، فارغ بخاری، حبیب جالب، خاطر غزنوی، انیس ناگی، شہزاد احمد، تاج سعید تے کئی دوجے ناں وی شامل نیں۔“ (4)

1960ء دے عشرے وچ ہندکو ادبی پرچیاں تے اخباراں وچ ہندکو شاعری شائع ہونا شروع ہو گئی۔ پشاور توں جدید ہندکو غزل دا آغاز مضمّن تاتاری، فارغ بخاری، خاطر غزنوی، رضا ہدانی تے جوہر میر نے کیتا۔ ایہناں دے نال نال تاج سعید، محسن احسان، استاد غلام رسول گھائل، صابر حسین امداد، اورنگ زیب غزنوی تے حسام حرنے غزلاں لکھیاں۔

پشاور دے شاعراں توں اڈ ہزارہ دے ہندکو شاعراں نے وی غزل دی بنیاد رکھی۔ اوہناں بارے خاطر غزنوی جانکاری دیندے نیں:

”پشاور کے علاوہ ہزارہ میں بھی کئی غزل گو شعراء نے مقبولیت حاصل کی۔ جن میں آصف ثاقب، بیگی خالد، حیدر زمان حیدر، ارشاد شا کر اعوان، افتخار ظفر، جعفر سید، سلطان سکون، عبد الغفور ملک، عاصی رضوی، اشرف راہی،

رجیم سلطان رجیم، حفیظ عاجز، پرواز تربیلوی، خالد خواجہ اور بشیر احمد سوز کے نام قابل ذکر ہیں۔<sup>(5)</sup>

ہندکو غزل دی روایت مضبوط ہون توں بعد شاعری دے مجموعے شائع ہون لگ پئے۔ جہناں وچ نظماں دے نال نال غزلاں تے قطععات وی شامل ہوندے سن۔ ہندکو نظماں غزلاں دی پہلی کتاب ”نویاں راہواں“ پشاور توں شائع ہوئی۔ راقم نے اپنی تحقیقی مقالے وچ ایہدا ذکر کیتا اے:

”13 شاعراں دی جدید نظماں غزلاں دی پہلی کتاب نویاں راہواں 1965ء وچ فارغ بخاری نے مرتب کر کے پشاور توں شائع کروائی۔“<sup>(6)</sup>

”نویاں راہواں“ دی اشاعت توں بعد 1965 توں 2010 تک پشاور تے ایہٹ آباد دے اشاعتی اداریاں تے تنظیمیاں نے بڑی تعداد وچ شعری مجموعے شائع کیتے۔ جہناں وچ رضا ہمدانی (ٹھے ڈنگ، ترے ترے)، فارغ بخاری (کالی تھپ)، خاطر غزنوی (کونجاں)، مقبول اعجاز اعجازی (تارا ویرا، بول ملنگا، تلنتلی)، تاج سعید (لیکھ)، صابر حسین امداد (کھورے سچ، سچ دا زہر، سچ دے ڈیوے)، ساحر مصطفائی (ستا شہر تے ٹھنڈی تھپ)، صبیح احمد (آواز)، اسماعیل اعوان (میری ہندکو)، افضل چشتی (کھرینڈے)، ظفر نوید جانی (ایہہ کیہ مخول اے)، اسلم طارق (ہسدے غم)، فقیر حسین (الارے) تے مضمیر تاتاری دے مجموعے شامل نیں۔ ایہناں کتاباں وچ ہر شاعر نے غزل وچ طبع آزمائی کیتی۔ ایس توں اڈاورنگ زیب غزنوی دی مرتب کردہ کتاب ہندکو ”غزلاں دی سوغات“ تے صبیح احمد (گانی) منتخب اشعار صرف غزلاں تے مشتمل نیں۔

ایہدے نال نال ہندکو ادب دے دوسرے اشاعتی مرکز ایہٹ آباد توں ایچ پدھر دے غزل گو شاعراں دا کلام وی کتابی شکل وچ شائع ہويا۔ جہناں وچ پرواز تربیلوی (پھل تے کنڈے)، یحییٰ خالد (پیار بھلیکے)، سلطان سکون (دسوٹھے)، محمد فرید (سجھ سویل)، آصف ثاقب (اوپے خواب خیالاں، دکھ سنجھیا لے)، حیدر زمان حیدر (شع تے پتنگ)، منیر حیدر (مثل پھل گلاب)، عبدالغفور ملک (نین کٹورے، سجرے پھل، روپ سروپ)، شریف حسین شاہ (سکی معتبری)، بشیر احمد سوز (سوچ منارے) دے مجموعے وچ غزلاں نظماں گیت تے قطععات شامل نیں۔

غزلاں دا مجموعی تاثر بڑا جاندار اے۔ ہندکو شاعراں غزل وچ مقامی لہجہ تے لفظالی استعمال کیتی اے۔ ہندکو دا پشاور لہجہ مرکزی پنجابی نال ڈھیر ملدا اے تے ہزاروی لہجہ پوٹھوہاری

تے پہاڑی دے زیادہ قریب اے۔ تشبیہاں تے استعارے اپنے مخصوص جغرافیائی تے علاقائی رنگ دی ترجمانی کردے نیں۔ معاشرتی اونچ نیچ تے لوکائی دے دکھ، غم تے محرومیاں غزل دا اہم موضوع نیں۔ ایہدے نال نال غزلاں وچ جمالیاتی تے رومانوی رنگ خوب بھریا ہویا اے۔ کئی شاعراں اخلاقی تے صوفیانہ انداز اختیار کیتا اے۔ کچھ شاعراں دے کلام وچ گیت دارنگ تے موسیقیت اگھڑ ویں اے۔ جدید تے علامتی رنگ دا استعمال پختہ شاعراں دیاں غزلاں دا حسن اے۔ مزاح لکھن والیاں شاعراں غزل نوں دلچسپ تے من کچھواں بنا دتا اے۔ سیاسی تے انقلابی ذہن رکھن والے لکھاریاں انقلابی شعراں نال غزل وچ جذباتی شدت پیدا کیتی اے۔

پروفیسر بشیر احمد سوز لکھدے نیں:

”ہندکو غزل اردو غزل کی روایات کی امین ہے۔ اسکی ہیئت اور اس کا مزاج

وہی ہے جو اردو غزل کا ہے۔ جس طرح اردو غزل وقت کے ساتھ ساتھ نئے

لہجے اور آہنگ لئے جدتوں کی منزلوں سے گزر رہی ہے اسی طرح ہندکو شعراء

بھی غزل کو نئے نئے تجربات سے ہم آہنگ کرتے نظر آتے ہیں۔“ (7)

ہندکو غزل گو شاعراں دے کلام دا نمونہ ملاحظہ کرن نال اوہناں دے اسلوب، فنی چٹنگی

تے پیغام نوں سمجھیا جاسکدا اے۔ کلام دی ونگی پیش اے:

نا کوئی گن اے نا کوئی چچ اے

رل مل گئے نیں سب نا چچے

ساڈھی دھرتی رہی تہریائی

بڑے بڑے بدل گئے (8)

رومانوی انداز دی اک غزل دا نمونہ پیش اے جہدے وچ بڑیاں سونہیاں تشبیہاں تے

استعارے ورتے گئے نیں:

دل وچ لہہ گیا تکلدیاں ہار

یار میرا ننگی تلوار

آ گیا چھم چھم کر دایار

چیتر دی بدلی دے ہار (9)

فارغ بخاری دی غزل وچ حوصلے، ہمت تے امید دا پیغام موجود اے تے جیون دے

او کھے پینڈے نوں مکاوں دا چ دسیا گیا اے:

بل دی اک وچ سڑ پچ کے گلزار ہوویں تاگل اے

لئو دے دریا دے وچ تر کے پار ہوویں تاگل اے (10)

اکلا پا زندگی دی اک تلخ حقیقت اے تے غزل دا خاص موضوع اے۔ خاطر غزنوی

(کونجاں) دے کلام دی ونگی:

رات ہجر دی پہلاں پاندی

ڈیوے دی لو بچھ بچھ جاندی (11)

صابر حسین امداد (پشاور) ہند کو غزل دے پختہ شاعر نہیں اوہناں کول ماڑے دا استحصال،

طبقاتی کشمکش تے مظلوم و محروم طبقے دا احساس عام ملدا اے:

اٹھ دے دھوئیں دل دے دیکھے

پر دو دل نہ ملدے دیکھے

وقت تے کوئی امداد نہ آیا

بے ویلے سب ملدے دیکھے (12)

”دکھ سنجھیا لے“ پروفیسر آصف ثاقب تے پروفیسر بیگی خالد دی مرتب کردہ کتاب

اے۔ جس وچ ہزارہ دے ہند کو شاعراں دیاں غزلاں نظمناں شامل نہیں۔ نمونہ ملاحظہ کرو:

فر نہ کانگ بنیرے بولیا ٹنڈھ ایہہ جی اگ بالی

اج وی اکھیاں اگے پھر دی رات وچھوڑے والی (13)

سلطان سکون دی خوبصورت غزل دے نمونے:

کوئی حسن نہ کوئی جمال آہسا

نویں لہو دا سارا کمال آہسا (14)

اساں ڈٹھے ایس دنیا بچ کے کے رنگ رنگیلے لوک

اندر و دل دے کالے شاہ نہیں باہرو نہیں چمکیلے لوک (15)

پرواز تر بیلوی گیت دے رنگ وچ غزل لکھن دے ماہر نہیں:

گیت خوشی دے گاند اجلاں

اپنا من پر چاند اجلاں

دکھ دوئے دا ویکھ کے رُواں

اپنا روگ لکاندا جُلاں (16)

عبد الغفور ملک دی شاعری مقصدیت تے نصیحت نال بھر پور ہوندی اے۔ معاشرے دی بے حسی دی عکاسی انج کردے نیں:

کسے نہ میرے اتھرو پونجے کسے نہ آن پھرو لے دکھ

ہوٹھاں تے میں تالے لائے اکھیاں دے بچ بولے دکھ (17)

پروفیسر محمد فرید صوفیانہ تے اخلاقی موضوعات اَلِکین وچ مہارت رکھدے نیں۔ لوکائی دی بے حسی، نفسا نفسی تے ظلم دی تصویر کشی اوہناں کول موجود اے۔ اپنے آل دوالے دا نقشہ اوہناں دیاں غزلاں وچ حقیقت دارنگ اختیار کر لید اے:

اجڑی بستی گھر دیتے نیں

کندھاں ٹنگے پر دیتے نیں

اس دے دل بچ گھر نیں بنیا

لکھاں حیلے کر دیتے نیں (18)

ہندکو غزل توں دا ویرا کرن نال ایہہ گل واضح ہوندی اے کہ ایہناں شاعراں دا مشاہدہ بڑا ڈوگھا اے۔ اوہ پنجابی زبان دی شعری ریت توں واقف نیں۔ طبعی، جغرافیائی تے علاقائی فرق پاروں کجھ لفظی دا فرق موجود اے پر تشبیہاں، استعارے دواں تھاواں تے اکو چیسے نیں۔ اکو معاشرہ اک چیسے حالات، خیالات تے نظریات تخلیقی سانجھ پیدا کر دیندے نیں۔ سانوں ہندکو غزل وچ جتھے اخلاقی رنگ نظر آیا اے۔ او تھے ظلم تے استحصال دی ننڈیا وی نظر آئی اے۔ جتھے محبوب دی بے رخی دا ذکر او تھے معاشرے دی بے حسی تے سنگدلی دا عکس وی واضح نظر آؤندا اے۔ سادہ اسلوب، ٹھیٹھ الفاظ تے آسان مفہوم سونے تے سہاگہ اے۔ ہندکو ادب پنجابی ادب دی وسعت تے ترقی دا سبب بن رہیا اے۔ خیبر پختونخواہ وچ ہندکو دی ادبی شناخت ہندکو لکھاریاں دیاں کاوشاں دا نتیجہ اے۔ نوجوان نسل ہولی ہولی ادبی تے ثقافتی رنگ نوں اپنا رہی اے۔ جے لکھن تے چھپن دا عمل جاری رہیا تے ایہہ لکھاری منیر نیازی، شریف کنجاہی، عارف عبد المتین، سلیم کاشر، یونس احقر، رؤف شیخ، حکیم ناصر تے تنویر بخاری دی روایت نوں زندہ کرن وچ یقیناً کامیاب ہون گے۔

## حوالے

- 1- نویں نظم، سرفراز حسین قاضی، شیخوپورہ، فکر جدید پبلیکیشنز، 1976ء
- 2- پنجابی غزل دارِ ارتقاء، غلام مصطفیٰ بک، لاہور ادارہ پنجابی زبان و ثقافت، 1996ء، ص 26
- 3- سائیں احمد علی (سوانح - تنقید - ترجمہ) ظہور احمد اعوان ڈاکٹر، پشاور گندھارا ہندکو بورڈ پاکستان، 2008ء، ص 393
- 4- آزادی مگروں پنجابی ادب، مقالہ پروفیسر ریاض احمد شاد، لاہور پنجابی ادبی بورڈ، 1986ء، ص 136
- 5- قدیم ہندکو، خاطر غزنوی، مشمولہ، پشتو ہندکو، تور والی، گاوری، اسلام آباد، علامہ اقبال اوپن یونیورسٹی، 2004ء، ص 241
- 6- رشید احمد ڈاکٹر، صوبہ سرحد دا پنجابی ادب، 2010ء، ص 107
- 7- ہزارہ میں ہندکو زبان و ادب کی تاریخ، بشیر احمد سوز، ایبٹ آباد، ادبیات ہزارہ، 2009ء، ص 247
- 8- مٹھے ڈنگ، رضا ہمدانی، لاہور، آئینہ ادب انارکلی، 1979ء، ص 61
- 9- ایضاً، ص 91
- 10- کالی تہپ، فارغ بخاری، پشور، گندھارا ہندکو بورڈ پاکستان، ستمبر 2003ء، ص 30
- 11- کونجاں، خاطر غزنوی، پشور، ہندکو لٹریچر سوسائٹی، 1999ء، ص 45
- 12- کھورے سچ، صابر حسین امداد، ادراہ ابلاغ نوشہرہ کینٹ، 1992ء، ص 91
- 13- دکھ سنجھیا لے، مرتبہ آصف ثاقب، بیگی خالد، ایبٹ آباد، ہندکو ادبی سنگت، 1983ء، ص 102
- 14- دلسوٹھے، سلطان سکون، فیصل آباد، مثال پبلشرز، 2008ء، ص 103
- 15- ایضاً، ص 136
- 16- لکھ تے لکھ، پرواز تریبیلوی، ایبٹ آباد، ہندکو ادبی جرگہ، جنوری 2000ء، ص 56
- 17- نین کٹورے، عبدالغفور ملک، ایبٹ آباد، مصطفائی پریس، 1997ء، ص 9
- 18- سنجھ سوئل، محمد فرید پروفیسر، ایبٹ آباد ہزارہ پرنٹنگ پریس، 1987ء، ص 8

Khoj  
 Research Journal Deptt. of Punjabi  
 Language & Literature  
 Punjab University Lahore (Pakistan)  
 Vol:70, Jan.-June, 2013, pp 101-110

کھوج  
 تحقیقی مجلہ شعبہ پنجابی زبان و ادب  
 پنجاب یونیورسٹی لاہور (پاکستان)  
 جنوری - جون 2013ء، مسلسل شماره 70

## مثنوی حاجی محمد صفوریؒ کی صوفیانہ اہمیت اور اس کا فکری و فنی جائزہ

ڈاکٹر الطاف حسین لنگڑیال

ڈائریکٹر بہاولنگر کیمپس، اسلامیہ یونیورسٹی بہاول پور

### Abstract

Haji Muhammad Safoori (1880-1934) was a Sufi Poet of Punjabi's central accent Rachnavi. He wrote a famous folk lore of sub-continent "Sussi Punnu" in the shape of 'Masnavi'. It is a tradition of Islamic Sufism to present the Sufism's approaches in the shape of stanzas, poems and through folk lore stories. Through this method they tried to engage the attention of common people and finally succeeded to convey their message of love, peace and harmony and this way they had provided the answers of basic questions of human beings. reason of human creation, human responsibilities in this world and its impact on the life of Hereafter. This article is a critical study of Sahibzada Haji Muhammad Safoori's above mentioned Masnavi, its importance in Sufi literature and its ideological and artist significance.

دریائے راوی پر ضلع خانیوال اور ٹوبہ ٹیک سنگھ کے سنگم پر ہیڈ سڈھنائی سے شمال کی طرف قریباً



چار پانچ کلومیٹر، اٹھارویں صدی عیسوی کی معروف صوفیہ حضرت مائی صفورہؒ (1742ء-1794ء بمطابق 1155ھ-1209ھ) آسودہ خاک ہیں۔ آپ کے آباء اجداد سدوزئی پٹھانوں کے قبیلے کے ہمراہ قندھار کے راستے ہجرت کر کے ملتان آئے تھے اور بعد ازاں شورکوٹ کے نواح میں بس گئے۔ آپ کے جد امجد خواجہ فتح محمد داؤد فاروقی قادری سلسلے کے بزرگ تھے۔<sup>(1)</sup> انہی کی پوتی اور اسی سلسلے ہی میں مائی صاحبہ اپنے دور کی صاحبہ حال ولیہ گزری ہیں اور مرجع خلائق تھیں۔ مائی صفورہؒ کی اولاد میں بہت سارے نامور اور باکمال بزرگ پیدا ہوئے جنہوں نے شریعت اور طریقت کے اس چشمے کو جاری رکھا جس کو مائی صاحبہ نے اپنی زندگی میں جاری کیا۔ انہی خدا رسیدہ ہستیوں میں صاحب زادہ حاجی محمد کا نام بھی خاصا مشہور ہوا۔ آپ 1880ء میں پیدا ہوئے اور خاندانی رواج کے مطابق دینی اور دنیاوی تعلیم مقامی مکتب سے حاصل کی۔ حاجی محمد صفوری جوانی میں عشق مجازی میں گرفتار ہوئے مگر شریعت اور خاندان کے بندھنوں کے باعث حد سے گزرنے سے باز رہے۔ بے قرار ہو کے گھر سے باہر نکل پڑے اور روحانی سکون کے حصول کے لئے مختلف عالموں، صوفیوں اور درویشوں کی خدمت میں حاضر ہوئے یوں عشق مجازی کے جذبات آہستہ آہستہ عشق حقیقی میں ڈھلتے گئے۔ اور ان کی منزل خدا کی ذات بن گئی۔ پہلے پہل جب گوہر مقصود ہاتھ آتا نظر نہ آیا تو گھبرا کے کہہ اٹھے:

بجر عمیق حقیق اندر تحقیق رفیق سوائے

بوڑ کروڑ گئے گھر اپنا لعلان دے سدھرائے

گھسن گھیر وھیر اندر پئے ڈھیر تے فیر نہ آئے

حاجی محمد باجھ شناور کون بجر تر جائے (2)

پھر حقیقت تک پہنچنے کی کٹھن راہ پر غالب آنے کیلئے قاضی الحاجات کے حضور یوں التجا کرتے ہیں:

رمز تری کوئی گجھی ماہی لبھے کسے نوں ناہیں

وسنائیں کو لے رکھنائیں اوہلے لاه حجاب کدراہیں

مدتاں ہوئیاں بھال کریندیاں پئے گیاں اوچھڑ راہیں

حاجی محمد دس کوئی حیلہ کچھ ونجاں کس راہیں (3)

پنجابی زبان کے مرکزی لہجے کے اس صوفی شاعر کی ساری زندگی مریدوں اور عقیدت

مندوں کی روحانی تربیت میں گزرگئی اور وہ 27 فروری 1934ء کو اس دارفانی سے کوچ فرما گئے۔ مائی صفورہ کے مقبرے کے پاس آرام فرما ہیں۔ چچا کی بیٹی سے شادی ہوئی تاہم کوئی اولاد نہ ہوئی۔ آج ان کی کتاب ”سسی پنوں“ کے سوا ان کی کوئی یادگار باقی نہیں۔ (4)

### کتاب سسی پنوں از حاجی محمد صفوری کا فنی و فکری جائزہ:

شعر اور لوک داستانوں کو نظم کر کے ان میں صوفیانہ رنگ اور اس راستے سے منازل سلوک اور مشکلاتِ طریقت کا بیان اسلامی صوفی روایت کا لازمہ ہے۔ ابن عربی کا نام اس روایت کے اولین ناموں میں آتا ہے تاہم برصغیر میں تو صوفیاء کے ہاں یہ انداز کچھ زیادہ ہی مقبول ہے۔

ہماری اس دھرتی پر لوک داستانوں میں جتنے قصے مشہور ہوئے ہیں ان میں ’سسی پنوں‘ قصے نے ہمہ گیر شہرت حاصل کی ہے اور یہ قصہ برصغیر کی تمام زبانوں میں نظم کا روپ دھار چکا ہے۔ ایک محتاط اندازے کے مطابق صرف پنجابی زبان میں کم از کم ایک سو شاعر ایسے گزرے ہیں جنہوں نے شاعری کی کسی نہ کسی من چاہی صنف میں اس معاشقے کو پیش کیا ہے۔ سسی پنوں کے بارے میں مختلف زبانوں میں جو شعری مجموعے ملتے ہیں ان کے مطالعے سے معلوم ہوتا ہے کہ دراصل جو شاعر صوفی تھے انہوں نے تصوف اور اخلاق کی گہری رموز کو اس پریم کہانی میں پرو کر بیان کیا ہے۔ صاحبزادہ حاجی محمد صفوری بھی بزرگوں کے اسی گروہ کے عظیم فرد تھے۔

1- انہوں نے اس قصے کا پلاٹ ”تحفۃ الکرام“ مصنفہ میر علی شیر قانع تنوی، ”تاریخ بلوچستان“ مصنفہ رائے بہادر ہتورام، ”سسی پنوں“ مصنفہ حضرت صالح محمد اور ”سسی پنوں“ مصنفہ سید ہاشم شاہ، کو سامنے رکھتے ہوئے تیار کیا اور منتخب واقعات کی کڑیوں کو ملاتے ہوئے اس بات کا خیال رکھا کہ مثنوی کے فنی تقاضے بدرجہ اتم پورے ہوں اور موقع کی مناسبت سے مذہبی عقائد، صوفیانہ افکار اور اخلاقی تعلیمات کا پرچار بھی جاری رہے۔ یاد رہے کہ صاحبزادہ حاجی محمد صفوری کے بزرگ حضرت صالح محمد صفوری نے صوفیانہ واردات کے اظہار کے لیے پنجابی میں ”سسی پنوں“ کے ساتھ ساتھ فارسی زبان میں ”سوہنی مہینوال“ کے قصے کو بھی ذریعہ اظہار بنایا ہے۔ (5)

2- سسی پنوں کے سارے کردار ہماری اس دھرتی کے جیتے جاگتے اور حقیقی کردار لگتے ہیں

اور ہر کردار اپنے مزاج، جذبات اور عادات کے اعتبار سے کسی جانے پہچانے فرد کی بھرپور نمائندگی کرتا ہے۔ اگر کہیں قصے کی ہیروئن سے مافوق الفطرت عمل ظاہر ہوا بھی ہے تو اس کی تائید کے لئے مذہبی عقیدہ اور تاریخی حوالہ پہلے سے موجود ہے۔

3- صاحبزادہ حاجی محمد صفوری بڑے درد مند، نرم دل، خوش ذوق، شیریں زبان اور غیر متعصب انسان تھے۔ اسی لئے ان کی مجلس میں ہر علاقے، ہر درجے اور ہر فرقے کے لوگ شریک ہوتے تھے۔ اور وہ ہمیشہ سادہ عام فہم اور پرتا شیر چنناوی لہجے میں وعظ فرماتے تھے۔ البتہ عالمانہ گفتگو میں عربی، فارسی اور ہندی الفاظ بے تکلف استعمال کرتے تھے اور یہی خصوصیت ان کے شعروں میں بھی نمایاں ہے۔<sup>(6)</sup>

4- صاحبزادہ موصوف جامع کمالات تھے وہ عشق مجازی کے رمز آشنا اور عشق حقیقی کے لذت شناس تھے۔ مذہبیات کے فاضل اور متعدد زبانوں کے ماہر تھے۔ تہذیبی مطالعہ کے شائق اور معلومات کا خزانہ تھے۔ منشرع سجادہ نشین اور صاحبِ حال صوفی تھے۔ موسیقی کے شیدائی اور قادر الکلام شاعر تھے۔ یہ سارے اوصاف ان کی مثنوی میں اس انداز میں کارفرما ہوئے ہیں کہ وہ صوری اور معنوی محاسن کا حسین ترین مرقع بن گئی ہے۔

5- فنی لحاظ سے ان کی شاعری میں تشبیہ، استعارہ، مجاز مرسل، کنایہ، بدائع، صنائع، تلمیح اور مبالغہ کا جا بجا محل استعمال ان کے اشعار کو چار چاند لگا دیتا ہے۔ اور قاری ان کے سحر میں ایسا مبتلا ہوتا ہے کہ وہ ان کی مثنوی کو اس حالت میں پڑھتا چلا جاتا ہے کہ اس کے دل و دماغ کی دنیا تہہ و بالا ہوتی چلی جاتی ہے۔ روح کے اندر عجب انداز کی تلاطم خیز موجیں اٹھتی ہیں جو بالآخر آنکھوں کے بند توڑ کر کسی منہ زور سیلاب کی صورت بہہ پڑتی ہیں۔ اور گرد سے اٹی دل کی دنیا کو صاف شفاف کر دیتی ہیں۔ نمونہ کلام ملاحظہ ہو۔ شاعر اپنی قادر الکلامی اور اس وصف کے وہی ہونے کا اظہار یوں کرتا ہے:

شعر کرن دی جاچ نہ مینوں ڈردا شعر نہ آکھاں  
درد ہووے دل شاعر دے شعر آون بھن بھن کھا کھاں  
درد منداں دے کال ہمیشہ شاعر ہوئے لاکھاں  
حاجی محمد درد دلاں دے جالن جنگل راکھاں<sup>(7)</sup>

وہ عبادات میں محض ظاہری پوجا پاٹ کو بے فائدہ سمجھتے ہیں۔ وہ اس معاملے میں اخلاص اور محبت کو ضروری خیال کرتے ہیں۔ اندر باہر دونوں کی صفائی کے قائل ہیں اور تکبر کو اس راستے کی سب سے بڑی رکاوٹ سمجھتے ہیں یعنی وہی مستصوفین دنیا داروں اور مال و زر کے طالبوں کے بارے میں فرماتے ہیں:

من میلای تن اجلا متھے محراب لگائیں ، شیخ سداویں  
 من دامنکا مول نہ پھیریں تسبیح رول رتجھائیں ، بید بناویں  
 متھے تلک تے ہتھ وچ گڑوی گنگا جل وچ نہاویں ، کتھاسناویں  
 حاجی محمد خودی تکبروں جاں تک باز نہ آنویں ، راز نہ پانویں (8)

سسی کے صندوق میں ڈال کر دریائے سندھ کے سپرد کرنے اور دریائی بلاؤں کی اس پر یلغار کی منظر کشی دراصل روح کے جسم میں داخل ہونے ، اس دنیا میں آنے اور یہاں کے مصائب اور شیاطین کے حملوں سے عبارت ہے۔ پُر کار و پُر گو صوفی شاعر ایک مومن کو ان بلاؤں سے یوں خبردار کرتے ہیں:

اٹھ قسمت سد گھاڑو جلدی کر سامان سفر دے  
 مانگر مچھ کھلے اڈ کیندے بھٹکھے ماس بشر دے  
 منت من سیسار سندھل دے پیاسے خون جگر دے  
 حاجی محمد کچھو کاہلے کھلے تمام بحر دے (9)

جسدِ انسانی کی صنایعِ اعظم کے ہاتھوں لاجواب تخلیق اور جسم و روح کے تعلق اور موت کو ایک اور جگہ یوں بیان کرتے ہیں:

پنجرہ گھڑیا گھاڑواں سوہنا گجھ نہ رکھی کائی  
 پکڑ پکھیر و قید کیتونے ترس نہ کیتا رائی  
 پنجرہ جدوں پرانا ہو یا اوڈ گیا مرغ ہوائی  
 حاجی محمد قدر قضا دی رمز کسے نہ پائی (10)

مصائبِ زمانہ، مسائل و مشکلات اور شیطانی حملے اس دنیا کی زندگی کا لازمی حصہ ہیں۔ ایک مومن صادق کے لیے تقویٰ اور پروردگارِ عالم اور مقصودِ حقیقی کے علاوہ ان سے نبرد آزما

ہونے کے لیے کوئی اور سہارا نہیں ہوتا۔ مومن کے لیے اس دنیا کے دہشت ناک اور طوفانی شب و روز کو شاعر سسی کے دریا میں صندوق بند سفر کی منظر کشی کے پردے میں یوں بیان کرتا ہے:

ٹھاٹھیں بنھ بنھ ہاٹھی آون راٹھی بن لشکر دا  
دہشت ناک اٹھیون دھڑیاں پیون خون جگر دا  
سیہڑاں دے وچ بھیڑاں آون سہے صندوق صبر دا  
حاجی محمد شوہ دریاویں ہک تکیہ پرور دا<sup>(11)</sup>

اور اسی مضمون کو زندگی کے کسی عہد میں تمام شیطانی حیلوں اور چالوں کے مقابلے میں راہِ حق پر عزیمت و ثابت قدمی کی عکاسی، رچناوی الفاظ کا خوبصورت استعمال کرتے ہوئے کہتے ہیں:

ستارواں دینہ سسی لڑھدی نوں بکھن ٹکراں مارے  
مانگر مچھ جھوڑے جوڑے ہار کھلوتے سارے  
وات پدھار سیسار تھکے صندوق چھٹا ہر وارے  
حاجی محمد وس نہ چلے پھ کھلے ہتھیارے<sup>(12)</sup>

مندرجہ بالا بند میں بکھن کا ذکر شاعر کے وسعتِ مطالعہ اور مشاہدے کی دقتِ نظری کی دلیل ہے۔ دریائے سندھ میں پائی جانے والی اندھی ڈولفن کو سندھی زبان میں ”بکھن“ کہتے ہیں۔ یہ دنیا کی انوکھی اور واحد جنس ہے جو صرف دریائے سندھ میں پائی جاتی ہے۔

خالصتاً فنی اعتبار سے بھی حاجی موصوف کا کلام ایک ایسا ادبی خزانہ ہے جس میں شعری منظر کشی کیلئے ایسی خوبصورت اور بر محل تشبیہات اور استعاروں کا جا بجا دل موہ لینے والا استعمال کیا گیا ہے جو نہ صرف رچناوی زبان میں نایاب ہے بلکہ اس طرح کی وافر مثالیں دیگر معاصر زبانوں کے شعراء کے ہاں بھی ملنا مشکل ہیں۔ دریائے راوی کے پڑوس میں آسودہ خاک ہمارے محترم صوفی شاعر کی منثوی میں بھی راوی کے پانی کی طرح بلا کی تیزی اور کاٹ ہے۔ منہ زور دریا کی طرح بلا خیز لہروں پر لہریں اور چٹلوں پر چھلیں شعروں کے بند توڑتی محسوس ہوتی ہیں۔ بند ملاحظہ کیجئے:

وال سسی دے بشیر کالے ڈردی کوئی نہ چنڈے، سیس نہ گنڈے  
زہری ناٹگاں ڈنگ سنوارے مار نہارے گنڈے، کھیرے گنڈے

چھلی کڈھ کڈھ لین اُارے پھنیر پھو کے پھنڈے، پوچھل اُنڈے

حاجی محمد باجھ سپودھیاں کون رکیلے تے کُنڈے ، منتر مُنڈے (13)

اس بند میں جہاں شاعر فنی پختگی کے بام عروج پر ہے وہیں اس دنیا کی کاٹ اور زہرناکی، اس کے نازخے، ایک صوفی اپنی طرف متوجہ کرنے اور غیر اللہ کی طرف متوجہ کرنے اور منزل مراد کھوٹی کرنے ہزاروں جتن اور نت نئے دل لبھانے والے مناظر کی دلکشی سے بچ نکلنے کا کوئی راستہ ماسوائے علم و عمل کے لحاظ سے کامل اصفیاء کے نہیں جانتا اور نہ ہی ان سے نبرد آزما ہو سکتا ہے۔ جیسے خطرناک سانپوں کی بے بہا نوع کی بھیڑ میں جید شکاری اور کہنہ مشق جوگی ہی ان کی زہرناکیوں سے بچ کر ان کو پکڑ سکتے ہیں۔

اسی طرح مندرجہ ذیل بند میں دنیا کی آنکھوں کو ظالم اور نہایت تیز و طرار شکاری عقاب سے تشبیہ دی ہے جو بھوکا جو عان بھی ہے جبکہ دوسری طرف اس دنیا کی دل لبھانے والی ادائیں قندھار کے جری شیر جوانوں کی طرح ذبح کر دیتی ہیں اور عام انسانوں، مسافروں کا تو وادی صفا میں قدم رکھنا ہی محال ہے۔ عامۃ الناس تو شیطان کا اسی طرح لقمہ تازہ ہیں جیسے باز بڑے آرام سے چڑیوں کو شکار کرتا ہے:

نین سسی دے ظالم خونی بھگھڑے باز شکاری ، لین طراری

ویکھن نال حلال کرن کڈھ مارن تیر کٹاری ، مرد قندھاری

باز چھٹے کویں آون خالی جھاٹ مریندے کاری ، بنھ کے طاری

حاجی محمد چڑیاں کیونکر جاون مار اڈاری ، کر ہشیاری (14)

شاعر کے نزدیک اس دنیا کی یہ خیرہ کردینے والی ادائیں، اس کے لب و رخسار اور گیسوہائے دراز اور زیوراتِ دلاویز، ایک چنچل دوشیزہ کی مانند ہیں جس کے ماہتاب رخ انور کی جھلک دیکھنے کے آرزو مند فرشتوں جیسی مخلوق بھی ہو سکتی ہے، تاہم یہ کیسی بے ثبات دنیا ہے بس آج کل کی مہمان دنیا، اس کی ہر شے عارضی ہے۔ قضا کے فرشتے تو ہر دم تیار اس کے خاتمے کے لیے حکم کے منتظر ہیں:

سسی دے سر چھتے سو ہندے بندے گئیں لگدے ، لال جھلگدے

رخ انورنوں ، ماہ بدرنوں ویکھن کان تمکدے ، ملک فلک دے

ناز نہورے، چنچل ٹورے، سبھ مہمان پلگ دے، اَنج بھلگ دے  
 حاجی محمد قہر قضا دے ہر دم و تَن و کدے ، تینوں تگ دے (15)  
 قلم اور لفظ کے تعلق اور اپنی تحریر و تخلیق کی تاثیر کے حوالے سے شاعر کا لاجواب بند ملاحظہ ہو:

قلم فراق دے کلمے لکھ لکھ سینہ چاک کرایا  
 رو و حرف حزن دے پاوے سوز گداز سوایا  
 ڈر ڈر لکھدا تھر تھر کنبد ا ہے محتاج پرایا  
 حاجی محمد بے وس کا تا قلم کُشاں ہتھ آیا (16)

شاہ و گدا، اچھے بُرے، جوان و پیر اور ہر ذی روح کے لیے موت کے اٹل ہونے کا ذکر  
 بہت خوب صورت پیرائے میں پیش کرتے ہیں جس سے ان کا مدعا اپنے ارادت مندوں کو بالخصوص  
 اور عوام الناس کو بالعموم آخرت کی تیاری پر آمادہ کرنا ہے، مندرجہ ذیل بند ملاحظہ ہوں:

کال سمھال کرے کل جگ دی کسے کولوں نہ ٹلے  
 بھلے بُرے سبھ ہار چلے کئی خان جوان اوتے  
 شاہ گدا سبھ جھوک لدا گئے لکھ لاڈاں دے پلے  
 حاجی محمد ہر زندے نوں اوڑک پین پٹھلے (17)

اڈگئی بلبل چھڈ اشیانہ سٹ کے تاگھ چمن دی  
 اَنج ونجاں یا بھلکے جانواں آہی تیار کدن دی  
 راتیں سُنیاں یاد پئی گل اٹھیس حُب وطن دی  
 حاجی محمد یاراں ملیاں کی اے لوڑ کفن دی (18)

ہمارے ممدوح صوفی شاعر نے اپنی مثنوی کا آغاز کرنے سے پہلے روایتی طور پر حمد  
 باری تعالیٰ 'تمہید' کے عنوان سے کیا ہے۔ اسی طرح نعت رسول کریم ﷺ بعنوان فخر بنی آدم باعث  
 تکوین عالم بھی شامل اشاعت ہے۔ مدحت خلفائے راشدین بعنوان درصفت ارکان دیوان  
 محمدی، مناقب اہل بیت، مناقب غوث الثقلین، درصفت سلطان الاولیاء حضرت عبدالحکیم، درمدح  
 شہسوار طریقت پیر مہر علی گولڑوی بھی ان کی اس مثنوی کے آغاز سے پہلے موجود ہیں (19) تاہم

ہمارے مطالعہ کا اصل محور ان کی مثنوی ’سسی پنوں‘ ہے جس کا تنقیدی اور فکری و فنی جائزہ پیش کر کے اس کی صوفیانہ طریق کار کی روشنی میں اہمیت بیان کرنا مقصود ہے۔ اس لازوال مثنوی کا اختتام شاعر یوں کرتا ہے:

آ قلم ہن بس کر لکھنوں دُکھڑے درد منداں دے  
 سینہ چیر کے زخمی کیتائی لکھ لکھ درد دلاں دے  
 اوڑک دل توں داغ نہ جان دے وچھڑ گئے سبناں دے  
 حاجی محمد خاک دے جائے آخر خاک سماندے<sup>(20)</sup>

صاحبزادہ حاجی محمد کی مثنوی ’سسی پنوں‘ ایک لاجواب شعری تخلیق ہے جو روحانی نکتہ سنجیوں اور طریقت کی زاویہ آفرینیوں سے بھرپور ہے۔ زیر نظر مقالے کے صفحات کی تنگ دامانی ان کے فن کی اثر آفرینی کا بھرپور احاطہ کرنے سے قاصر ہے۔



## حوالے

- 1 یوسف طاہر، صاحبزادہ: کلیات صالح محمد صفوری معہ ضمیمہ مائی صفورہ تے علی حیدر؛ مکتبہ صفوریہ، آئیڈیل سکول بلڈنگ، عبدالکلیم شہر، ضلع خانیوال، ص 23
- 2 صفوری، حاجی محمد، صاحبزادہ: سسی پنوں؛ مرتب صاحبزادہ محمد یوسف طاہر ایم اے، آئینہ ادب چوک مینار نارکلی، لاہور 1972ء ص 17
- 3 صفوری، حاجی محمد، صاحبزادہ: سسی پنوں، ص 18
- 4 طاہر، محمد یوسف، صاحبزادہ: مقدمہ سسی پنوں از حاجی محمد صفوری، ص 17, 18
- 5 یوسف طاہر، صاحبزادہ: کلیات صالح محمد صفوری معہ ضمیمہ مائی صفورہ تے علی حیدر؛
- 6 طاہر، محمد یوسف، صاحبزادہ: مقدمہ سسی پنوں از حاجی محمد صفوری، ص 18, 19
- 7 صفوری، حاجی محمد، صاحبزادہ: سسی پنوں، ص 33
- 8 ایضاً ص 38
- 9 ایضاً ص 39
- 10 ایضاً ص 41
- 11 ایضاً ص 44
- 12 ایضاً ص 46
- 13 ایضاً ص 51
- 14 ایضاً ص 52
- 15 ایضاً ص 51, 52
- 16 ایضاً ص 264
- 17 ایضاً ص 58
- 18 ایضاً ص 266
- 19 ایضاً ص 21 تا 32
- 20 ایضاً ص 266

Khoj  
Research Journal Deptt. of Punjabi  
Language & Literature  
Punjab University Lahore (Pakistan)  
Vol:70, Jan.-June. 2013, pp 111-120

کھوج  
تحقیقی مجلہ شعبہ پنجابی زبان و ادب  
پنجاب یونیورسٹی لاہور (پاکستان)  
جنوری۔ جون 2013ء، مسلسل شمارہ 70

## پنجابی کہانی دا اک صدی دا سفر

ڈاکٹر جمیل احمد پال

صدر شعبہ پنجابی، گورنمنٹ شالیمار کالج، لاہور

### Abstract

Short story is a popular form of modern literature. In Punjab, it has roots in pre-historic period but in modern age, it has travelled from English to Punjabi. After british age, literate people tried to write short story in their mother tongue successfully. Having an age of a century, short short has now deep roots and a vast canvas. Modern Punjabi short story has all the colours and flavours found in short stories of other languages. This article is a study of the travel of short story in Punjabi language.

کہانی آ کھناتے سننا ازل توں اچ تک انسان دی فطرت رہی اے ایس لئی ”کہانی“ شروع توں ای ای کسے نہ کسے شکل وچ موجود رہی۔ پنجاب اندرونی ون سونے انداز دیاں کہانیاں ہزاراں سالوں توں پرچلت نیں پر ایہہ وی حقیقت اے کہ صنعتی معاشرے دے جنم لین توں پہلاں کہانی دا لہجہ داستانی تے غیر حقیقی رہیا، جیہدے وچ غیر فطری کرداراں تے واقعاں دی بھرمار ہوندی سی۔ پنجاب وچ مختلف داستاناں تے باتاں عام سن، اچ توں چالھی پنجاہ سال پہلاں تیکر نیچے راتیں سون توں پہلاں ماں یاں نانی/دادی کولوں کہانی سن کے سوندے ہوندے سن۔ ”اجوکی کہانی“ دے مرتبین دا خیال اے کہ کہانی نے پنجاب وچ ای جنم لیا۔ اوہناں دے خیال مطابق:

”دنیا بھر دے عالم ایس تے متفق نیں کہ سبھ توں پہلیاں کہانیاں، جیہڑیاں قلم بند ہونیاں اوہ ”سپت سندھو“ (مغربی پاکستان) دے اوس علاقے وچ ہونیاں سن، جیہنوں کل تائیں پنجاب آ کھیا جانداسی۔ حضرت عیسیٰؑ توں گھٹو گھٹ دو ہزار ورھے پہلاں ”رگ وید“ رچیا جاکھیا سی، ایہدے وچ دنیا دی پیدائش تے ہور

کئی اجیبیاں کہانیاں نہیں، جیہناں بارے عالماں دا خیال اے پئی ایہہ اوس ویلے  
دیاں لوک کہانیاں نہیں، جیہناں نوں ”رگ وید“ وچ اکٹھا کردتا گیا اے۔“ (1)

اجو کے افسانے یاں شارٹ سٹوری دا بانی مغرب والیاں نوں آکھیا جاندا اے۔  
عبدالغفور قریشی دے بقول سبھ توں پہلوں اطالوی زبان وچ لقمان حکیم دیاں ”ایسوپ فبیلز“ تے  
مویل دے ناں دیاں کہانیاں وجود وچ آئیاں (2)

”ڈی کیمرن“ دے بعد امریکا دے ایڈگراہیلن پویاں روس دے گوگول نوں اج وی کہانی  
دا موجود بنیا جاندا اے۔ عبدالغفور قریشی لکھدے نیں:

”کئی کہانی دی جنم بھومی امریکا تے اسدا جنم داتا ایڈگراہیلن پومین والیاں نالوں  
وکھرے وی کجھ سیانے نیں، جیہڑے ایہو درجہ روس تے اوتھوں دے مشہور  
لکھاری نکولائی گوگول (1809) نوں دیندے نیں۔“ (3)

ایسے کئی کہانی نوں وچ ویہاں کہانی کاراں نے عروج اُتے اپڑایا۔ اصل وچ جاگیرداری دور  
وچ لوکاں کول اپنا ویلا ہوندا سی کہ اوہ لے لے قسے تے داستاناں سن تے سنا سکدے پر صنعتی دور  
آون نال لوکاں کول ویلا گھٹا لگا گیا۔ کہانی دے شوقیناں نوں کسے اجہی مختصر چیز دی ضرورت جاپی  
جیہڑی اوہ کم دے تھوڑے جیسے وقفے، بس وچ بہہ کے گھر توں کم دی تھاں آوندے جاندے، یاں  
انجے کسے مختصر ویلے وچ پڑھ سکے۔ دو بے پاسے پرہس دی ایجاد پاروں پرچاکاری یعنی صحافت  
عروج اُتے پہنچ گئی۔ ون سونے اخبار رسالیاں لئی ضروری ہو گیا کہ اوہ قارئین وچ مقبول ہون لئی  
کہانیاں ودھ توں ودھ شائع کرن۔ ایس چیز نے کہانی نوں بہت فروغ دتا۔

برصغیر وچ پرہس نوں متعارف کران دا سہرا انگریزاں دے سر اے۔ انگریزاں ولوں کتاباں  
چھاپن دا اک وڈا مقصد عیسائی مذہب دا پرچار سی ایس لئی ریکارڈ اُتے ایہہ گل موجود اے کہ سبھ توں پہلاں  
عیسائی مشنریاں نے اپنا مذہب پھیلاون لئی دوجیاں زباناں دے نال نال پنجابی وچ قسے کہانیاں لکھن دی  
نیت رکھی۔ انجیل وچوں لئے گئے قسے کہانیاں نکلے نکلے پمفلٹ دی شکل وچ چھاپے گئے۔ انگریزی نظام  
پڑھن والے مقامی لوکاں نے مقامی زباناں وچ کہانی نوں کھلا دتا۔

انگریزاں دے آون تے یورپی ملکاں دا اب پڑھن تے، ایہتھوں دے پڑھے لکھے لوکاں  
ایہناں نویاں لوڑاں مطابق ڈھالن دی شعوری کوشش ویہویں صدی دے مڈھ وچ کیتی۔ اودوں ای  
ناٹک، ناول تے دوجے ادبی اظہاراں نوں اپنایا گیا، جیہناں وچوں اک کئی کہانی وی سی۔ (4)

انگریزاں دے آون دے کجھ چر بعد ای پنجابی دے گرکھی رسم لخط وچ ٹائپ تیار ہو چکی  
سی۔ ایس لئی سکھاں نے وی مذہبی کہانیاں لکھنیاں شروع کیتیاں، پنجابی وچ ناول تے کہانی 1892  
وچ شروع ہو چکی سی پر باقاعدہ کہانی وچ سب توں پہلاں کہانی کار لال سنگھ کملا اکالی نوں مہیا جاندا

اے جیہناں نے 1911 وچ پنجابی افسانہ لکھنا شروع کیتا جد کہ 1913 وچ گربخش سنگھ نے وی مختصر کہانی لکھنا شروع کیتی۔ گربخش سنگھ دیاں ایہہ کہانیاں بعد وچ اوہناں دے مجموعیاں وچ شامل ہوئیاں۔ تقریباً ایسے دور وچ ای بھائی ویر سنگھ (1872ء-1925ء) نے وی پنجابی کہانی لکھی تے گجھ لوک ایہناں نوں ای پہلا کہانی کارمندے نیں۔ ڈاکٹر شہباز ملک نے کملا اکالی تے گوربخش سنگھ نوں باقاعدہ پنجابی افسانہ دے موڈھی شمار کیتا اے۔<sup>(5)</sup>

1921ء وچ پور زمانہ پنجابی رسالے ”پریتیم“ نے ”پھلوڑی“ جاری ہوئے جیہناں وچ اپنے زمانے دے لحاظ نال بڑیاں سوہنیاں کہانیاں چھاپیاں گئیاں ایہناں وچ موہن سنگھ وید تے چرن سنگھ دے نال ذکر جوگ نیں۔ ایہناں کہانیاں دے عام موضوع دھارمک (مذہبی) تے سماج توں سدھارن والے سن۔ موہن سنگھ وید دا پہلا مجموعا ”ہیرے دیاں کنیاں“ 1927 وچ چھاپے چڑھیا سی۔ گربخش سنگھ اپنی حیاتی دا اک وڈا حصہ امریکا وچ پتا کے آئے سن اوہ سماج واد (سوشلزم) توں متاثر سن۔ جوان، جذباتی تے وسائل والے سن۔ اوہناں نے ”پریت لڑی“ دے نال نال بہت ای معیاری رسالا شروع کیتا تے پنجابی کہانی نوں وی نویاں راہواں دکھائیاں۔ اوہناں دا مجموعا ”پریت کہانیاں“ دے نال نال 1927 وچ چھپ کے ہر پاسے تھرتھلی پا گیا۔<sup>(6)</sup>

پنجابی کہانی دے ایتھوں تیک دے سفر وچ سانوں بہتے نال سکھاں دے ای ملدے نیں پر 1929 وچ جوشوا فضل دین نے لایل پور (موجودا فیصل آباد) توں ”پنجابی دربار“ دے نال نال اک رسالا کڈھیا۔<sup>(7)</sup>

جوشوا فضل دین دا مہینا وار ”پنجابی دریا“ فارسی رسم الخط وچ سی تے ایس رسالے دی وجہ کر کے کہانی لکھن والیاں دی اک کھیپ سامنے آئی جہدے وچ اظہر حیدر، فضل شاہ، رشید احمد گجراتی، میراں بخش منہاس، تاج الدین تاج، محمد رفیع ستم، خواجا ظہور الدین احمد، مولا بخش، ریاض انور، خورشید عالم، پادری جلال الدین، بشیر الدین، فضل الہی قریشی، مولا بخش لون، عابد زبیری، پنڈت شو لال بسمل، ہزارہ سنگھ، مہر سنگھ مہر وغیرا دے نال شامل نیں، آپ جوشوا نے صرف طبع زاد کہانیاں لکھیاں سگوں انگریزی توں ترجمہ وی کیتیاں جیہڑیاں بعد وچ اوہناں دے مجموعیاں وچ شامل ہوئیاں۔ انج 1930 دی دہائی تیک پنجابی کہانی اپنا اک دکھرا مہاندرا بنا چکی سی تے لکھن والیاں دی اک اجہی کھیپ سامنے آگئی سی جیہنے بعد وچ پنجابی کہانی نوں لازوال تحفے دتے۔ مشہور پنجابی ناول نگار نانگ سنگھ نے وی ایس دور وچ ای ناول دے نال نال مختصر کہانی لکھنی شروع کیتی۔

مشہور ہندی کہانی کار پریم چند دی کنڈ تھاپڑی پٹھ 1936 وچ ترقی پسند تحریک دی نینہ رکھی گئی۔ ایس تحریک وچ اردو ہندی لکھن والیاں دی تعداد بہت رہی، پر برصغیر دیاں ہور وڈیاں زباناں خاص کر بنگالی تے پنجابی وی بہت متاثر ہوئیاں۔ ترقی پسند تحریک نے فراری ادب، ہیئت پرستی،

کھوکھلی رومانویت، نسلی تعصب تے انسانی استحصال دی مخالفت دا نعرا لایا تے ایہدے اثر پاروں پنجابی کہانی وی نویں سواداں تے نویں روایاں توں جانو ہوئی۔ ایس دور وچ ناول نظر انداز ہو یا پر کہانی نے بہت عروج پایا۔ اکثر افسانہ نگاراں نے مغربی ٹیکنیک توں مکھ رکھ کے کہانیاں لکھیاں تے پنجابی کہانی دا کیوس وسع توں وسیع تر ہون لگ پیا۔ ایس دور وچ ای مشہور زمانہ شاعر امرت پریتم وی شاعری دے نال نال کہانی لکھن لگے۔ اوہناں دے دو مجموعے ”چھبی ورھے بعد“ تے ”کنجیاں“ 1943 وچ چھاپے چڑھے۔

پاکستان بنن توں بعد دا کجھ عرصا اتھل پتھل دا زمانہ سی۔ ایس دور وچ پنجابی لکھن والے سارے ای سکھ لکھاری بھارت چلے گئے تے میدان سکھنا رہ گیا۔ 1948 وچ روزوار ”آغاز“ نے پنجابی سپلیمنٹ شروع کیتا جیہدے وچ سجاد حیدر دی اک ادھی کہانی چھاپے چڑھی۔ (8)

1951 وچ ڈاکٹر فقیر محمد فقیر نے ”پنجابی“ دے ناں توں پنجابی زبان وچ اک مہینا وار شروع کیتا۔ فقیر محمد فقیر مرحوم پنجابی زبان دے عملی کارکن سن تے اوہناں نے بہت سارے اُردو لکھاریاں توں پنجابی وچ لکھن ول پریریا۔ فقیر محمد فقیر ہوراں بعدوں ”پنجابی“ دیاں فائلاں وچوں کہانیاں تے مضموناں دا اک پراگا ”لہراں“ دے ناں نال ترتیب دتا جیہدو ای اے دے نصاب وچ لمار لگا رہیا۔

رسالا ”پنجابی“ وچ جیہناں افسانہ نگاراں دیاں کہانیاں چھپیاں اوہناں وچ جوشوا فضل الدین، اکبر لہوری (چودھری محمد اکبر خاں)، سجاد حیدر، صادق قریشی، وقار انبالوی، نذر فاطمہ، رفیق لودھی، سہیل یزدانی، شفیع عقیل، نور کاشمیری وغیرا دے ناں ذکر جوگ نیں۔

1960 توں 1970 تک دی دہائی وچ پنجابی کہانی وچ ہیئت تے مواد دے حوالے نال کئی تجربے ہوئے۔ ایس دہائی دے شروع وچ ای افضل احسن رندھاوا دا ناں اک اہم ناں دے طور اُتے سامنے آیا۔ ایہناں دا مجموعا تاں بعد وچ چھپیا پر اک ودھیا کہانی کار دے طور اُتے اوہناں نے اپنا آپ بہت پہلاں منوالیا۔ فیر کہانیاں دے مجموعے آون لگ پئے۔ نواز دا ”ڈونگھیاں شاماں“ 1960 وچ چھپیا۔ ایہدے وچ اوہ کہانیاں شامل سن جیہڑیاں زیادہ تر روزنامہ ”امروز“ دے پنجابی صفحے اُتے چھپدیاں رہیاں۔ جولائی اگست 1960 وچ مہینا وار ”پنجابی ادب“ نے اپنا کہانی نمبر شائع کیتا جیہدے وچ مشرقی تے مغربی پنجاب دے نامور لکھن والیاں دیاں اٹھاراں کہانیاں شامل سن، ایہناں وچوں پاکستان توں نواز، شریف کنجاہی، اکمل علی، رشیدہ سلیم سیمیں، ضمیر ملک، نجیب اسلم، شگفتہ پروین، سلیم رفیقی، آصف رانا تے آصف خاں دے ناں شامل نیں۔

”پنجابی ادب“ دے ایڈیٹر محمد آصف خاں، آپ اک چنگے کہانی کار سن تے کہانی دے فروغ وچ دلچسپی وی لیندے سن۔ اوہناں دی ہلاشیری نال پنجابی کہانی دی اک خوبصورت چون سامنے آئی۔ ایس چون وچ 30 دے نیڑے تیڑے کہانیاں شامل سن جیہناں دے مرتبین وچ

محمد آصف خاں، خالد لاہورے شہباز ملک دے ناں شامل سن۔ ایس پراگے دا ناں ”اجوکی کہانی“ سی۔ ایسے سال ”دل دیاں باریاں“ دے ناں نال عبدالمجید بھٹی نے وی اک بہترین چون شائع کیتی، 1965 وچ آغا اشرف دا مجموعا ”واء وروئے“ 1967 وچ اختر سلیمی دا ”لمیاں اڈیکاں“ ایسے سال رفعت دا ”اک اوپری گڑی“ 1968 وچ نسیم اشرف علی دا ”سکے پتر، شائع ہوئے۔ رفعت نے اپنے تازے پراگے ”امرت نواس“ وچ اپنے پہلے مجموعے بارے دلچسپ انداز نال دسیا اے۔ اوہناں دے اپنے مطابق اوہ ٹمپل روڈ اتے ”پنچ دریا“ دے دفتر گئے جتھے اوہناں دا شفقت تنویر مرزا تے محمد آصف خاں نال رابطہ ہويا۔ ایہناں سبناں دے مشورے نال رفعت نے کجھ کہانیاں نوں پنجابی وچ پرتا کے پنجابی ادبی سنگت وچ پڑھیاں۔ جدوں چھپیاں تاں اوہناں دی ماں جی نوں یقین ای نہ آیا: اک دن میری آپو جی (امی) نے مینوں پچھ لیا:

ایہہ تینوں پنجابی کون لکھ کے دین لگ پیا اے..... ویکھ جیہڑا کم نہ آ وندا ہووے اوہ کسے کولوں اُدھار نہیں لئی دا۔ گل کھل جاوے تے بے عزتی ہوندی اے۔ توں اخبار وچ اردو لکھنی ایں، ایہہ پنجابی کون لکھدا اے؟“ تے جد میں ایہناں نوں ساری گل دی تے ایہناں دے چہرے تے میرے ولوں بے اعتباری دا رنگ سی۔ تے میں اوتھے پیا رسالا چک کے ایہناں دے سامنے پنجابی پڑھ کے ایہناں نوں سُنائی..... تے اوہ حالاں وی حیران سن تے اوہ کوئی ”بارھاں ماہ“ سن تے میں اپنی آپونوں اوہ وی پڑھ کے سنا دتے تے ایہناں حیران ہو کے آکھیا ”دھیے! تیریاں گلاں میری سمجھوں باہر ہوندیاں جان دیاں نیں۔ پر ویکھیں کدی کسے کولوں لکھوئیں نہ۔ تے کسے دا لکھیا ہويا اپنے ناں دے نال نہ چھپوئیں۔ اپنی تحریر اپنی ذہانت اپنی ہوندی اے۔ ویسے تیرے پونے تینوں گجھ بہتا ای سر چاڑھ لیا اے۔“ (9)

رفعت ہوراں دے کجھ افسانے پنجابی ادبی سنگت وچ پڑھے گئے تے رسالیاں وچ وی چھپ گئے تاں شفقت تنویر مرزا نے اوہناں نوں کتاب چھپوان دا مشورہ دتا:

جد میں اپنے پنچ چھ افسانے سنگت وچ پڑھ لئے تے پنجابی رسالیاں وچ چھپدے وی رہے تاں اک دن شفقت تنویر مرزا نے مینوں آکھیا تیسیں تے ہنے اپنی جلدی ای اینا گجھ لکھ لیا اے، لگدے ہتھ اک کتاب چھپوا لوو۔ میں اک بندے نال گل کہتی اے..... ایہنوں دے دیو۔ اسیں ایہہ کتاب کورس وچ شامل کر لوں گے.....“ سگوں میریاں ایہناں بھراواں آصف خاں، نواز، شفقت مرزا ہوراں مل کے میری پہلی کتاب چھپوا کے ایہدا فنکشن وی رائٹرز

گلد وچ کر لیا ”اک اوپری کڑی“ میری پہلی کتاب سی۔ (10)

1969 وچ حنیف چودھری دا ”کچ دی گڈی“ تے احسن واگھا دا ”تھل کرن دریا“ چھپے۔ ایہہ دور پنجابی کہانی واسطے اک زرخیز دور رہیا جہدے وچ نہ صرف پنجابی دیاں کئی ادبی تنظیمیں دی نینہ رکھی گئی سگوں پنجابی رسالیاں دی گنتی وچ وی وادھا ہویا، جہدے سٹے وچ قدرتی طور اُتے کہانی دی منگ وی ودھی، روز وار ”امروز“ 1950 دی دہائی دے شروع توں ای ہفتا وار پنجابی ادبی صفحہ شروع کر چکیا سی جہدے راہیں بہت ساریاں اُچ پدھری کہانیاں سامنے آئیاں۔

1970 دا دہاکا ملکی تواریخ وچ اک اہم تھاں رکھدا اے۔ سماجی قدریں دی ٹٹ بھج تے نُویاں قدریں دا جنم ہویا۔ سیاسی بے چینی تے احتجاج بھاویں ایہہ دہاکا شروع ہون توں پہلاں ای شروع ہوئے سن (سگوں جے سچ پچھو تاں ایہدی لڑی 1965 دی جنگ نال ملدی اے) ایس دہاکے دے شروع وچ ای عروج تے اپڑی۔ عام آدمی نُوں احساس ہویا کہ اوہ تے اے وی خالی ہتھ اے۔ ہندو بانیا گیا تے اوہدی تھاں ”مسلمان بانیا“ آ گیا۔ ایس لئی سیاسی تے ثقافتی سطح اُتے تبدیلیاں لیان دیاں کوششاں ہوئیاں۔ 1971 وچ بنگلا دیش بن دے بعدہ گئے پاکستان وچ اک شکست دے احساس تے اُداسی نے جنم لیا۔ 1970 دے شروع ہون والے دہاکے وچ پنجابی زبان نُوں ایہدے اپنے دیس وچ جائزہ تھاں دوآن دی کوشش نُوں مرحلے وچ داخل ہوئی۔ نُوں رسالیاں تے ادبی تے ثقافتی تنظیمیں توں دکھ پنجاب یونیورسٹی وچ ایم اے پنجابی دیاں کلاساں شروع ہوئیاں۔ شروع ہو یا جہدے بعد ایہنوں بی اے تے ایف اے وچ وی کسے حد تک پڑھایا جان لگ پیا، جہدے نال پنجابی کتاباں تے رسالیاں دی ریڈر شپ وچ وی گجھ وادھا ہویا۔ لکھاریاں دی گنتی وی ودھی۔ اوہ لوک جیہڑے پنجاب نُوں زری شاعری دی زبان سمجھدے سن، ایہہ من لگ پئے کہ ایہدے وچ ودھیا تے اعلا قسم دی نثر وی لکھی جاسکدی اے۔ سواہیس دور وچ نثر ولے بوہتی توں بوہتی توجہ دتی جان لگ پئی۔

1960 والے ”پنجابی ادب“ دے کہانی نمبر گروں اک لمے وقفے دے بعد 1975 وچ مہینا وار ”پنج دریا“ نے کہانی نمبر شائع کیتا جہدے وچ دوہاں پاسیاں دے پنجابی کہانی کاراں دیاں پہنتی کہانیاں شامل سن۔ مہینا وار ”لہراں“ نے وی جولائی اگست 1985 وچ اک شمارا کہانی نمبر دی صورت وچ کڈھیا جہدے وچ 30 کہانی کاراں دیاں تخلیقاں تے دو مضمون شامل سن۔ ایہہ دوویں نمبر کہانی کاراں نوں پرینا دین دا باعث بنے۔

اج دی پنجابی کہانی اپنے پہلے دن توں اک لما سفر طے کر چکی اے تے اپنی جھولی وچ بھرتے سارے انمول فن پارے رکھدی اے۔ ایس اج دے پنجابی کہانی کاراں نُوں تن پڑھیاں وچ ونڈ سکے آں۔ ایہناں وچ پہلی پیڑھی اوہ اے جیہنے پاکستان بن توں پہلاں یاں اوس توں فورن بعد لکھنا

شروع کیتا۔ ایہناں وچ بہت سارے کہانی لکھنا ای نہیں سگوں جیہاں چھڈ چکے نیں۔ پنجابی کہانی کاراں دی دوجی پیڑھی اوہ اے جیہڑی 60 تے 70 دی دہائی وچ سامنے آئی۔ ایہناں وچ بہت ساریاں دے مجموعے وی چھپے۔ ایس نسل دے کہانی کاراں وچوں وی بہت تھوڑے اج تیک کہانی لکھ رہے نیں۔ جد کہ باقی اپنیاں ہور رُجھاں پاروں ایہدے ول توجہ نہیں دے رہے۔ گجھ روٹی دی تلاش وچ باہر چلے گئے نیں مثلاً حسین شاہد تے اکمل علیسی۔ ایسے گروپ وچ شامل افضل احسن رندھاوا دا تیا پراگا دو کو سال پہلاں آیا سی، محمد آصف خاں دنیا توں جا چکے نیں جد کہ اوہناں دیاں کہانیاں نوں کٹھا کر کے ڈاکٹر فیاض مگھیا نانا نے ”سائھی پیڑ“ دے ناں نال مجموعہ چھپوا دتا اے۔

پنجابی کہانی کاراں دی تہی پیڑھی 1970 دے بعد کہانی دے میدان وچ آئی۔ ایہدے وچ ہُن چوتھی پیڑھی دا تازا خون وی شامل ہو گیا اے۔ ایس کھیپ دے کہانی کاراں وچ سینکڑے ناں شامل نیں۔ اک اندازے مطابق 1947 توں بعد دے ہُن تک چھپن والیاں مجموعیاں دی گنتی دوسو دے نیڑے تیرے اے، ظاہر اے ایہہ کوئی وڈی گنتی نہیں اے پر ایس پنجابی زبان دی ایہدے اپنے اپنے علاقے وچ حالت دا جائزہ لینے تے فیر کہانیاں دے مجموعیاں دی ایہہ گنتی مایوس کڑو نہیں لگدی۔ اج دی پنجابی کہانی وچ اوہ سارے رجحان موجود نیں جیہڑے اردو کہانی یاں ایس خطے دیاں ہور زبانوں دی کہانی وچ دکھالی دیندے نیں۔ علامتی انداز جیہڑا پنجابی دے مڈھلے شاعر ابا فرید تے شاہ حسین توں ای پنجابی ادب دا حصہ بن گیا اے پنجابی کہانی وچ وی دکھالی دینا اے۔ ایس توں دکھ کدھرے کدھرے تجریدیت دے تجربے وی ہوندے رہے۔ اج دی پنجابی کہانی علامت تے تجریدیت وچوں نکل کے اک واری فیر کہانی پن ول واپس آ چکی اے۔ ایہناں سارے تجریاں بارے ڈاکٹر کرامت علی مغل لکھدے نیں:

اکھویں صدی تیکر پہنچدے پہنچدے پنجابی کہانی کئی پڑواں توں لنگھ چکی سی ایہہ پڑاؤ اوس دی ترقی واسطے بہت فائدے مند وی ہوئے سن ایس نال پنجابی کہانیکاراں نے جتھے زبان تے بیان وچ نویں نویں تجربے کیتے او تھے موضوع دی رنگا رنگی وی سامنے آون لگی۔ کرداراں دی کہانی لکھی گئی۔ علامت نوں ورتیا گیا۔ حقیقت نگاری وچ تجربے کیتے گئے۔ سیاست تے سماج نوں نڈرتے بے باک ہو کے بیانیا جاون گا۔ کہانی دا شعور ودھیا تاں کہانیکاراں نے کہانی نوں ٹیسی اُتے پہنچانا شروع کر دتا۔ (11)

اج دے دور وچ جیہڑے کہانیکاراں جے وی میدان وچ ڈٹے ہوئے نیں، اوہناں وچوں کہکشاں ملک، پروین ملک، حمید رازی، میر تہا یوسفی، الیاس گھسن، اکمل شہزاد گھسن، علی انور احمد، فرزند علی، فاروق ندیم، ڈاکٹر ناصر رانا، کرامت علی مغل، عاشق، عاشق رحیل، سرفراز اعوان، ملک



شاہسواری علی ناصر، بابر جاوید ڈار، ظل ہما بخاری، ثناء چدھر، مقصود ثاقب، غلام حسین ساجد، زبیر احمد، شاہدہ دلاور شاہ، سعیدہ یونس، سجاد حیدر پرویز، ڈاکٹر اختر شہرتے جمیل احمد پال دے ناں شامل ہیں۔ ایس فہرست وچ پچھلے دنیں اک ہور ناں گل زیب عباسی دا وی شامل ہو گیا اے۔ پنجابی کہانی دے دو اہم ناں فرخندہ لودھی تے افضل توصیف پچھلے دنیں ایس دنیا نوں رب رکھا آکھ گئے۔ کنول مشتاق تے اظہر جاوید ایدوں پہلاں جا چکے سن۔ مستقل کہانی لکھن والیاں وچوں ڈاکٹر ناصر بلوچ، افضل رندھاوا، حسین شاہد، حسین شاد، فرزند علی، سرفراز اعوان، مقصود ثاقب دی کوئی کہانی کئی ورہیاں توں پڑھن وچ نہیں آئی۔

چیتے رہوے کہ کہانی کاراں دی ایہہ فہرست اصلوں بہت لمیری ہو سکدی اے تے کہانیاں دی گنتی سینکڑیاں وچ جا سکدی اے پر ایسں صرف اوہی ناں شامل کیتے نہیں جیہڑے اج کل کہانی لکھ وی رہے نیں تے اوہناں دا گھٹو گھٹ اک مجموعہ وی چھپ چکیا اے۔ پچھلے دو چار سال وچ آون والے اہم کہانی پراگیاں وچ پروین ملک دا ”نکے نکے دکھ“ توں وکھ غلام حسین ساجد تے زبیر احمد دے مجموعے شامل نیں۔ پروفیسر زبیر احمد انگریزی دے استاد نیں پر کہانی مادری زبان وچ لکھدے نیں۔ اوہناں دے دو پراگے چھپے نیں تے اوہناں نوں پچھلے دنیں کینیڈا توں ڈھاہاں ادبی انعام وی ملیا اے۔ زبیر احمد دے کہانی کہن دا انداز منفرد اے جیہدی نقل کرنا ناممکن اے۔ گل زیب عباسی دے مجموعے ”نماں دے رُکھ“ وچ شامل کہانیاں وکھ کے قیاس کیتا جا سکدا اے کہ جے اوہ ایسے فنی خلوص نال کہانی لکھدے رہے تاں بہت چھیتی اپنا ناں سنہرے حرفاں نال لکھوا لین گے۔

اک کہانی کار جو کئی ورہیاں توں بڑے خلوص نال کہانی دے کھیتر وچ موجود نیں، اوہ نیں علی انور احمد۔ اپنے پہلے پراگے ”انسان تے سب“ (2002) توں لے کے تازا ترین پراگے ”وکدے وکاندے لوک“ تیکر، اوہناں نے بہت ساریاں یادگار کہانیاں پنجابی ادب نوں دان کیتیاں نیں۔ ایس ویلے لہندے پنجاب اندر اکو ویلے بہت ودھیاتے بہت فضول کہانی لکھی جا رہی اے۔ ایہدے بارے اک وچارانج اے:

ساڈی بد قسمتی کہ بہت سارے کہانیاں جیسے نیں جیہڑے کہانی لکھن دی اٹکل جانے بغیر تے چنگی کہانی پڑھے بغیر کہانی لکھن والے پاسے آگئے نیں۔ شاعری دافن تاں خدا داد ہو سکدا اے پر کہانی کاری واسطے لفظاں دی کمپوزنگ دافن جانا ضروری اے..... ایہہ فنی بڑی ریاضت تے جتن دی منگ کردا اے، جیہڑے لکھاری ایہوں لکھ رکھے بغیر لکھدے نیں، اوہ کدی وی چنگی کہانی نہیں لکھ سکدے۔ (12)

ایہدا اک ہور سبب ایہہ وی اے کہ لہندے پنجاب وچ کہانی لکھن دافن دیندا کجھ نہیں۔

پنج ست سطران دی نظم یاں پنج شعر دی غزل نال وی شاعر دا صرف ناں ای چھپدا اے یاں اوہنوں اعزازی رسالہ نصیب ہوندا اے۔ پنج ست صفحے دی کہانی جو ایہدے نالوں کئی گنا ودھ ریاضت تے محنت دے نال نال بہت سارا ویلا منگدی اے، اوہ وی لکھاری نوں ایہو کجھ ای دواندی اے۔ ایس پاروں جیہڑے لکھاری جمع تفریق کر کے ٹرن والے نیں، اوہ کہانی لکھن ول نہیں آوندے سگوں نظم غزل نال ای اپنا شوق پورا کر لیدے نیں۔

کہانی لکھنا ایس لئی وی کسارے داکم اے کہ ایہدے واسطے بندے نوں بچھ کے بہنا پیندا اے۔ غزل دا شعر تے نظم دا مصرع ٹردیاں پھر دیاں، ویگن وچ سفر کردیاں، روز دے کم کار کردیاں تے ہور معمولان دے دوران ہو جاندا اے پر کہانی نال انج دی گل نہیں۔ ایہدے واسطے ضروری اے کہ بندا ایسے نیت نال بچھ کے بہوے۔ گھنٹے دو گھنٹے یاں پورا دن باقی لوڑاں نوں بھل جاوے تے بہہ کے لکھے۔ فیر جا کے چنگی کہانی ہوند وچ آوندی اے۔<sup>(13)</sup>

لگ بھگ ایہو گل ڈاکٹر کرامت علی مغل اپنی کتاب ”کہانی دا سفر“ وچ کردے نیں۔ اوہناں دے خیال وچ کہانی دے پچھے رہ جان وچ اک تاں ایہدے گھائے دا سودا ہونا وی اے پر ایہدے نال نال چنگے نقاد دی گھاٹ وی نظر آوندی اے۔

کہانیکاراں نے لکھیا، چنگا لکھیا، چنگا وادھا کیتا، ایس دے باوجود ادب دے کھیتر وچ اوہ وادھانہ ہو سکیا جس دی لوڑ سی۔ کہانیکاراں نوں پڑھن والیاں کولوں وی اوہ ہنگارا نہ مل سکیا۔ کیوں جے پنجابی لکھنا گھائے دا سودا لگن لگ پیا تاں بہت سارے لکھاریاں نے پنجابی توں موڑ لیا۔ پنجابی زبان وچ لکھن والیاں وچ وڈے پیمانے دے جو گھاٹ محسوس ہوندی رہی اے اوہ اے چنگے نقاداں دی گھاٹ۔<sup>(14)</sup>

اصولوں لہندے پنجاب اندر پنجابی لکھنا ای گھائے دا سودا اے تے ایہہ کم اوہی لوک کردے نیں جیہڑے سوچ سمجھ کے ایس پاسے آوندے نیں۔ ایہو سبب اے کہ کہانی پہلاں نالوں ودھ لکھی جا رہی اے تے اگے نالوں بہتر وی لکھی جا رہی اے۔ پنجابی لکھاری نرا طبعزاد ای نہیں، مختلف زباناں توں ترجمے کر کے وی پنجابی وچ کہانی نوں عام کر رہے نیں۔ ایس سلسلے وچ مہیناوار ”پنچم“ تے ”سورینٹیشنل“ دیاں سیواواں سبھ دے سامنے نیں۔ حقیقت وچ کہانی دا سفر اگے نالوں تیز ہو یا اے۔ آج توں صرف 30-25 سال پہلاں شاید اک ادھا کہانیکار اجیہیا سی جیہدا اک توں ودھ کہانی پراگا چھپیا ہووے پر آج ایہہ صورتحال اُکا بدل چکی اے۔ افضل رندھاوا، رفعت، الیاس گھسن، حنیف باوا، زبیر احمد، پروین ملک، افضل توصیف، فرخندہ لودھی، ثناء چدھر، سلیم خاں گمی، عاشق رحیل، فاروق ندیم، کرامت علی مغل تے ہور خورے کہڑے کہڑے کہانیکاراں دے اک توں ودھ

پراگے آچکے ہیں۔ ایس صنف وچ سبھ توں اُتے علی انور احمد نہیں جہناں دے ادھی درجن دے لگ بھگ مجموعے چھپ گئے نیں تے اوہناں دا فن اے وی جوان اے۔ ایہہ سارا سفر دسدا اے کہ کہانی دے مستقبل توں مایوس ہون دا کوئی جواز نہیں، البتہ ایس سفر نوں رل مل کے ہور تیز کرن دی ضرورت اے تاں جے پنجابی کہانی اپنی منزل دی ٹیسی اتے اڑ سکے۔

O

### حوالے:

- (1) دیباچہ، اجوکی کہانی (1960)، لاہور، مکتبہ پنجابی ادب، سنت نگر، ص 9
- (2) عبدالغفور قریشی (1973) لاہور، لعلائ دی پنڈ/ اقبال صلاح الدین، عزیز بکڈ پو، ص 200
- (3) عبدالغفور قریشی (1973) لاہور، لعلائ دی پنڈ/ اقبال صلاح الدین، عزیز بکڈ پو، ص 202
- (4) دیباچہ، اجوکی کہانی (1960)، لاہور، مکتبہ پنجابی ادب، سنت نگر، ص 11
- (5) شہباز ملک، پروفیسر ڈاکٹر (1985) پاکستانی پنجابی افسانہ اک مختصر جائزہ، لہراں (مہیناوار) اگست ستمبر، ص 67
- (6) جمیل احمد پال (مرتب) (2009) انتخاب افسانہ پنجابی/سرائیکی، پاکستانی ادب 1947-2008، اکادمی ادبیات پاکستان، اسلام آباد، ص 12
- (7) دیباچہ، اجوکی کہانی (1960)، لاہور، مکتبہ پنجابی ادب، سنت نگر، ص 12
- (8) عبدالسلام خورشید، ڈاکٹر (1973) پنجابی اخبار نویس دی کہانی، لاہور، لعلائ دی پنڈ/ اقبال صلاح الدین، عزیز پبلشرز، ص 416
- (9) رفعت (2015) امرت نواس، لاہور، پنجابی مرکز، سلطانی پورا، ص 8
- (10) رفعت (2015) امرت نواس، لاہور، پنجابی مرکز، سلطانی پورا، ص 8
- (11) کرامت علی مغل، ڈاکٹر (2015) کہانی داسفر، لاہور، زرشا پبلشرز، ص 12
- (12) جمیل احمد پال (1999) پنجابی کہانی 98-1988، لاہور، سویر انٹرنیشنل، مہیناوار، ص 8
- (13) جمیل احمد پال (1999) پنجابی کہانی 98-1988، لاہور، سویر انٹرنیشنل، مہیناوار، ص 8
- (14) کرامت علی مغل، ڈاکٹر (2015) کہانی داسفر، لاہور، زرشا پبلشرز، ص 11